

الأعمال الشعرية الكاملة

الأعمال الشعرية الكاملة أحمد فؤاد نجم

الطبعة الأولى ٢٠٠٥ .

(c) دار میریت

٦ (ب) شارع قصر النيل، القاهرة

تليفون / فاكس: ٧٩٧٧١٠ (٢٠٢)

www.darmerit.com

merit56@hotmail.com

الغلاف: أحمد اللباد

. . . . .


المدير العام : محمد هاشم رقم الإيداع: ٢٠٠٥/١١٤٢٠

المترقيم الدولى:8-256-315-977

# أحمد فؤاد نجم

# الأعمال الشعرية الكاملة

دار میریت القاهرة ۲۰۰۵



### إهداء ...

السي أحمد بن عروس ... وعبد الله النديسم ... ومحمود بيرم التونسي ... شعراء الشعب الخالدين. والسي زينب ... مكافأة نهاية الخدمسة .

### الشعر.. حرية

" آه من الشعر.. هذا الكائن الساحر الخلاب.. منحة الموهبة الجزيلة وامتحان الحياة الصعب الوعبر"..!

بيتهيألي أنا سمعت الكلام ده قبل كده أو قريته.. لكن

إمتى وفين ومين وليه؟ الله أعلم.. هو أنا يعني عقلي دفتر.؟

إنما والشهادة لله الكلام ده كلام واحد عاشق خد رمش عين رشق في صميم قلبه جاب رجليه فوق ورأسه زرع بصل، كما حدث للعبد الفقير المطيور، كاتب هذه السطور.

أول الزمانات، قابلته ملكاً متوجاً على عرش من الأنغام السحرية، شايلاها مجموعة من الحناجر الذهبية زي أم كلثوم وعبد الوهاب وزكريا أحمد والسنباطي وفتحيه أحمد، وأستاذ الأساتذة الشيخ على محمود معجزة الأداء العظمى في العصر الحديث.

وأيضاً قابلته مستخبي في المواويل الحمرا والخضرا اللي قالها الفلاح المصري الفصيح في شكوى الزمان والمكان.

وزى ما بيقولوا العشاق وقعت في شباكه من أول نظره، ومن يومها وهو مشحتفني ومجرجرني وراه في المحاكم والسجون لحد ما حفيت رجليا وتعبت أحلي تعب، وأنا برضه ماشي وراه.. بلاد الله خلق الله.. مطرح ماترسي بادق لها، والمخوزق يشتم السلطان، واللي يعرف أبويا يروح يقول له واللي بيجيب لي العشا يحوشه، وقدرت أقول كلمتي بالصوت العالي ورزقي ع اللي رازق الدوده في بطن الحجر، لأن الشعر رباني وعلمني لا أبلع لساني و لا أجز على سناني و لا أدهن الكلام ألوان و لا أقول للقرد.. يا قمر الزمان.

وأنا في الأصل عاشق تراب بلدي، ومتمعشق في ناس بلدي مصر المحروسه، ومتواعد مع الحلم الإنساني هنا على شط بحر البحور وسيد الأنهار النيل الخالد العظيم، وباطلب من الله ولا يكتر على الله إنه يمد في عمري كمان فترة زى رؤساء الجمهوريه تبعنا لحد ما أشوف بعيني مصر الخضرا بتغني للحب والزرع والحصاد، والعالم كله بيسمع ويقول: كمان يا ست كمان!!

معنى الكلام، إن القصايد الموجوده في هذا الديوان تقدر سيادتكم تسميها - الشعر الحر - وأنت مستريح البال والضمير، لأن الشعر حريه! وكل واحد يسمى شعره على هواه، وإذا كان الساده اساطين النقد الأدبي رأيهم أن الشعر الحر هو اللي - بلا قافيه - ولا شكل فهم أحرار، لكن أنا رأيي إن الشعر الحر هو اللي بيطلع م القلب عدل أو يوصل للقلب عدل، والمسألة في رأيي لا تخرج عن كونها خلاف في وجهات النظر على شرط إنه يكون خالص لوجه الوطن، لا تشوبه شائبه، لا بقعة نقط من جزيرة العرب ولا شبة نفاق لحاكم مستبد راكز على قلب شعبه بالحديد والنار والتليفزيون..!

في عشق مصر المحروسه - حبة عين العرب ونبض قلبهم الحي - كتبت هذه القصايد، وفي عشق مصر حضنت كل القصايد وقدمتها للناس، وكان التمن مزيد من العشق والجنون، وصدق اللي قال - المجانين.. في نعيم - والشعر حرية.

أحمد فؤاد نجم القاهرة مارس ٢٠٠٥

# الرسالة رقم ١ من معتقل طره

<sup>(</sup>۱) دأب نظام السادات على ما أسماه بالضربات الوقائية ضد الوطنين المصريين فكانت أجهزة أمنه توجه ضربه شامله لكل القوى الوطنية مع حلول أول كل عام حيث لا يظل خارج أسوار المعتقلات سوى الكوادر التي لا خطر منها.

وعشَّش في الزنازين.. الحمام

من سكون السجن

صوتي نبض قلبي من تابوتي بيقولولك يا حبيبتي كلمتي من بطن حوتي سلمي لي ع الحبايب سلمي لي ع الحبايب كل حب لي كل حب لي من سلمي لي بلغسي لي العالم عشاني العالم عشاني العالم عشاني

منها أشوف حبايبي واشفى قلبي و اسأليلي كل عالم في بلدنا کل برج وکل مادنــه كل صاحب من صحابنا كل عبل من و لادنا حد فيهم شاف علامه من علامات القيامــه قبل ما تهل البشاير يوم تمنتاشر يناير لما قامت مصر قومــه بعد ما ظنوها نو مــــه تلعن الجوع والمذله و المظالم والحكومــه؟

سلمي لي ع الولاد السمر خضر العمر في عموم الحواري سلمي لي ع البنات المخطوبين في المهد لسرير الجوارى واسأليلي بالعتاب كل قارى في الكتاب حد فيــهم كان يصدق بعد جــهل وبعد موت إن حس الشعب يسبق أى فكــر وأي صيوت هي دي مصر العظيمــه یا حبیبتی هی مصر اللي فضَّلتي في هو اها

عشنًا على ألف قصر هي دي يا عــزه مصــر

معتقل طره/ يناير ١٩٧٧

#### السندياد

مخلص جسور طاير على جناح العصور داير على جناح العصور كما يدور الدولاب ورا التساريخ من الجدور يقطع شعاب يقطع شعاب يغوص في أغوار البحور ينبش بعينه في الكتاب يقرأ الشواهد عاد ولما عاد

حكيم عليم

رمي السلام وقال كلام واسمع كلامه وحلله تلقاه بسيط من أولـه تعمل حويط وتأوله تطلع غشيه قال الحكيم العمر ماشى وكل ما شي وله مداه وكل فرد وله بدايته ومنتهاه الشعب هو الباقى الحي هو اللي كان هو اللي جي طوفان شديد لكن رشيد يقدر يعيد صنع الحياه و الشعب لما يقول

یا أصحاب العقول نسمع ونوعی ونحترم صوت الإلـــه

القاهرة ١٩٦٧

#### هلال العيد

في نورك يا هلال العيد يطير بينا سفين عوّام على الأحلام يودينا نمد جسـور نعدي بحور مغطيسه في مركب نور عليه الحور مراكبيه قلوعه من نسيج الشوق يهب الريح ياخدها لفوق ودفّه من أمانينا بغير مــــلاح تغوط في الغريق بينا عشان نرتاح

نلاقى الموجه لجاجه ولا نرتاح ولا حاجه نعود بالحيره ونعدى بُحور بالحزن مواجه وييجي العيد هلاله جديد يلاقى الناس حزين وسعيد حسب شوقه بجود وبزيد ويحرم ناس على كيفه يولع للسعيد شمعه ويطفى للحزين شمعه ويرمى البسميه والدمعه حسب شوقه و على كيفه ونورك يا هلال العيد بطبر ببنا سفين عوّام على الأحلم يودينا

# حَ نْغَنَّسي

حَ نغني ودايما ح نغني ونبشر بالخير ونمنى ونلف الدنيا الدواره على صوت النغمه الهداره ومعانا المشرط والبلسم في الكلمه الصاحيه النواره هو احنا كده وحنبقي كده ماشيين عارفين مع مین علی مین دايما واضحين مش بین دا ودا هو احنا كده

وحنبقى كده

الشارع بيتنا وغنوتنا
والشارع أعظمها مغني
من لحم الشارع كلمتنا
على لحن الشارع بنغني
وإن جعنا شبعنا
بتتقضتي
ما نبعش الكلمه بميت فضه
بتراب الشارع متحني
هو احنا كده
وحنبقي كده
ماشين عارفين مع مين
على مين
دايما واضحين مش بين دا ودا

القاهرة/ ١٩٧٤

## بهية

یسبق کلامنا سلامنا یطوف ع السامعین معنا عصفور محندق یزقزق کلام موزون وله معنی عن أرض سمرا وقمره و ومراکب وضفه و نهر و مراکب و وصورة حشد و مواکب و صورة حشد و مواکب في عیون صبیه بهیه علیها الکلمه و المعنی

مصر یامه یا بهیه یام طرحه وجلابیـــه الزمن شاب وانتی شابه

هو رايح
وانتي جايه وانتي جايه وق الصعب ماشيه الله وميه المنه واحتمالك هو هو هو المنه هي هي هي المنه والمنه المنه والمنه والمغربية المنه والمغربية المنه والمغربية والمعبد المنه والمبيه والمعبد المنه والمبيه والمبيه

الليل جزاير جزاير يمد البحر يفنيــها والفجر شعله ح تعلا وعمر الموج ما يطويها والشط باين مداين عليها الشمس طوافــه

إيدك في إيدنا ساعدنا دى مهما الموجه تتعافى بالعزم ساعه جماعه وبالإصرار نخطيها مصر بامه باسفینه مهما كان البحر عاتى فلحبنك ملاحبنك يزعقوا للريح يواتي اللي ع الدفه صنايعي واللي ع المجداف زناتي واللى فوق الصاري كاشف كل ماضى وكل أتى عقدتين والتالته تابته تركبى الموجه العفيه توصلي بر السلامه معجبانيه وصبيه .. يا بهيه ويعود كلامنا بسلامنا يطوف ع الصحبه حلواني

عصفور محني
يغني على الأفراح
ومن تاني
يرمي الغناوي تقاوى
تبوس الأرض تتحني
تفرح وتطرح وتسرح
وترجع تاني تتغنى
اللي بني مصر كان في الأصل
حلواني

معتقل القتاطر/ ١٩٦٩

# دور یا کلام

دور يا كلام على كيفك دور خلي بلدنا تعوم في النور الرمي الكلمه في بطن الضلمه تحبل سلمي وتولد نور يكشف عيبنا ويلهلبنا لسعه ف لسعه لسعه ف لسعه نيور نهب نثور دور يا كلام دور يا كلام على كيفيك دور

عم إمام عنده كلام

ومسوّح في بلاد الناس من شوق نولــه يغزل قوله ويغنى مرفوع الراس بلدي يا نبع النور سلسال يهدي الفكره للأجيال بلدي يا لقمة عيش يا حلال ع الأكالــه وع الأكَّال يا أم النيل سايل مو اويل كل مغنى وله موال وأنا أرغولي لما يمــول سوى في الآخر سوى في الأول مش ح يغني إلا يا مصر يا ركوبة ركاب النصر

سرقوكي سكان القصر والظابط عبد المأمور دور يا كلام علي كيفيك دور

القاهرة/ ١٩٦٩

## سلام للأرض

سلام يا أرضنا يا غيطان الفلاحين يا ورشة الصنايعي يا بحور الصيادين يا مدرسه يا جامعه يا دشمه يا خنادق يا دشمه يا خنادق يا مدفع يا بنادق و اقفين و العزم صادق تردوا المعتدين ع الحق و السلام

> سلام بإدين قويه خشنين و عرقانين

يناموا المغربيه
ويقوموا مبدرين
يخضروا الجناين
ويطيروا الحمام
ويعمروا المداين
ويضيعوا في الزحام
سلام يحمي الحياه
ويزيد الانتباه
في الناس الطيبين
للحق والسلام

سلام يا أرضنا يا جنات الزتون يا أغلى عندنا من حبات العيون سلام نحميه بروحنا ونصونه في القلوب

ونداوي بيه جروحنا إحنا وكل الشعوب سلام يطرح أماني ويزوق الأغاني ويسقى الأناني ويسقى العطشانين للعدل والسلام سلام سلام سلام

معتقل القتاطر/ ١٩٧٠

### أنا رحت القلعة

أنا رحت القلعه وشفت ياسين حواليه العسكر والزنازين والشوم والبوم وكلاب الروم يا خساره يا أزهار البساتين عيطي يا بهيه على القوانين (١).

<sup>(</sup>١) لجسأ نظام السادات إلى أسلوب جديد في قمع القوى الثورية في مصر فحول نيابة أمسن الدولة إلى جهة إصدار وتقنين قرارات الاعتقال، وكان دائماً يقول "كله بالقانون وسيادة القانون".

أنا شفت شباب الجامعه الزين الزين أحمد وبهاء والكردي وزين<sup>(١)</sup>. حارمينهم حتى الشوف بالعين وف عز الضهر مغميين عيطي يا بهيه على القوانين

> وقابلت سهام (۲) في كلام إنسان منقوش ومأثر في الجدر ان عن مصر

<sup>(</sup>١) أحمد عبد الله وأحمد بهاء الدين وشوقي الكردي وزين العابدين، مجموعة من قيادات الحركة الطلابية المصرية في السبعينات.

 <sup>(</sup>۲) ســهام صبري طالبة الهندسة التي أسست مع زوجها محمد توفيق ومجموعة من رفاقها جماعة أنصار الثورة الفلسطينية التي أشعلت الشرارة الأولى لانتفاضة ١٩٧٢ الطلابية المجيده.

وعن عمال حلوان مظاليم العهد المعتقلين عيطي يا بهيه على القوانين

وقابلت هناك منذر وزياد وقابلت كمان عزت وجواد (۱). عزت وجواد (۱). أربعة أبطال شنقوا الجلاد التل يهوذا الفدائيين زغرطي يا بلدنا لدول مساجين واسمعى يا بلدنا خلاصة القول واسمعى يا بلدنا خلاصة القول

<sup>(</sup>١) مسنذر وزيسادة وعزت وجواد الأربعة الفدائيين الذين نفذوا مشينة الشعب بإعدام الخائن وصفى التل في فندق شير اتون بالقاهرة واعتقلوا معنا عام ١٩٧٢.

وباقولك أهه وأنا قد القول مش ممكن كده حيحول الحول على كده والناس يفضلوا ساكتين خليكوا فاكرين خليكوا شاهدين أنا رحت القلعة وشفت ياسين

معتقل القلعة ١٩٧٢

# على الأرغول

الأولـــه آه والتانيه آه والتالته آه الأولـــه آه

الاولــه اه والغدر لَمَن حكــم والغدر لَمَن حكــم صبح الأمان بقشيش والتانية آه يقدر ولا يعفيش والتالته آه والحر مهما انحكم الندل ما يوطيش الأوله غربتي

والتانيه بلوتي والتالته كلمتي

أرغول يا أرغول
يا أبو النغم موصول
شطره تجيب شطره
والشطر غنيوه
والسامعين أدري
والسامعين أشتات
زي النغم مقامات
قسم وغني وهات
وأملا المكان خضره
والأوله آه

يا عم يا قو ال

والتانيه آه والتالة آه

يا أبو الحرير مو ال
كيفك
وكيف الحال
اغزل وسمعنا
واشطح مع النغمات
ودوس على المقامات
لمن تشعبنا
داحنا الحياري دليل
مستنظرين مواول
توصل مع المراسيل
والصهبه تجمعنا

صهبتنا صباحي طول ما الألم صاحي يا شوقي يا جراحي يا حبي يا بكره يا صحبتي في الهم يا شركتي في الدم

عزوتنا لو نتلم ونغنى للفقرا أخضر خضرضر مال للعشق والموال وكان أصيل الخال لكن فقير الحال شد الرحال في الحال جاب البلاد رحًال ينزف على الأرغول دم الصبا سلسال أخضر خضرضر مر على كل بحر وبر داق الشتا في الحر والعشق له أهوال رجع صاحبنا حزين يقعد مع المساكين ويغني للعاشقين ويقسم الموال

یا لیلی آه یا عین يا عم يا جمّال ترعى جمالك وين وأنت فقير الحال يا ليلي آه يا عين والمرعى للأندال يا ليلي آه يا عين يا عم يا جمّال والصبر مهما طال ما حينفتلشي حبال ألزم قلوب وإدين يتمدواع الشطين ويعمروا العيارين ويطخوا رأس المال والأوله أه والتانيه آه و التالتة آه

القاهرة/ ١٩٧٤

## ضليلة فوق راس الشهيد

```
(خبر)
بالنكته لوجيا
والحداقه
والتكنولوجيا
والتاريخ
هجم الزناتي ع الخواجه
ولبسه العمه بصاروخ
"جود" عليوه
"باد" مائير
كل عام فانتوم بخير
(وكالات الأنباء والصحفيين
ت أكتوبر ١٩٧٣).
```

(تعليق) قبل البدا

[ 2 7 ]

يا سامعين أبعت سلامي للميدان وافهم كلامي واسمعين وأوزن ودقق في الميزان تعرف مرامي يا اسماعين من دون فلاسفه وترجمان أصل الحكايه مش ناقصه لَفُ مش ناقصه لَفُ ولفاف الم

كان وقت نكسه يا اسماعين والبر غاطس في الهوان والدم سايح أجمعين والأمر غرقان للودان والأرض رايحه

ولا معين والعفشه ناقشه والغيلان سانين سنانهم طماعين ياكلوا السواكن بالمكان والناس حياري يا إسماعين بين مين وفين وليه وكان

إذ هذا يحصل يا اسماعين طلعوا الفلاسفه البغبغان ناقلين كلام يملا البرام عن حد سيف الأمريكان الياذه بالشعر المهول وهيل وهيلمان خلونا شبنا يا إسماعين وكبرنا من قبل الأوان

طبوا الفلاسفه في الغلط لما الزلط قدح الزناد نفر العناد عرق الغضب واقزح يا واد واضرب يا واد قزحت صعايده وفلاحين بحر الكنال في شمال يمين وادّينى عقلك يا اسماعين واضغط بقلبك ع الزناد واجمد يا واد واضرب يا واد قزحوا الولاد قزحت قلوب الناس وراهم اسم النبي يحرس خطاهم من خطاهم رنوا الخواجه البربري علقة معلم عبقرى وارتد جيش المفترى وعيالنا نار

تلحس قفاهم اسم النبي يحرس خطاهم من خطاهم

> يا مصر جيشك م الصعيد وم البحاروه ومن رشید شبان هلایله وطیبین فينا الحنين والعنيد نعشق ولا عشق الحمام للولف والعش السعيد ونجود كما جاد الغمام باللقمه والتوب الجديد ندَي بمزاجنا كل شيء لأي شيء ما دام نرید

> > لكن عدوك يا اسماعين

لو سخنت النارع الحديد والظلم خوَم ع العباد سوی من قریَب أو بعيد حلم الحليم يصبح جحيم والدم يتسمم صديد نرمي الغضب رَمْي الحطب ع النار تقوم النار تقيد ولحنا الرجايل يا اسماعين في الشده والوقت الشديد نصول نجول كما الخيول راكبه السيول فوق الجليد نكسح ضباب الليل يزول

ننطح جبال الخوف تميد نطوي السراب طي الكتاب ونقابل الصبح البعيد نرجع نلاقى الدنيا نور یا مصر والإنسان جديد ننشى المداين والكفور في جو ً نور وبكل أيد ونجيب حليب العندليب في المهد للطفل الوليد ونشجّر التين والزيتون ضلبله فوق راس الشهيد

٦ أكتوبر ١٩٧٣

## على بابك يا ست

على بابك يا ست نزل الوليد ع الباب كما اللوز مقشر مكُلضٍمَ مكشر يو أو آ يأوًّ أ يبلضم يبوأ بشلت برجله يشوًح بإبده يطبطب على امه يخربش في سيده يزاحم ويندب وسط الزحام يبعد

عن الصولجان والمقام يمشى سنه يرجع هنا يزحف سهول وجبال يفضل كده جو ال يسو ًح يغر ب ويرجع يقرّب يسيبك بقهره یا ستی یا طاهره يجيلك يا زُهره على ضهر مُهرِه عفيَّه و أصليه وبعيون كحيله وغرَّه وهلال ولابس عقال وندرن على يا ستى الرئيسة لو المهره تسبق واجيب الرهان لا بخر مقامك

واجيب لك عروسه وأسمي العروسه حلاوة زمان

مدد يا أم هاشم ونظرة وصال لعاشق مالوش في العواشق مثال محسوب ولد محسوب الست والأحباب واكمنه كان مكتوب دخل الوليد كتاب يتعلم المحتوب ويعلم الأصحاب على بابك يا ست

القاهرة/ ١٩٧٢

## الشربة العجيبة

البلي بَمْ بَمْ والبلي باه قال لك إيه قال لك آه شربه عجيبه من تركيبه بلدي يا بلد البلي بلي باه قال لك إيه قال لك آه

قال لك أكل الفول بيقوت قال لك حشو المعدة يموت

صهين قال لك فو َّت کل دا کدب الناس كاشفاه زى ما كشفوا البلی بلی باه قال لك ليه ؟ قال لك آه أيّ مواطن يا ولداه زاده الفول لازم تلقاه عنده البنكرياس بطال والإمساك فوق الإسهال عنده الرهقه عنده الدوخه عنده أنيميا عنده عيال

قال لك

ثم الجهل مصيبه مولف ويًا العيا تركيبه تشرب منها تعطش تانى تشرب تعطش تشرب تانی تعطش تشرب خمسه ف سته ميَّة نار لو طالت جته لاز من تلحس أثمن حته يعنى المخ يا خلق الله آدي البير وادي غطاه والبلي بم بم

قال لك

والبلي باه قال لك إيه قال لك آه

قال لك تصبر ع المكتوب زى ما صبر النبى أيوب يعني تسلم للميكروب ياخذ رزقه بفضل الله يفضل ينحل وبرك أما تتفرفط من وسط اللمه خايخ نخب السوس في عضاك خلا قوايمك ما هي شايلاك ويعالجوك الناس بالصبر مع إنك عيّان بالصبر قومك صبر ونومك صبر

لحد القبر يا حول الله وحياتك م الدار للنار تتولف عند العطار يسقيك الحكمه ف أشعار ويركب م الصبر دواه وتقربع والداء عمَّال في عضام الأبعد نحَّال وتخلف للبؤس عيال وبهيه صبيّه يا ولداه آدي البير وادى غطاه والبلي بم بم والبلى باه قالت لك إيه قال لك آه

بعد الكشف بميكروسكوب شفنا التوب

وما تحت التوب تشكيلة أمراض عشناها والبيكم في الآتي دواها وصفة عجيبه من تركيبه بلدي يا بلد البلي بلي باه قال لك إيه قال لك آه وجع الراس ح نعالجه بإيه؟ قال لك تدّي الناس القوت قال لك طب و الجهل يا بيه؟ قال لك سبب الكلمه تفوت طب و الكلمه تفوت إزاى؟ قال لك لما الضلمه تموت طب والضلمه تموت إزاي قال لك لازم بالنبوت والنبوت حنجيبه منين؟

قال لك لما نهز التوت

[ ٥٧ ]

قال لك قدّر خفنا نهز؟ قالك نشرب صبغة يوت حَ تَطَهِّر أيوب من صبره وتفجَّر عيد المكبوت وتفوَّق يونس من نومته ويفلفص من بطن الحوت آدي البير وادى غطاه وادي وجعنا و ادې دو اه والبلي بم بم والبلى باه قال لك ايه قال لك آه

#### القواد الفصيح

سلمى يا عزيزه على الأستاذ فنان اليوم و المستقبل محمود محمود محمود الباز بنتى السنيوره القموره على فكر ه بترقص ممتاز أرقصى يا عزيزة متنكسفيش محمود بقي منا خلاص و لا فيش يا عزيزه النيّزه كوا النيزه کان ممکن تطلعي مركيزه تکی تم تکی تم تکی تم تمّ تــــمّ الرقص النقص يزيح الهم [09]

تکی تم تکی تم تکی تم تم تم ويمشى الحال ويجري الدم تکي تم تکي تم تکي تم تم تم على فكره يا كابتن محمود وبرغم الكبت الموجود أنا راجل ثوري ومتحرر وعزيزه بتلعب ع العود العبى يا عزيزه متنكسفيش محمود بقى منا خلاص و لافيش يا عزيزه النيزه كو االنيز ه كان لازم تطلعي مركيزه ترالم ترالم ترالم ترالم لم لم العود النود

بيزيح الهم ترالم ترالم ترالم لم لم ويمشى الحال ويجرى الدم أنا رأيي يا سيد محمود وبرغم الصمت المقصود إنك فنان المستقبل ونشيد العصر المنشود قربي يا عزيزه من الأستاذ محمود ما بقاش محمود الباز محمود بقى منا خلاص و لا فيش يا عزيزه النبزه كوا النبزه كان لازم تطلعي مركيزه ترالم ترالم ترالم العود النود بيزيح الهم

ترالم ترالم ترالم

لم لم ويخلى القعده شهية ياعم قربی یا عزیزه ما تتاخریش محمود بقى منا خلاص و لافيش يا عزيزه النيزه كوا النيزه أنا رأيي إنك مركيزه هلام هلام هلام لم لم محمود النود بقى نازل هَـمْ هلالم هلالم هلالم لم لم وعزيزه النيزه تحب الهيم هلالم هلالم هلالم لم لم

سجن الاستئناف/ ١٩٧٣

# الخط دا خطی

الخط دا خطی و الكلمه دي غطى الورق غطى بالدمع يا عنيَّه شط الزتون شطى والأرض عربيه نسايمها أنفاسي وترابها من ناسى وإن رحت أنا ناسى ماح تنسانیش هی والخط دا خطي والكلمه دي ليا لاكتب على عيني

واحبس ضياً عيني بدموعي طول اليوم قبل الوفا بديني زي الصلا والصوم والدين في عرف الحُسر هم ومذله ومر وشجون تصون وتجر أحزان مخبيه والخط دا خطي والكلمه دي ليا

يحرم عليكي النوم

والحبر من دمَٰيَ يا همتي كفّي يا عزوتي ضمّي أول ما ح نوفي بالوعد

ح نسمي

لاكتب على كفي

باسم اللي ماتوا صغار في المدرسه و الدار والمصنع اللي انهار فوق الصنايعيه والخطي والكلمة دي ليا

معتقل القتاطر/ ١٩٧١

# منشور وطني علني رقم ١

أيها المواطنون أيها المواطنات مصر من طول السكات بتناديكم تسمعون؟

عطروني بالبارود كحلوني باللمون عايز اغمض أو أفتح يرجع الشوف للعيون والقي سينا جوا حُضني والجناين والزتون يا حبايبي يا جنودي

ما عساكم تفعلون

يحكي من أمثال زمان كل وقت وله أدان يابهيه وخبرينا يعني إيه معنى الأدان؟ معنى الصباح والخلايق مجروحين تبقى حيً على الكفاح والملايق مرتاحين والخلايق مرتاحين والخلايق مرتاحين تبقى حيً ع الكلام والمناقشة يا أفلاطين

أيها المواطنات مصرنا ست البنات عايزه منكو تزوقوها وانتو أهل المكرمات عايزه عقد النصر وردي والحكق بالدلايات عايزه طرحه وعايزه فرحــه وعايزه ساعه م الساعات تعجنوا الحنه السويسي من زتون البيارات

> ما عساكنْ فاعلات أيها الموطنات؟

يا حياه الشعب يا

مصر يا نور العيون الحياه والممات والمشانق والسجون والكلام والآلام

و الدسائر والقانون والعساكر والدساكر كله في حبُّك يهون ليس فينا من جبان ليس فينا يحزنون فينا طيبه زرع طيبه بس آه لو تعلمون لو يفيض الصبر بينا تطفح النار م الأتون لو يغطي الصعب سنا و العبور يصبح جنون نرمي يا مصر العزيزه جسمنا فوق المنون وانتى يا مصر الحبيبه عندنان جوا العيون

واحنا يا مصر الجميله حبنا فوق الظنون

القاهرة/ أكتوبر ١٩٧٣

## حالـــة

ما بيعملش حاجه وما عندوش كلام صرصار القهاوي هربان م الزحام غيبان عن وجوده يصحى عشان ينام ياكل مورتديللا ويقربع سخام ويقول لك دا موقف ويبيع لك الكلام فالعالم في رأيه منحوت من رخام شرقه زی غربه

كله مش تمام والربيع مزيف والنجوم.. ركام والنجوم. ركام والعمل حرام طب إيه القضيه يا أستاذ حمام والحلول في رأيك؟ يعمل نفسه نام وتدور تلاقي عرصارنا الهمام يائس من حياته من صدمة غرام حاجه تقرف

القاهرة/ ١٩٧٩

## أوأه

أوأه المجنون أبو برقوقه عيره وبراني وملزوقه نصباب ومنافق ودماغه مليانه مناطق موبوءه والنكته كمان انه حلنجي وعامل لى فكاكه وحندوقه مع إن الجحش أفهم منه والعالم فاهمه ومفلوقه بسلامته بيسرح قال بينا يعنى إحنا مواشى

يا زقزوقه داحنا العريفه الحريفه غيرش الأيام المدعوقه شفت الولدات الشلبيه ليلة التحرير يا اسطى فاروقه أهو دولا ولادنا وأكبادنا وقلوبنا عليهم مشقوقه يا سلام يا صلاة النبي أحسن على جيل العلم يا مرزوقه حلوین وحیاتك یا بلدنا يا أم الخيرات المسروقه إحنا اللي رمينا البذرايه وروينا الأرض المعزوقه و حنحصد بکره و حنغنی وعبون الخابن مخزوقه

معتقل القلعة/١٩٧٣

# في المعتقل

في المعتقل يا سلام سلم موت وأتألم لكن لمين راح تتظلم والكل كلاب كلاب وكلاب وكلاب وكلاب واقفين بالقيد وأبو زيد ويهينوا دياب

الكلب فيهم لا يميَّز ولا يتميز عن الغوريللا ومطيَّز وبضفر وناب

ومدربينه يدق الكعب فوق راس الشعب يزرع ف قلبه الخوف والرعب من غير أسباب غير أن شلّة حراميه وشمحطيه عايشين في مصر عو اطليه وبياكلوا كباب عايزين يعيشوا عرض وطول على كده على طول وان حد بلضم سيدنا يقول جريَّه يا كلاب ع المعتقل يرموه في الضيق ما يلاقى صديق وإداره شغلتها التلفيق

تكتب له جواب
وع النيابة ومحاكمه
وتقوم حاكمه
عشان بلدنا بلد بكمه
عاش الكداب
غير الصحافه ما تهولً
بقى وتأولً
وبعد ما الكدب يطولً
تطلع في كتاب
لكن يا مصر حييجي اليوم
ويطير النوم
وكل ظالم أو مظلوم

معتقل القلعة/ ١٥ مايو ١٩٦٩

## بیان هام

هنا شقلبان محطة إذاعة حلاوة زمان من القاهره ومن كردفان وسائر بلاد العرب واليابان ومن فترويلا وأيضاً إيران ومن أي دار أو بلد مستباحه بفعل السياحه مع الأمريكان

هنا شقلبان محطة إذاعة حلاوة زمان نقدم إليكم بكل اللغات
مراسح وسيما وجميع الفنون
صحافه ومنابر
وثليفزيونات
وخُطبا ف جوامع
وجبنه وزتون
ونقزح ونركب جميع الموجات
ونبحث ونفهم
في كل الشئون
ودايما نلعلع في كل الحالات
ولا حد سامع

وتسمع ما تسمع دا ما يهمناش لأن احنا أصلا بناكل بلاش فخليك في نفسك وما تخليناش

نسلط عليك القلم و اللسان

هنا شقلبان محطة إذاعة حلاوة زمان يسر الإذاعه وما يسركوش بهذى المناسبه وما بندعيكوش نقدم إليكم و لا تقرفوش شحاته المعسل بدون الرتوش شبندر سماسرة بلاد العمار معمر جراسن للعب القمار وخارب مزارع وتاجر خضار وعقبال أملتك أمير الجيوش

ما تقدرش تنكر تقول ما اعرفوش ما تقدرش أيضا تقول ما اسمعوش شحاته المعسل حبيب القلوب يزيل البُقَع والهموم والكروب يأنفس يأفين يبلبع حبوب ويفضل يهلفط و لا تفهموش وتفهم ما تفهم دا ما يهمناش لأن أنت فاهم وعامل طناش ح تنكر وتحلف ح أقول لك بلاش

ح تتعب دماغنا وتتعب كمان

هنا شقلبان محطة إذاعة حلاوة زمان لأن المخبى ظهر واستبان وكل المسائل بدت للعبان وطلعت حكاوى و نز لت كمان عن التهريبيه وعن كيت وكان وعن محسوبيه وعن ألعبان ظهر في المدينه كأنه الطوفان وغرَّق مراكب وسوًح غيطان وبعض المراكب

ح تغرق كمان وأزمة مساكن وأزمة أمان وعالم بياكل في عالم جعان وريحة مؤامره في جو المكان مخطط خبانه مع الأمريكان لدبح العشيره وحرق الجيران وفيه ناس بترغى ولازم بيان كما أبلغونا جميع الودان لهذا وذاكا .. وتلكم كمان نقدم إليكم عروسة وحصان شحاته المعسل

#### وهذا البيان

هنا شقلبان محطة إذاعة حلاوة زمان بسم الله سلام عليكم وسلمون وموز وأما المسائل فهنْجَفُ ولوز فيا أخوات ويا أخوات اليكم بياني

> جميع المسائل تمام التمام وكل الكلام دا مجرد كلام فصبراً جميلاً

ولا تقلقوش وشغل الضغاين أنا ما اقبلوش ما فيش أي حاجه على الطلاق والعتاق بالتلاته ما فيه أي حاجه وقدَّر كمان إن فيه أي حاجه ما فيش أي حاجه ما لوش أي لازمه الكلام و اللجاجه وعيب أن عيل يسوق السماجه ويعمل لي باللو ويعمل ديباجه أنا بطبعي ضد السماسره الكبار بحكم المنافسه وحكم الجوار لكن مش ف طبعي إنى أعمل فضيحه

لو احد ز میلی

هبش كام صفيحه ما كل الزمايل بتهبش صفايح وكل اللي جاى ماشى ماشى ماشى ماشى ماشى فيا أيها الشعب فيا أيها الشعب مساء التنفس مساء الروايح

أخويا الأمير بزرميط الإيرانى بعت لى السنه دى عزمنى ودعانى أنا قبلت طبعا ورحنا العزومه وكانت وليمه ما تحصلش تانى دا إيه المحمَّر وإيه المكمَّر

وإيه المشمّر وإيه الصواني أنا دماغي تعبت ولفت صراحه من الفخفخه والهنا الأصفهاني هناك يعنى مثلا إذا شربت طافيه تمز بکوار ع وبسطرمه ضاني ما شفتش هناك ناس بتحقد عليهم و لا ناس بتشتم فلان الفلاني لأنه اشترى عزبتين من شطارته وحكمة إدارته وطلع مباني وبعد الوليمه استلمنا الهدايا

مفضص ومدهب ومدهب وقر وقيشاني وقر وقيشاني وطبعا أخويا الأمير قال لى حاجه حاقولهالكو طبعا إذا الوقت ناسب حيل يعيل بدون أي حاجه ويعمل لي فلحس ويقعد يحاسب ويقعد الشتراكي أنا ما اقبلوش ولو هو إبني أنا ما اعتقوش

كلام عن سماسره كلام عن دعاره حاجات مش صحيحه جُمَل مستعارة وعايزين يخلوا البلد

أردغانه وعايزيني اسيب البلد من زمان وأنا مش ح اسلّم واسيب الأمان ولا بالبوليس والنيابه كمان فيا أيها الشعب كمل جميلك وصبرا وألزم حتيجي المصارى وتأكل وتشرب تبع ما يأتيلك وتغرق في بحر العبيد والجوارى وترسم حياتك حسب ما يرائيلك وتملا الحواري فساقى وقصاري تسبح بحمدك وتشكر جميلك

وفضل الزباله وطفح المجاري ختاماً سلاما وآخر كبلاماً ضرورا يسود الهدوء والوئامأ فماذا وإلا ح طربقها واللا واهرأب فلوسى واسافر قواما سلام عليكم وسلمون وموز بصفتى رئيسا و أيًّا وجوز

#### نواره

نواره بنتى النهارده تبقى بتخطى عتبه ليوم جديد یا رب خلی یا رب حافظ يا رب بارك یا رب زید یا رب کبّر نواره تکبر وتبقى أكبر في كل عيد لأكل جمعه لأكل يوم لأكل ساعه لأكل لحظه

تنول وتحظى وتزيد نباهه وتزيد ملاحظه وتحظى مصر السعيده بيهم ويبقوا ليها وتبقى ليهم غيطانها جنه وترابها حنه والنسمه خمره ف قزازه حمرا والنيل نجاشى ما فیش ما جاشی تمللي بيجي أخضر مليجي دايما يوفي دايما يكفى كل الخلايق يصبح صباحه فلاحه يمشي

على شطّه عايق والدنيا صافيه والجو رايق ما فیش معاکسه ما فیش مضایق ما قيش عساكر وقهر تاني كل الأماني بقت حقايق يا رب وفق يا رب وافق یا رب زید واكتب عليهم في كل لحظه فرح وعيد بسكوته بابا حاضر یا ماما وتقوم تدوسني عشان تبوسني وتنام في حضني

[97]

وتقوم ف حضني وتعمل العمله تملا حضني الله يجازى البعيد شيطانك حمار ه کلیه مش عیب با ماما كده البيحاما مش بابا قايل وماما قالت من طول ما حطت وطول ما شالت ساعة ما تبقى الحكايه كُخُه يقولوا إأح قوام يا ماما ؟ بسکو ته بایا بسكوت في عينك ما فیش معامله بينى وما بينك

حماره کلبه باظت هدومی ما تقومش طبعاً ولا أي حاجه وكأنه مثلا ما حصلش حاجه تقعد تكلضم وتلوى بوزها وتتجاهلني کأني جوزها خاصماك يا بابا ما تكلميش طظ ف عظمتك ما يهمنيش دينتها بوسه أو تهشيكايه أو بسكوتايه أو بمبونايه

ياللا امشى قومى

حتسوقى شغل النداله طبعاً وتروحي جاره الكلام معايا و بو سه بابا أديكي بوسه سکر یا بابا تديني بوسه كده اصطلحنا خلاص يابتي ؟ كده اصطلحنا يا نوارايه مش دى الحكايه ولا انتى يعنى يعنى إيه ما تخرفيش دی تبقی یعنی الحكاية يعنى ملعون أبوكى ما تآخذينيش لو كان في قصدك أو ربع قصدك أو كنتى حتى

أن انتي يعني خاصماك يا بابا ح تخصميني أطلع ما فيش أبوكى أيوه ما كانش حاجه لكنه حاول يعيش لحاجه وجيل أبوكى كان يعنى حاجه وجيلك انتي حيبقى حاجه ومصر تبقي النهارده حاجه وبكره حتما حتبقى حاجه و أي حاجه وما تكونش حاجه إلا وسببها في الأصل حاجه

ما تقصديش

وبكره لَمَّا قمر کو بطلع والشمس تسطع فوق كل حاجه حتقولوا كان في المكان دا ناس فيهم طيابه فيهم حماس وفي حماس بعضش عباطه وكانوا آخر الأمر ناس وكان زمانهم سجون و کانو ا ما بين سجونه وأمريكانه وبين ضباب الطريق حيارى ما حد قادر يشوف مكانه حتقولوا كانوا و باما كانو ا

وياما شربوا وياما عانوا وياما جالهم وياما جيلهم دفع وكان التمن أمانه ويا ما ناس في المسيره مشيت وناس ف نص المسيره خانوا حتقولوا كانوا أو ياما كانوا لكن ح يبقى في الأمر حاجه إن اللي عربد ما سابش حاجه وساب كلابه على كل حاجه تهبش وتنهش في كل حاجه ما قدرش يقتل في أي حاجه

روح التفاؤل بكل حاجه

القاهرة/ ١٩٧٣

### يا فلسطينيه

یا فلسطینیه
والبندقانی رماکو
والصهیونیه
تقتل حمامکو ف حماکو
یا فلسطینیه
وأنا بدی أسافر حداکو
ناری فی إدیه
وإدیه تنزل معاکو
علی راس الحیه
وتموت شریعة هو لاکو

يا فلسطينيه والغربه طالت كفايه والصحرا أنت

م اللاجئين والضحايا والأرض حنت الفلاحين والسقايه والثوره غايه والنصر أول خطاكو والثوره هي الأكيده بالبندقيه والسكه مهما طالت وباتت بعيده مذ الخطاوي

يا فلسطينيه فنتام عليكو البشاره بالنصره طالعه من تحت ميت ألف غاره

والشمعه والعه والأمريكان بالخساره راجعين حيارى عبقال ما يحصل حداكو

القاهرة/١٩٦٩

#### باحيك

باحبك باحبك باحبك باحبك باحبك باحبك باحبك یا مصر مسايا وصباحي أسبّح بحبك وحبك شفايا وجراحي يا مصر واسافر بحبك واميل زي ميلك وتحلا الخطاوى فی حبك یا مصر واحب اغترابي فى صبحك وليلك واحب الونس بالرفاقه

یا مصر

تتام الدموع في العيون الهواجع

وتسهر دموعی فی حبك یا مصر

ي . تهون السجون

> والشجون والمواجع

والمواجع ويغلا مع القهر حبك

يا مصر

ولو یحبسونی ولو یشنقونی

ونو يستفونى ولو فكروا بالعذاب

يبعدوني

ح اقرّب و اقرّب ممثن ممکن أهد

ومش ممکن أهرب وتنزل دموعی علی خدودی ...

تشرب تلاقى الرموش والخدود والمباسم

[1.0]

مراسم وصورتك عليهم يا مصر باحبك باحبك باحبك يا مصر

القاهرة/١٩٧٩

#### الأخلاق

منّاعة أرزاق جلابة أرزاء يا سخامه يا لطامه باللي اسمك أخلاق إزيك ايش حالك إيه آخر الأنباء دبحوكي؟ سلخوكي؟ خلوكي أشلاء ما أنا قايل وسمعتى بس انتي اللي طمعتي فى بلدنا يعزوكى مسكوكي دقوكي بدماغ الدقماق بالقاضيه الفنيه

حبسوكي في قضية مرفوضة وخسرانه والتهمة الجنائية اكمنك إنسانه وخدوكي الشرطيه وعساكر الهجانه وأبو لكنه فرنساوي طبال ومغناوي بيغنى اشتر اكاوى والعالم طرشانه وأبو عسكر حِراميه بيبرطع في تكيه ويقول اشتر اكيه و الناس لسه جعانه

صرعوكي الستجانه

یا هبیله یا فضیله

يا بتاعة المهابيل بلا وكسه بلا نيله بلا هفة مخاليل دى بلدنا ولا حَوْلا ما بقاش فيها علاوله وعوضنا على المولي في و لادنا الشمايل بإدينا ورجلينا أسسنا وعلينا وعملنا اللي علينا جيل يطلع ورا جيل ويقولوا ابنوا لبكره والبنى آدم ذكري نتحمس للفكر ه من كتر التطبيل وأخيراً ولا آخر أخلاقنا بتتاخر

ومهازل ومساخر وهزيمه وتضليل

القاهرة/١٩٦٧

# قل أعوذو

قل أعوذو مدّ بوزه الجبان این الجبانه کل غدانا قام لقانا شعب طیب کل عشانا

1971

### سايجون

أُبْجَد هورًز حُطّی كَلَمُنْ افتح صفحه امسك قَلَمُن اكتب زی الناس ما بتنطق سقطت سایجون رفعوا العَلَمُن

طلعت شمس اليوم دا أغانى كل ما نسمع نعشق تانى طلعت شمس اليوم دا حريقه

تشفى الجرح وتبرى الألمُن

سايجون عادت للثوار فوق الدم وتحت النار جَدُّوا فوجدوا زرعوا فحصدو ا واحنا إدينا للسمسار واللى قالوه السمسارجيه واللي حكاه السمسار دار لما قروه القروانجيه بالمستعدل والمندار هنش وننش بعزم الصوت عن أمريكا وهول أمريكا زعموا الفانتوم

شایل موت

سقط الموت بعلم أمريكا جاتكو فضيحه يا طبقة سطيحه وعامله فصيحه وجايبه العار قراونجيه وكتبنجيه وسمسارجيه وسمساردار

سايجون دره يا ثوار عادت حره للأحرار داحنا حنشبع بكره أغانى إسمع واحفظ يا كتبانى واثبت عندك في الأوراق مصر بتنضح بالأشواق مصر عروسه وبكره عريس

والعشاق احنا العشاق فينا وبينا ولينا الثوره احنا الثوره وهي الناس فينا الماضي وبينا الحاضر والمستقبل هو الناس

القاهرة/٤٧٩١

## الشعب الزين

تکرم عین الشعب الزین فی عمّان وفی القطرین شعب عنید یقول ما یرید وشو ما یقول ع الراس والعین ویا مروح زعق بالجای تکرم عینك یا أبضای

تكرم عين شبيبه ملاح يفدوا الثوره بالأرواح شالوا بجنح الليل سلاح وحطوا الرقبه

ع الكفين ونحنا زلامكم يا ثوار ولو بتزيدوا نعدى بحار ولا رجعيه ولا استعمار بتفرق بين الأخين ويا مروّح زعق بالجاي تکرم عینآك یا أبضای تكرم عين الفدائيه مصابيح الأمة العربيه ع طريق الوحده الحتميه من حد المغرب للشرقين وشو شبك يا للى تريد لبنان غريب الأهل

عن الأوطان

ع طرابلس حود من شان تشوف لبنان رایح عاوین ویا مروح زعق بالجای تکرم عینك یا أبضای

یا فلسطین یا جرح الناس
ویا مسبب أوجاع الراس
بتضل تسهر حراس
هموم القلب
ودمع العین
ولا یلمك غیر جرح جدید
ونر رصاص
وسیف بتار ونار وحدید
تعید الحق ترد الدین
والرایح یزعق بالجای
تکرم عینك یا أبضای

# حسبة براما بمناسبة زيارة ابن الهرمه

كشف الرافضين ببطاريه ماركه - نانسين - يهوديه عربيه سته مشاغبين وستميه مشاغبين وستين سبعه مداقرين سبعه وسبعين غاويين شيوعيه ألف وستين ورُبعميه وللاته وطنيه وتلاته وطنيه

أما الباقبين فألف ميه وتمانين طلاب وشضليه تسعه و تمانین من اللي راحوا ف تشرين تحت المعديه بيقي مو افقين حسب انضباط القوانين و الحسبه شر عيه تسعه وتسعين وتسعميه وتسعه وتسعين من ألف في الميه أجرى التدوين بمبنى بندر قافشين ويلجنه مدنيه طرطور الدين رئيس نيابه هابشين وشكوكو عدويه وحسين حابسين ضابط مباحث عابدين و الست سريه

لجنة عشرين شبرا ومغاغة وقلين أسوان دقهليه

القاهرة/٤٧٩١

### ديستان

فاليرى جيسكار ديستان والست بتاعه كمان حيجيب الديب من ديله ويشبَّع كل جعان يا سلاملم يا جدعان ع الناس الجنتلمان داحنا حنتمنجه واصل وحتبقى العيشه جنان التلفزيون حيلون والجمعيات تتكون والعربيات حتمون بدل البنزين بارفان وحتحصل نهضه عظيمه وحتيقي علينا القيمه

في المرسح أو ف السيما أو ف جنينة الحيوان وحتبقى الأشيا زلابيه ولا حوجه لسوريا وليبيا وحنعمل وحده أرابيا مع لندن والفاتيكان والفقر احباكلوا بطاطا وحيمشوا بكل ألاطه وبدال ما يسمو اشلاطه حيسموا عيالهم جان ودا كله بفضل صديكي ديستان الرومانتيكي ولاحدش فيكو شريكي في المسكن و السكان

القاهرة ١٩٧٥

#### محكمة

إسمع وشوف ما حصل برضه السمع واجب قاضى المظالم وصل واتأكد الحاجب غمز بعينه لمره وراح مكسكس ورا القاضي قال محكمه و هو قال مجزره مع إنه كان قبلها بدقيقه عامل عون نازل شتيمه وأذى في عساكر الكراكون مجعوص بيقرا الصحف ويردع التليفون

ويمر من وسطنا
وكأنه نابليون
وفجأة فز اتنتر واقف على حيله
كرشه الجسيم انهطل
أنا قلت دا ديله
قول حبتين وانتصب
باسم العداله ميزان
مدموغ بكلمة شرف
ممكن يشيل الهرم
ممكن يشيل الهرم
وينخ من شعره
حسب الظروف والعلل
والرك ع الوزًان

أول قضيه شطح سمى الرعيه جاموس تانى قضيه نطح اقال ع الضحيه

تالت قضيه وأنا في الأصل راجلها سألنى إيه تهمتك أنا قلت أجّلها لما الميزان ينصلح ويلاقى وزانه ومن الصباح للمسا ربك يعتلها

معتقل القاهرة/١٩٧٠

## ع اللي حاصل

ع اللي حاصل في الحواصل يا سلاملم يا سلام الكلام عايز إذاعه والوطن عايز كلام والإذاعه مستباعه للمياعه في الغرام والبلد آخر مجاعه والجماعه في انتخام واللي يخشى إنه يمشى جيم وريه ودال ولام ينقح الكلمه الرصاصه ع القصيده وع المقام تدوى زى الرعد تدوش

تهتك الليل واللتام ينكشف جسم الحقيقه تظهر النقطه الحرام

يا سلاملم يا سلام والوطن عايز كلام والإذاعه مستباعه قول يا عم الشيخ إمام

ما حنا قلنا م البدایه و انتوا عارفین الختام حیث و إن الصاله بوظه و الحضور نیام نیام کل قاضی کل قاضی وله مرام و الشهاده و القضیه و الکلام و القفص لم الضحایا و الهلالی لما قام

قلعوه روب المحامى لبسوه توب لاتهام والنيابه ع الغلابه طبّقت بند اللجام

يا سلاملم يا سلام والوطن عايش آلام والإذاعه مستباعه قول يا عم الشيخ إمام

بينما والحاله نيله والبلد بالعه الفنيله والخواجه بألف حيله جاى يلغوص فى البرام يحكوا عن أسطى الفلافسه

یمحوا عل اسطی الفادیس انه أفتی ولا أفسی

ا في القضيه الهيكايه الهيكايه

#### ما هوش منافسه

وأنت مالك يا أسطى فلس جای تحسیس أو تملس الخو اجه لما فلس جاب دفاترينه القدام دشدش الباترينه تبعه شد شعر ه عض صابعه إنت إيه شأنك تتابعه أمًّا مخك مش تمام شالو ا هایکل جابوا علوه كلهم في الهم بلوى إنت شوف لك سهره حلوه بكام قزازه وجوز حمام واحنا شايفين الخواجه و اللي جايبين الخو اجه و احنا كاشفين

کل حاجه وانت نتنیّل نتام

ع الهيافه في الكلام شوف يا عم الشيخ إمام خلق فاضيه وعامله قاضيه وهى موضع لاتهام

بينما شهدانا لسه دمهم أخضر .. ولسه جرحهم في القلب لسه بيواجعنا لو ننام وان صحينا نلقى غابه ضبعت فيها الديابه والكآبه ع الزحام والكآبه ع الزحام

يحكوا عن واحد صاحبنا كان أمين دايرة صاحبنا و الدو اير قرع داير ع الجميع قُرَّن صاحبنا نزل العداد وهاتك واعلا وانزل بجنيهاتك خد مراتي وهات مراتك کله ماشی یا عب سلام واما ريحة القرع فاحت ع اللي باني واللي فاحت والإشاعه جت وراحت جابوا تفسير المنام فضحوا فنانه في زمانها بعد ما الزمان غبنها

رحنا مصر وجينا بنها واحنا سارحين في الكلام

> يا سلاملم يا سلام والوطن عايش آلام والإذاعة مستباعه قول يا عم الشيخ إمام

القاهرة/٥١٩٥

# ورقه .. من ملف القضية

```
    إنت شيوعى
    أنا مصر اوى
    إنتو مصايب
    ممكن أعرف مين الأول
    بيكلمنى
    إحنا نيابة أمن الدولة
    دولة مين
    حولة مصر
    مصر العشه
    أيوه حنبدى ندور ونلف
    حاجة تنرفز خالص
    مالك
    شايل طاجن خالك
```

- = لم لسانك ما تخرفش
- أنا ما اقصدش اهانتك طبعاً = أيوه استعبط
  - لا ما اعرفش
- ایه رأیك في سفارة كوریاایه رأیك في قضیة مصر
  - اپيە رابيت في قصيبه مصر = مصر ف وحده
  - و لازم ييجى النصر

هي وسوريا وليبيا

- بیجی منین و از ای و لمین
  - = آدى كلام الشيو عيين
    - أنا من حقي
    - = حق ف عينك
  - أنا بتكلم بيني وبينك
- يعنى كلام بره التحقيق
- إذا كانش يسبب لك ضيق
- = طيب قول
- مين مسئول؟ = مين مسئول عن أية يا أخينا
- ع اللي جرى لنا ف غزه وسينا

= أنت شيوعي أكيد وطاوعني فُض دماغك من دي قضيه شعبنا جاهل مهما تقول له

مش حيآمن بالشيوعيه

- ما الشيوعيه في فييتنام
إية رأيك فيهم يا همام

- مش بطال مش بطال
لكن إحنا.. ور انا عيال

- طب ما نحارب لجل عيالنا يطلعوا أسعد من أجيالنا

= أنت الظاهر مذك فاضي وحتتعبني معاك ع الفاضي وأنا بحبحت معاك بكفاية

أبقي اتفاسف عند القاضي - هي قضي - عند القاضي

= لاَّ ملوخية أمَّال فاهم إيه آمَّال هي الدولة دي لعب عيال

- ممكن أعرف أنا هنا ليه

= أيوه حتعرف

أمال أيه

يوم خمسة وعشرين الماضي ايه مشاك عند التحرير

- تحرير إيه يا جناب القاضي

= أنا مش قاضي -- بكره تصير

= بطُّل غلبه وجاوب دو غري

- أنا غلبا*وي كده من صغري* 

– كل الشيوعيين أمثالك آخر غلبه وقلة ذوق

سر صب وك دوى يحصل أية لو تمشي ف حالك فاكر نفسك مين

عدر تعسف میں ما تفوق

مه نعوی - لو راح افوق

مش من مصلحتك

أنا معجب جدا بصر احتك
 أيه رأيك في حكاية الطلبة

- حاجه عظیمة وبشره خیر

= أنت دماغك ينفع جزمه

- وأنت لسانك ينفع سير = أخرس قطع لسانك سافل

– الحرش فطع سالت سال – كتر خيرك

= مخك قافل

مين وداك بقى عند الطلبه رايح ضمن المندسين

- رحت أناقشهم واسمع منهم - تحديث أرام المراجع مان

= تسمع منهم أيه يا سي طين دول عايزين الدنيا تولع

علشان أصدلا مش فاهمین

هي الحرب يا عالم لعبه دي بتتكلف بالملايين

= وأنت حتدفع أيه من جيبك

- أمال ح ادفع من جيب مين

= انت حمار وخدوك في مشمك

رحت هناك زي الباقين

عاملين لجنه وقال وطنيه

مش ممكن دول وطنيين وجماعة أنصار الثورة وفلسطين وهباب الطين ما نخلینا یا سیدی فی حالنا مالنا ومال الفدائيين هو أحنا اللي نهبنا بلدهم دول عالم صيّع فاقدين قتلوا الراجل عند الشيراتون واحنا اللي طلعنا القاتلين وصفى التل دا كلب وخاين = أهو كل العالم خاينين واحد صاحبي مراته مرافقه و هو مر افق بيجى عشرين أمريكا بتزعل وبتحرن هو احنا يا عالم ناقصين مش نستعبر م اللي جرالنا ونعيش بقى زي العايشين دى عيال عُملا للشيوعيه

واحنا عدو الشيوعين - روتق دَمَّك بس يا بيه مين مساعدكو بقالكو سنين = بیساعدونا صحیح یا سی بعجر علشان أصلا مش فاهمين إحنا حيلتنا منين نديهم ونسددهم بالملايين = يمكن يعنى قضية مبدأ میدأ مین و زکایب مین هي دي عالم تعرف مبدأ دو لا باقول لك ناس مجانین اخترعولنا السد العالى علشان نبقى اشتراكيين اشتر اكيه هناك ف بلدهم واحنا ف دارنا نعيش حُرين عايزين الفلاح الجاهل يتساوى بالمحترمين وكمان قال

تحديد ملكيه أبو ألفين يڈو ہ خمسين شغل ملاحده وعالم كفره ومخالفين أحكام الدين والعمال رخرين اسم الله فاهمين روحهم بني آدمين ناس عايزين الحرق بولعه ودا كله من الشبو عبين نشروا لنا الأفكار السودا أولاد الكلب الملاعين مين وداك بقى عند الطلبه انطق قول اتكلم مين - هما الطلبه إيه مطالبهم؟ أنت حتستجوبني يا شاطر - لأ مش قصدى

و لا مطالب ميه الميه كل الشعب مآمن بيها = دول طالبين حرب وشعبيه مین مجنون بقی حيمشيها عايزين يدوا الرتش سلاح علشان تحصل فيها مجازر أنا لو أشوف حلوف فلاح شابل شومه لازم أهاجر - لازم بينه وبينك دم = دم ف عينك هُسُ اتلم ثم نحارب ليه و بایه بسكلاح ما يموتش بعوضه - روق دمك بس يا بيه الحرب ضروره ومفروضه واهو نفس سلاحنا المظلوم في فيتنام دابح أمريكا

دي طبيعة أرض يا بني آدم
 بطلوا بقى كدب وبولوتيكا
 طب ما الهند بنفس سلاحنا
 بعزقت الغرب
 رأيك يعني ضروري أن احنا
 وحتما يعني نخش الحرب
 حاضر
 حاضر
 متغير رأيك
 بالضرب

يناير/ ١٩٧٢

#### نيكسون جاء

أ بَ تَ ثَ جُــتَح الف باء جونسون روح نيكسون جاء قولوا هأواؤ أو قولوا هاء على صحافتنا الغير غراء

ذات صباح یا فتاح بالجرانین علی ریق النوم جُمْ علی سهوه کبسوا القهوه وابتدأوا ف تضییع الیوم

اللى يقول النصر نميس ينفع تاكسي ويمشى رميس واللى يقول الفورد يا بيه أجعص من أجعصها جعيص واللي يقول جونسون دا حمار ر اجل عقله عقل صغار راجل تیس من غير حيث ينصب ألف جناز ه بطار بس أهو راح وحنرتاح وحنتبحبك بقى ونقول يخرب بيته ويدلق زيته ويعيش نيكسون لنا على طول نيكسون عال

مش بطال واللي يقول غير كده مقفول شفت كلامه الا كلامه صح كلام راجل مسئول ولا عنيه ياختى عليه فيهم سكس ماهوش معقول واللى يقول يا بقر يا شراكسه نيكسون ما له ومال النكسه واللى يقول بلونتا كبيره واللى يقول فضوها السيره واللي يقول مين المسئول واللى يقول واللي يقول

> شوفوا بقى يعني ما تفلقونيش

آدي صحافتنا وغيرها ما فيش مش عاجباكو ما تلومونيش قولا هاو أو أو قولوا هاء على صحافتنا الغير غراء

القاهرة/ ١٩٦٩

#### ساتيا جراها

### إلى روح المهاتما غاندي محرر الهند العظيم

ساتيا جراها ساتيا جراها تبري السقم وتشفى العاهه

لف المغزل تاني تاني أغزل توبك واغزل تاني ملعونه السلعه البراني واللي جلبها واللي قناها ساتيا جراها ساتيا جراها

ساتيا جواها تعني سلام لا سلبيه و لا استسلام لكن خطوه تسير قدام بالشعب ابن هب وخطاها ساتيا جراها ساتيا جراها

وبقى لكم ع الحال دا سنين البقره تحت السكين وخلاصها ف كلمه ومعناها

يا ولاد الهند يا غافلين

ساتیا جر اها ساتیا جر اها

تجمع شعب اتغرب تاه ضاع من بعضه مش فاكر غير كلمه آه من عله استعصت ودواها ساتيا جراها ساتيا جراها

القاهرة/ ١٩٦٧

### قال الراوي

الحلم في العلم

بكره اللي جاي اخضر
والشعر في الحلم
فارس بيتمخطر
راكب حصان السبق
شاهر حسام قاطع
رايح يجيب النبأ
ويطلع الشمس
فوق النهار الاغبر
يا سامع الشعر فكر
يا سامع الشعر فكر

حكايتنا كانت من قديم الأزل

ولسه كاينه وياما لسه تكون طول ما العمار مسكون بالغفلانين ياما طول ما الغضيب مسجون جو"ا الصدور ياما طول ما احنا متعاركين و الشمتانين ياما طول ما احنا نبقى كده والجهل فوق كل دا ممكن نعيد الحكايه من أول المشوار وتلف بينا الرحايه دو ار ما بعده دو ار ويخش ديب الصبايا في عباية السمسار ياكل فراخنا العتاقي ويدبّح اللي صغار

الحلم يتأخر والشعر يتبخر ويغرَّق الشمس بحر الضباب لا صفر يا صاحب العقل فكر تشوف اكتر وحدوه

# من فضلكم

- من فضلكم وبإذنكم
- من فضلنا وبإذننا
دلوقتي حنقدم لكم
- دلوقتي حتقدم لنا
سيده الأغا وكلب الأغا
سمسار حارتنا يلبغا
حنش دماغه في المحيط
وديله سايبه عندكم
من فضلكم وبإذنكم
- من فضلنا وبإذننا

- من فضلكم سيده الأغا نصاب وغاوي الفنطزه - نصاب وغاوي فنطزه - وبإذنكم كلب الأغا

سايق عليكو العنظزه - سايق علينا العنظزه

- يعنى الأغا وكلب -

متسترين بجهلكم

- من فضلكم وبإذنكم - من فضلنا وبإذننا

- من فضلكم سيده الأغا

ما لوش وطن غیر سوق وبار – مالوش وطن غیر سوق وبار

- وبإذنكم كلب الأغا

عنده الإله هو الدولار – عنده الإله هو الدولار

- يعني الأغا وكلب الأغا

متمنجهین من فقرکم من فضلکم

وبإذنكم

شمل الحبايب فَرَطْ بعدت أمانينا والندل لما احتكم باع واشترى فينا يا غربه جوّا الوطن يا وحدة الإنسان لما قُصر عُقدنا طالت ليالينا

# تاجسر

تاجر نزل سوق غزاله مع الدلال مع الدلال قرب يدوق العسل نهر الدموع شلال من دمعنا المسفوح من خسه الدلال أخص على كده إخص. على كده

# اطلع من دول

اطلع من دول يا أبن الأباليس اطلع من دول يابن الهرمه تلبسوا قفاطين تلبسوا تلاليس أنت النخاس وانت البورمه غير هلاهليك يا خواجه وهدوم دلاديلك يا خواجه وإن شا لله تخش في تلاجه يا خواجه الناجه كوا الناجه حتشيل سمسارك في شكارك وحتطلع و اكل.. بالصرمه

# بلح أبريم

یا بلح أبریم یا سماره
سواك الهوی فی العالی
هویت
علی طمی النیل یا سماره
وشربت عكار
لما استكفیت
بس احلویت قوی یا سماره
لما اسمریت قوی یا سماره
لفیت الشارع والحاره
علی زی نقاوتك فین
ما لقیت

يا حلاوه بنار الشمس النور يا سمار وعمار الصحرا البور شباك الهوى

داير ما يدور حواليك

أتاريك دبت وطبيت بس اغلوّيت قوى يا سماره

لما اتدًلیت قوی یا سماره ونزلت الشارع والحاره سوقك

> لا رخصت ولا انذلیت یا بلح أبریم

> یا سماره

حصنت بعقدك صدر الناس من شر النخاس الخناس يابو قلب لا سوسه

يابو قلب لا سوسه ولا سواس

ورقیتك یا اسمر واسترأیت

و استر ایت الضم حبابیك بقى یا سماره و افتح شبابیك لقا یا سماره على جو الشارع والحاره تغلو زياده وتملا البيت يا بلح أبريم يا سماره \* \* \*

# یا بھیلہ

يا بهيه وخبرينا
ع اللي جَتَل يا سين
في الصحرا وفي المدينه
اليوم دا ومن سنين
ناس تمشي
وناس تجينا
واحنا متبعترين
ولا صاري ع السفينه
ولا مربط للهجين
والدنيا بتجري بينا
واحنا متوخرين
يا بهيه ولملمينا
نطرح مليون ياسين

# دعا الكروان

دار الفَلك في مغزكك طول السنين ما أمهكك يا ناسج الروح فى الحياه الحب لك والخُلُّد لك أنت الأزل و أنت الأبد و الهَالك اللي َيجهَلك " يا شعب " يا نبُض الوجود الحُكُم لك

و الملك لك. الملك لك. الملك لك

\*

الليل حَلَكُ والبُومُ سأأك والبحر عطشان مَنْهَالك والسهم طاش اسقي العطاش إنت الكريم و بنسألك يهُوذا خان؟ أكم يهوذا وباع مسيح لا يهوذا دام ولا جرح بيْلازم جريح مليون يهوذا خان أمانك

و أنهلك وفضلت باقي ع السواقي ومنجلك يفرش حصير القمح فوق دم المسيح وأنت الجريح تيجي الأطبًا وتسألك!! ما أعْجبك ما أنجيك ما أحملك ما أنبلك " يا شعب يا روح الخلود الحِكم لك والمُلك لك المُلْك لك الملك لك

# الصوت المصري

(۱) فيه فاضي اتعين قاضي بئيرد جميل مولاه بيبيع الذمه "بنكله" ويشرد خلق الله لمجرد إن الحاكم طلّعه ف الصورة معاه!

(٢) فيه قاضى أساساً فاضي ومُعقَّد من جواه وباباه كان أصله حرامي واترقَّى "بفضل الله" ودا يحبِّس كل الشرفا

لمجردَ يرضى باباه!

(٣)
فيه قاضي صحيح
مش فاضي
حاكم
بحدود الله
ودا صنف عزيز
" في بلدنا"
زي الألماظ.. تلقاه
وجدانك
عرره ما تاه..

(ءُ) كان حُكمك "فعلاً قاضىي" ع الخاين. والّلي وراه

كروان ف الليله الضّلْمه بيلَعْلَعْ. وامصراًه الله ع الصوّت المصري الله الله الله

# شوبش طرزان

زغروطه للحزب الجديد حيد مربط الحديد ويحطم السكه الحديد ويكسر المستشفيات ويبعد المستوبات ويبعد المستوبات ويركب المستوبات ويحلل المستربطين ويحبل المستحللات ويعجز المستقدرين ويقدر المستعجزات ويعجز المستعجزات ويعجز المستعجزات

مع إن طرزان الوليد ذات نفس طرزان اللي مات!!

### إصحي يا مصر

اصحی یا مصر اصحی یا مصر هزّي هلالك هاتى النصر كونى يا مصر وعيشى يا مصر مدّی إدیکی وطولي العصر أصحي وكوني وعيشي يا مصر إصنحى يا عامل مصر يا مَجْدَع وافهم دورك ف الورديّه مهما بتتعب مهما بتصنع تعبك رايح

" للحراميه " جهدك عملك رزق عيالك عرقك مرقك ولا يهْنالَكْ إصحي يا عامل غيّر حالَك صون المصنع واصننع مصر إصحي وكوني وعيشي يا مصر إصحي بازارع مصر الخضرا قدره وخضره ونور وجمال إبدر غيطك والحمي البَدْر ه ضدُ الآفه و الاستغلال

أرضك عرضك

باب الدار صبحوا مداسه للسمسار نعطش وكا نشر بش عكار وصفه قالوا الحكما يا مصر إصحى وكوني وعيشي يا مصر

إصحى يا جندي يا تار الشهدا عمي وخالك عمي وخالك الحتي واخوك لحتى ما تهدا وتارك يهدا فراً غ نارك ف اللي خانوك يابن الشعب يا حامي الشعب أنت املنا في يوم الصتعب اصحي يا جندي ودُق الكعب حرر مصر وطهر مصر

# جنون لبنان

إلى حضرة... عيون الأهل والأوطان وعفواً عن سبب جهلي تمام الاسم والعنوان وعفواً كوني أتشرف بأني اليوم إراسلكم ولا أنزل منازلكم

أنا إنسان بسيط مجهول ماليش في الهيئة شان وكيان لانا دكتور من الجامعة ولا شاعر

و لا فنان
و لا محسوب من المحاسيب
و لا باتحط في الإعلان
و لا عالم
و لا عالمه
بتطلع صوري في الجرنان
أدينا في العذاب صحبه
وفوق نفس الطريق
سايرين
أكيد وأصلين

لخويا زناتي كان منكم ويتكلم كثير عنكم حكي لنا زمان " وكان موجود " عن الزعتر

وعن مسعود
وعن سلمن
وعن سلمي
حكاوى تشيب المولود
وعن عبله
وعبير الورد
وعن عنتر
وعن عنتر
وعن إنسان
يبات إنسان
طوربيد

زناتي يجز على نابه و هو بيحكي لصحابه و لاد الكلب دول يا و لاد

مناظر إنما أو غاد نهار مالموا لُمتهم

[ 177 ]

برمنتهم وركمتهم وعبُّوا الغدر ف سلاحهم وسنوا سنان خيانتهم نهارها الجو كان اسود سواد بصفار وجوف الأرض بيطلع خراب ودمار وكان يوم القيامه صحيح على الأطفال وع المجاريح وكان برضك نهار أغبر على الأندال وعكس الريح لأن الشهدا م الثوار لأولوا الضبهر و الأدبار ولا خانوا الحمي والدار وعاشوا كبار

وماتوا كبار وفوق الخد بسمتهم آدى الحاجة اللي كادتهم ويسكت لحظة يتأمل ويرجع تاني ويكمل ولاد الكلب آخ منهم يبيعوا بالدولار دينهم ولاد الكلب آخ منهم حييجي اليوم وأحاكمهم وراح مسكين فی ذات مره ما نالش مرامه بالمره زناتي الباقيه في حياتكم خدوه لارناكا مات بر ًه خدوه إزاي ومات إزاي أهم قالوا أنه كان رايح يدافع عن شرف بلده

زناتى اللى اتولد مظلوم وعاش محروم هنا ف بلده خدوه قبرص عشان رايح يدافع عن شرف بلده ومهما نقول ومهما نعيد حنفتل والسلب حيزيد خلاصه القول ومعنى القصئة والموال سلامي للجميع واجب نسا ورجال خنادقكم بنادقكم وبرضه عشمنا في الآتي وهلبت القريب آتى أخوكم في الكفاح والهم وبكره

في السلاح والدم

# موال فلسطيني مصري

يامه مويل الهوي يامه مويليا طعن الخناجر ولا حكم الخسيس فيا الصبر حلم العواجز يطرح زهور الأماني والقهر عدى الحواجز وأنا اللي واقف مكاني شايف غيطان البشاير خايف. وكانن إديا حتى الحمام اللي طاير ما رضيش يرفرف عليا يامه مويل الهوى بامه مو بلیا طعن الخناجر و لا

حكم الخسيس فيا

سألت شيخ الطريقه ما رضيش يجاوب سؤالي وداري عنى الحقيقه وفاتني حاير ف حالي سألت شيخ الأطبا دوا الجرح اللي بيا نظرة محبه وقال دوايا بإيديا يامه مويل الهوى علم مويليا طعن الخناجر ولا حكم الخسيس فيا

يا مصر وانتي الحبيبية وانتي اغترابي وشقايا وانتي الجراح الرهيبة

وانتي اللي عندك دوايا علمني حبك عباره علمني حبك عباره وبسيطه وعفيه شرط المحبة الجساره يامه مويل الهوى طعن الخناجر ولا

## یا عــرب

يا عرب
المعوا صوت شعب مصر
المكان
المفظوا لمصر المكان
واحنا ع العهد اللي كان
مصر أوفى م الزمان
وانتوا عارفين شعب مصر
يا عرب
يا عرب

اللى خانوا العهد بينا

[ 117]

واستهانوا بالعروبه
واستكانوا للخواجه
مستحيل
حيكونوا منا
وهما حاجه
هما باعوا البندقيه
والوطن والجلابيه
وإحنا أصحاب القضيه
إحنا ما بنبعش مصر
يا عرب
يا عرب

و استباحوا كل حاجه

يطلع الدجال بزيفه يملا بحر النيل ضباب ينزل الجلاد بسيفه يزرع الموت والخراب

يطول الليل زي كيفه الصباح له ألف باب وإحنا بوصلتنا في أدينا ما تخافوش م الليل علينا مهما غبتوا عن عنينا انتوا جوه في قلب مصر يا عرب يا أهل مصر يا عرب يا أهل مصر

سينا و لا
يافا و لا
حيفا و لا
دير ياسين
إسألوا الشمس اللي هاله
ع اللي صحيوا مبدرين
يزوعوها
نور وغله
دول جدودنا

ولا مين؟
حقنا وحتما يعاد
بس لو بانت سعاد
والبيان ده
له معاد
والمعاد
حيكون في مصر
المعاد

### انتظار

باستنظرك باستنظرك رغم القساوه ف منظرك لحظة هروبك يا رباب م الحب لما استنصرك باستنظرك باستنظرك

باستنظرك رغم الشتا والبرد والرعد المخيف باستنظرك في الشارع المشغول

بأوحال الرصيف أنا أصلى حاسب موعدك وعارف اللي بيبعدك وأنا اللي خابر تبقى مين وأنا اللي صابر من سنين وباعد لك بالثانيه عمري و اعد لك مطرح في بستان الأمل و بامدلك وف كل خطوه أمد لك أيدي اللي شققها العمل مدى الخطاوي يا حبيبتي وقدمي وأن كنتى خايفه م الطريق اتبسمي

يا شمس باللي ضحكتك ينور سكتك أنا اللي عشقك عزني وانتى الله عشقى بستثك لماستنظرك يها جرحى يا حلمي العنيد ياستنظرك يا مصر يا حبى الوحيد وحتيجي يوم وتصدقي بعشقى الأصيل وتحققي حلمى الجميل وتزوقى عمري اللي ضاع مستنظرك استنظرك

#### استغمايــه

غمي عيونك سد ودانك افتح بقك قول حرفين أنا فين؟

الشاطر فيكو يحزر فزر في دقيقتين والأشطر منه اللي يحزرها في غمضة عين والأشطر خالص ما يحزرش، يقول أنا فين والأشطر أشطر اللي يبص يشوف بالعين

#### أنا فين؟

فيه ناس اختلفت في الموضوع وحكاوي اتقالت عن مواضيع والناس لا مؤاخذه في زمن الجوع يتعشوا كلام يفطروا تشنيع فيه واحد شافني بلبده و لاسه في باب اللوق! والتاني لمحنى بقفصين موز على باب السوق! والتالت شافنی فی کادیلاك راکب مع بنتين!!! والرابع

شافنی فی طنطا بابيع بلابيع ونشوق! وصحافة الصاوى والورداوي والجمال وأباظه ولاظه وباقى الشراميط والأندال بتأكد جدا جدا جدا بالتدقيق إن أنا محبوس وباروح يوميا للتحقيق! طب أصدق مين و أكدب مين! ما هي حاجه تمخول أيها عاقل وأنا مجنون وباكلم نفسي وعقلى صراحة ما هوش مضمون لو كنت بلبده و لاسه وماشى في باب اللوق

طب أيه مشاني مفلس جدا جنب السوق؟ لو كنت بدأت "كتاجر فاكهه" وبقفصين مش کنت زمانی معلم طمبه وجوز اتنين؟ لو كنت في كاديلاك زي ما قال التالت بيه ومعايا بنات زي الشربات طب ح انزل ليه؟! لو كنت يا طنطا بابيع بلابيع وسطل وبخور مش کنت زمانی مدير الجامع أو مأمور ؟ آ

وصحيح الصاوي والورداوي والجمال حابسين أفكار الناس في بلدنا و عال العال إياك قاصدين إن أنا مسجون زى الملايين؟ كده يبقى تمام و لأول مرة بقم صادقين! يس أنا لا مؤ اخذه و بالتدقيق ما حصلش معايا و لا تحقيق مش حاجه تحير ؟ طب أنا فين! حزرتوا خلاص؟ فزرتوا خلاص؟ أنا ساكن قلبي و متو نس

بالناس والناس الونسه كتير ماليين القلب وزاحمينه سارحين في الدم وف التفكير وجناين قلبي العمرانه بالناس الأزهار العصافير سايعانى وسايعه اللي باحبه وتساعى معانا رفاقه كتير شايفين أنا فين؟ الشاطر فيكو يخرز فزر فى دقيقتين وألأشطر طبعا حيحزرها في غمضة عين أنا فين؟

### طهسران

صباح الخير يا طهران العزيزه صباح النصر وبلوغ المنال على عودك عزفنا الفرحه غنوه وقلنا الشعر وركبنا الخيال أديكي صحيتي بعد النوم عروسه و لا كل العرايس في الجمال شهودك ناس ومهرك ناس يا غاليه يا أغلى الناس حلال فيكي الدلال نداكى ضحكه في عيون العذاري
وشمسك فرحه ف عيون الرجال
ونسمة صبحك الصاحي
بشاير
لبكره الآتي
بالعيد للعيال
وغنوة عندليبك
في العلالي
شراب العاشقين
بعد الوصال
صباح الخير
صباح النصر
وبلوغ المنال

# أول الكلام

كلامنا عن إيران ما لوش طبعا مكان في إعلام الخيانه وصوت الأمريكان لإن الأمن شايف بأن الأخ خايف ليلزق على الشفايف ويلبس في الودان كلام عن الخيانه ومن عالم جعانه فتظهر الإدانة على الشاه اللي خان نە يعنى تورە ما تقبلش المناورة وفضح وكشف عوره

وآخر بهدلان فليه الأمن يرضى يبحبح للمعارضة دي عالم يابا مرضى وأغلبهم جعان وهكذا الطريقة طناش على الحقيقة فتبقى الناس عريقة وتسمع شقلبان لهذا أو لذلك حنمشي في المسالك ونطلع م الزمالك نخش الترجمان وكلمتنا نقولوها حلیب من بز أبوها فناسنا يسمعوها

فيحصل بغبغان فهات ودنك يا خلي أقولك وأنت قوللي وسيبك م اللي واللي ونحكي عن إيران

### الفرحسة

فرحانين فرحانين فرحانين كل ثورة واحنا دايما فرحانين اللي ماتوا في المعارك فر حانین واللى حضر واللى شارك فر حانین واللى ساكنين الخنادق فرحانين واللي ماسكين ع المبادئ فرحانين واللي شايلين شوق لفكره فرحانين واللي حاملين هم بكره فرحانين

واللي معدتهم جعانه فرحانين واللي كلمتهم أمانه فرحانين فرحانين إحنا ملح الأرض وتراب العجين كل صناع الوجود والمبدعين عد موج البحر ونجوم الليالي عد رمل الأرض واكتر م السنين كل ثورة واحنا دايماً فرحانين كل ثورة واحنا دايماً

فرحانين

#### الرعيب

مرعوبين مرعوبين مرعوبين مش باقولك يا حبيبي مر عوبين اللى كان فاكرينه عنتر مرعوبين واللي رقصوا في حضن كارتر مرعوبين واللى سافروا لجولدا ماير مرعوبين والى بيغلوا السجاير مرعوبين والنسايب والقرايب مر عوبين والمشايخ في الزكايب مرعوبين

والسفاك المصريكاني مرعوبين والفراخ الأمريكاني مرعوبين مرعوبين كل حكام الخيانة المأجورين والسماسرة والحشم والطباخين مهما حاولوا يخوفوكوا بالعساكر فتشوهم حتلاقوهم مرعوبين مش باقولك يا حبيبي مرعوبين

# التسوره

مارد رفض وانتفض زلزل عروش العار الشمس ولا الجبل ولا المحيط هدار ولا القمر في السما فجر سحاب النار ولا الربيع انتشر غطى الوجود ثوار ولا النشيد انطلق عالى على الأسوار طير سلاح الحرس من لمسة الأوتار ولا نسيم الصبا ولا هوا الإعصار أنت الجميع كلهم

والكل فيك حضار يا شعب لما رفض يا شعب لما اختار سطر بدم الشرف انشوده للأحرار نار الخيانه حطب نار الشعوب صبار

### الهلوسية

أنا متأسف جداً جداً عندي سؤال متلخفن جدأ أيها واحد لو يجاوبني أنا متشكر جداً جداً كلنا طبعا نعرف جدا ان خميني الجامد جدا بعد الثوره وكشف العوره قال بالصوت الواضح جداً إن مفيش لعصابة بيجن ولا بنزوله لما حتدن

كلنا برضك نعرف جدا إن خميني الجامد جداً أعلن هذا قوللي لماذا قالك ثورة شعب إيران ملك الشعب العربي كمان و المستقبل غير الفايت يعنى التار العربي البايت يتأخذ أبا عن جداً كلنا ايضا عارفين جدا أن مناحم حيص جدا وانفتحت ف رقبته قزازه واتر سمت لعصابته جنازه واتبعتر هو وأعوانه وانخضت أمريكا

عشانه واتهزت واترعبت جدآ ودا كان هايل جدا جدا على حين فجأه جدا جدا زي الشيء التافه جدا طلع الشاهنشاه الكورو إتمطع جيص من زوره عايز يثبت ليهم دوره إنه عميل ومعفن جدأ قال الشيء التافه جدا قصده يطمن بيجن جدا أنه بتاعه وملو دراعه ضد خمینی

> الجامد جدا... والبترول ياخذوه من سينا والمركب ترسي في مراسينا

وبتوع بعضينا وحانتمنجه جداً جداً من غير ولا صهيوني مايدن ممكن أسأل جداً جداً يبقى الشيء التافه جداً خاين جداً جداً جداً؟ ولا مهلوس جداً جداً؟

# الأقوال المأسورة

المجد للشاه في الأعالي وبالناس المذلة وعلى الأرض الخراب "شاهبور باختيار " من سفر ما قبل الخروج

> حبيبك وصاحبك وصاحب حبيبك كلام كله فارغ عديم المعاني إذا الندل صاحبك يصاحبك لعله وتسمع كلام

زي كدب الأغاني
وأنا اللي اشتريت الخسيس
بالخسارة
وبعت الأصيل
اللي يا ما اشتراني
وأول ما هبت
رياح النهاية خلعني الخسيس
من صباعه ورماني
" الشاهنشاه رضا فهلوي "
من سفر الخروج
أخويا الأمير

بزرميط الإيراني وعظني ونصحني وسلك وداني لإن اللي نابه يا حبه عنيًا ما يتخيلوش

أى كاتب أغاني

دا كان لسه قاعد معايا النهارده و لابس خواتم دهب أمريكاني صحيح الشعوب بنت كلب ولئيمه وممكن تزيح العروش في ثواني "واحد صاحبنا"

#### الندالــة

یا کارتر یا ندل حبيبك وصاحبك وصاحب مراتك وتبقى أنت صاحبه وصاحب مراته وكان والده أيضا مصاحب حماتك وكان برضه والدك مصاحب حماته وطول عمره نافد على استخباراتك وشغال جاسوسك على استخباراته وقاعد يزود رصيد مليار اتك

وسارق وشايل معاك مليار اته وراجل مأمنك وخاين ضميره وخايف وحاطط في أيدك مصيره ودابح في حبك ألوف الضحايا ودايس في طين الدنس والخطايا يقوم لما يطبق عليه المحبط تطنش یا کارتر وتعمل عبيط وتخلع وتنسى الحمار والغبيط وتأكل عيالك بدون وجه عدل صحيح أنت نـــدل

# الخالق الناطق

كان عندهم..
ما عندنا
الدم هو دمنا
والهم من لون همنا
تمسك ودانك من قفاك
تمسك ودانك من هناك
الخالق الناطق هناك
الناطق الخالق هنا
الأرض حبلي بالربيع وبالغني
والجو
مشحون بالقصايد والغنا
والشمس

إيران يا مصري، زينا

ملو الأرض والناس والبنا بس العصابة الأمريكاني مربعه فوق الغلابه والديابه مضبعه والديابه مضبعه والمصحفجيه العرصحيه الأربعه لابسين صاجات وكل حاكم له غنا تمسك ودانك من قفاك تمسك ودانك من هنا الخالق الناطق هناك الناطق الخالق هنا

نفس البلاوي ع الغلابـــة متلتله من فقر شوف وهم خوف نازل بلا والقهر زاد والسيف على رقاب العباد

والمخبرين زي الجراد ملو الخلا والفنانين المومسين والفنانات دول شغالين تبع وزير الإعلانات يحصل جواز يحصل طلاق يحصل ممات دول مبسوطين ومأبجين طول السنه تمسك ودانك من قفاك تمسك ودانك من هنا اللي حصل فيهم هناك لازم حيحصل عندنا

### التضليل

دا شیعه و لحنا سنه دا فين ومصر فين! عايزين يدخلونا نظام ودنك منين وناس تقول شيوعى وعامل نفسه شيعي عشان خايفين طبيعي ليبقوا ثورتين يا أسيادنا اللصوص قرينا في النصوص لو الإنسان يلوص يغوروا الفرقتين وشفنا في الكتاب لقينا الدين حساب

وثوره وانتساب
وعين تساوي عين
سرقتوا الثورة منا
وقلتوا الصبر منه
وعقب الصبر جنه
وباب بمقتاحين
ودان الملك ليكو
وشاع الكفر فيكو
وزاد الفجر بيكو
عملتوا إسلامين
وطفشتوا الحمام
وطفشتوا الحمام
يزيد ولا الحسين!

# آخر الكلام (الدرس)

آه يا خى وآه يا خي كنا نملا الدنيا ضي بس آه لو كنا زي الف آه وآه يا خي

كنا جبنا الشمس من برج الأسد واديناها للعيال غزل البنات يطبعوها ع الهدوم والكراسات يشبكوها

ورد في شعور البنات ينظموها عقد من شر الحسد يضوي نوره لما يضوي كل حل حل حل بس آه لو كنا زي الف آه واه يا خي

كنا والمظلوم إذا هاجم جرئ كنا لو كان السلاح في يدنا والمعارضة يد واحدة عندنا دسنا شاهنا وأمريكانه بنعلنا وابتدينا الثورة من أوسع طريق

كان تمنتاشر يناير في الشوارع لسه حي بس آه لو كنا زي ألف آه وآه يا خي

# صندوق الدنيا

بانور اما دنيا فونيا صندوق الدنيا عصري الصوره من أميركا والصوت من جوه مصري أو هب لك نص قصدي واكتب لك الوصيه على جناح الحمام واتفرج يا سلاملم واتفرج يا سلام

#### السيما

شوف عندك يا سلاملم واتفرج يا سلام القرع كوسه حتقدم فيلم خام من مخرج الروايح عن قصه واقعيه من تشخيص المدام والفيلم لجل خاطرك والفرج يا سلاملم ع السيما يا سلام

الناس ملهیه وساکته والصاله بتشغی عیون والفیلم مطلع ریحه والناس مش لاقیة لمون

عيل فرحان بشبابه ومغرق شعره صابون مشكلته.. ما بيخلفشي ومراته كمان بتخون ودلال بتحب عطيه وعطيه جدع مجنون لازق في زبيده التشه اخت الأستاذ مأمون اللي مراته أم قداره أخت محمد سعدون جوز تانت ماريكا الهبله اللى مرافقه المأذون اللي معلق نبويه بنت الأستاذ مأمون الفيلم اتعقد خالص جايبين له شجيع مجنون دب خناقه في خماره وشالوه على البيت معجون البطله حتشرب نجده

مبروك وصل المأذون

#### عنتس

شوف عندك يا سلامه واتفرج يا سلام عنتر بني الشواربي فارس ما فيش كلام والنضاره السيكام يهزم جيش الضرايب ويلعلع في المضاربه ويراهن بالمدام واتفرج يا سلاملم عنتر يا سلام

سلى الجمارك والإداره يا عبله يا حتة حماره عن لعبة التهريب وعنى يا بنت مالك العماره صاحبت فيكى الف فارس وجبتهم لك المغارة عملتي فيها نص فله ولبستي برقع الطهاره عشان سی عبدہ دا بوي فرندك أبو الشوارب مستعاره با هیله يا أم دماغ رومانسي يا مأخراني في التجارة دفعت فیکی دم قلبی وطلعتى بيعه بالخسارة

#### عبلية

شوف عندك يا سلاملم واتفرج يا سلام على عبله بنت مالك عمارة السلام دلوعة النوادي اللي اتفطمت مدام خيوبه في المدارس لعشق في الثانيه دسته شوف تبقى الساعة كام واتفرج يا سلاملم على عبله يا سلام

عبودي يا حبيبي يا كلب يا لئيم عشان وقفة شواربك باغير من الحريم وابات أسمع داليد

واعض في المخده وأطير مع النسيم واكلم مامي عنك وخالتي أم إبراهيم باحبك یا مغفل وأروح فيك الجحيم وبابي الحاج مالك مبارك يا غشيم ولو عنتر يبلضم حياكل بالقديم جائرة نوبل شوف عندك يا سلاملم

واهيم في عب حليم

واتفرج يا سلام مو اطن شخص عادي

ما لوش أي اهتمام ومبارك الخيانه ومسميها السلام وفي يوم قرأ الجرايد تاريخ ما اعرفش كام من يومها يا ضنايا بيشقلب في الكلام واتفرج يا سلاملم على شقلب يا سلام

لما محانم جيبن يادخ زايجة لوبن يادخ يعني مناحم بيجن ياخذ جائزة نوبل تبقى النوديا يعني الدنيا ماشيه بتحدف بالمندار يبقى الشهر انتاشر ساعه يبقى اليوم

ليلتين ونهار يبقى القاتل شخص ضحيه والمقتول مجرم جبار شفتوا إزاى؟ أما صحيح الطب اتقدم وحنا ما وصلتناش أخبار أبو ه يا لجنة لو بن بيه قاعده إزاي بتلجني إيه أنا مش فاهم حاجه صراحه لما القاتل بأخذ جايزة كده من دون تلبيخ وإباحة يبقى يا إما اللجنة دي بايظه أو لا مؤاخذه رئيسها حمار بيقى بالجنه يا عره يا كوسه جتنا وجتكوا ستين حوسه يبقى في هذا الزمن المايل

ياما حتجري علينا هوايل تبقى اللكمه بدل الكلمه والكاتب يمسك منشار يبقى الراعش يعني الشاعر يسكن شقه في بيت في قصيده يكتب فول يأكل أشعار

## الانتخابات

شوف عندك يا سلاملم واتفرج يا سلام واتفرج يا سلام عيسوي وزير الأمن عام في الفصل الانتخابي من مرسح السلام سارح بالبلطجية

والهجامه القدام عشان ضمان عبوره من دايرة لانتقام واتقرج يا سلاملم على عيسوي يا سلام

- العيسوي بيه

- العيسوي بيه

- صاحب البوكسات

- العيسوي بيه

- والحبسخانات

- العيسوي بيه

- ملك اللومانات

- العيسوي بيه

- والمعتقلات

العيسوي بيه

بشرى لجميع الهباشه العيسوي

رمز الطفاشه
سبحان الله
من أومباشه
حكم المأمور يا ما شا الله عليه
- العيسوي بيه
- العيسوى بيه

بشرى لجميع الحشاشه العيسوي بيه رمز الماشه سبحان الله من أومباشه بقى كل الإمن العام في إديه العيسوي بيه من أجل ضمان الحريه لجميع تجار الباطليه العيسوي بيه العيسوي بيه العيسوي بيه ميه الميه حيخلي القرش بربع جنيه

- العيسوي بيه
  العيسوي بيه
  خليكوا فاكرين
  العيسوي بيه
  التنخبوا مين
  العيسوي بيه
  فليحيا أمين
  العيسوي بيه
  العيسوي بيه
  العيسوي بيه
  العيسوي بيه
  - فـــزورة

شوف عندك يا سلاملم واتفرج يا سلام فزورة قرعاويه من إنتاج النظام

العيسوي بيه

سمك لبن طماطم بصل عس سخام

يساوي حزب حاكم وآخر انسجام ولسه نشوف طلاسم ما دام الوعي نام واتفرج يا سلاملم وافهمها يا سلام

واحد بقال تموين كان مطرح طه حسين! وكمان مرضيش بالمطرح تفتكروا يروح على فين كان قال في الجامعه مدير على درجة نص وزير أظهر في القرع مواهب أكبر من سنه كتير

مواهبها ما هيش وياها فاعتبروا صاحبنا هديه للأوساط القرعيه هيلا بيلا وشيله ويالله لفعوا البقال اسم الله على مجلس أنس الشله بقى رئيس فرقه كبير واحد بقال تموين

## السلام

شوف عندك يا سلالملم واتفرج يا سلام

تفتكروا دا يطلع مين؟

هزليه مرسحيه على تياتروا السلام سلام كلام أغاني

وعليكم السلام ما عاد على الغلابـــه عايد.. غير الكلام والحاله كل مادا يا ساده يا كرام واتفرج يا سلاملم ع المسرح يا سلام

سالمه یا سلامه کوکاکو لا جت بالسلامه سالمه یا سلامه ایا سالمه یا سلامه

نشروا الإعلان ملوا الجرنان جوا البراويز الدهبية والتليفزيون بالصوت واللون كوكاكولا هي الأصليه

إشرب يا خفيف بطل تخاريف بلا طيظ الطور بلا وطنيه كوكاكو لا تفوق وتروق ضد الأفكار الهدامة

\*

سالمة يا سلامة وداليدا رجعت بسلامة أيا سالمه يا سلامه مصريه ومن مو اليد شبرا من تحت نفقها ومجاريها كانت حتلغمط لياليها بالغنوه المدهونه شفايف غرقانه وسايحه في بلاويها سيد درويش اللي حيلتنا سرقوه

وباعوه بيعه ندامه

سالمه يا سلامه طيري بينا ورفرفي يا حمامه سالمه يا سلامه على مصر التانيه أم علامه

ولاده وحبلي وبكربه غصبن عن عين اللي خانوها لا تغير لونها ولا أوانها ولا تنسى لسانها ودار أبوها تحبل مواويل من فيض النيل من فيض النيل تسرح غناويها في حواريها على نغمة بكره البسامه وسالمه يا سلامه

تولد وتقوم بالسلامه

#### الشحاتين

شوف عندك يا سلاملم واتفرج يا سلام على فرقة جوع وغنى سارحين وسط الزحام ع الطبله والربابه يا شحاتين بلدنا عددكو بيجي كام لو كل بق كلمه حتلاقوا البر عام واتفرج يا سلاملم ع الفرقه يا سلام

الحمدُ لرب مقتدرِ وصلاة الله على البدر

واللعنة نهديها طراً للقلب الصخري الحجري

فيم الإحسان وحتاما في قوم أكلوا أقواما بالسحت وبالباطل عاما وسنيناً بصنوف القهر قد فاض الكيل أيا ساده والجم لحاف ووساده يقلقنا إلى وجه الفجر

قد كان الناس إذا شبعوا طعموا المحروم كما طبعوا واليوم تراهم قد تبعوا سبل التخزين أو الحذر ففقير القوم إذا جاعا وجميع عزال قد باعا لا يجد العون إذا ضاعا بل يسمع لوما كالصبر

وغنى القوم ومولاهم

لا يمنح شيئا إياهم غير الترحيب برؤياهم جوعى والجوع أبو الكفر فيضيع الحب المكنون ويشيع الحقد المجنون ويذاع السر المدفون بغضائح سكان القصر

قد قالو سلاما فرخاءا فالخير إلى الناس تراءا فازدادوا غلاءا فشراءا فكر هنا أقواس النصر فالنصر إذا لم يعطينا قوت الأطفال ويحمينا فيماذا نفرح ياسينا عدت ألى القبر

# اليويسو

يا واد يا يويو يا مبرراتي يا جبنه حادقه على فول حراتي استك لسانك فارد ولامم حسب الأبيج يا مهلباتي

> یا واد یا یویو یا مهلبیه فوق الصوانی سایحه وطریه فی کل جلسه تلبس قضیه وتخیل علیها یا مشخصاتی

حسب الوظیفه وأنت وشطارتك تظهر حلاوتك تظهر مرارتك لو خفضوك ترتفع حرارتك لو صعدوك تقلب جیلاتی

وبالمناسبه وأنت اللي أدري كان لك تحفظ على المبادره ليه النهارده بترش بودره يا بن الأبالسه يا ملطفاتي

وفي النهايه لك عندي كلمه آخر طريقك زحل وضلمه حيث أن آخر القرع ضلمه

يا إما كفته من عند العجاتي

معتقل القتاطر ١٩٧٠

# قيدوا شمعة

قيدوا شمعه يا أحبه ونوروا لي رمشتين من رمش عين وبيندهولي من هنا سكة ملامه من هنا سكة ندامه سكتين ياللا السلامه أمشي فين يا ناس قولولي

> رمشتین من رمش جارح فوق عیون السحر طارح زادوا نبض القلب حبه بالأماني

في المحبة والأماني هناك بشوكها والأماني هناك بشوكها بتلاغيني بتلاغيني من بعيد وتقول أديني كان بودي عايز أعدي من هنا سكة ملامه من هنا سكة مدامه من هنا سكة ندامه سكتين ياللا السلامه أمشى فين يا ناس قولولي

قيدوا شمعه يا صبايا نورو لي وطمنوني بحر بيني وبين هوايا موجه يشبه موج ظنوني كل موجه شايله شيله

حلم ليله
وهم ليله
عد موج البحر ياللي
شفت حالي
وقول لخلي
كان بودي.. عايز اعدي
والظنون بتقول لى هدى
من هنا سكة ملامه
سكتين ياللا السلامه
المشى فين يا ناس قولولى

مال يا قلبي العشق بينا مال وخالي البال يلومنا مال وقال الشوق يجينا في الليالي يقل نومنا بين مسانا وبين صباحنا نصحي والناس نعسانين موعودين بالجرح يا حنا

والدوا للموعودين اليه دا كله يا قلبي اليه دا لله يا قلبي شوف طريق العقل واهدا من هنا سكة ملامه من هنا سكة ندامه سكتين ياللا السلامه المشي فين يا ناس قولولي قيدوا شمعه ونورو لي

معتقل القتاطر/ ١٩٧٠

#### كلب الست

في الزمالك
من سنين
وفي حما النيل القديم
قصر
من عصر اليمين
ملك واحده من الحريم
صيتها اكتر م الأدان
يسمعوه المسلمين
والتتر والتركمان

ست فاقت ع الرجال في المقام والاحترام صيت وشهره وتل مال يعني في غاية التمام

قصره يعني هي كلمه ليها كلمه في الحكومه بس ربك لجل حكمه قام حرمها م الأمومه والأمومه طبع ثابت جوه حوا من زمان تعمل أيه الست جابت

فوكس رومي وله ودان

فوكس دا عبقال أملتك عنده دستة خدامين يعني مش موجود في عليتك

صخص زيه يا اسماعين

واسماعين دا يبقى واحد م الجماعه التعابنين اللي داخوا في المعاهد

والمدارس من سنين

حب يعمل واد فكاكه ويمشي حبه في الزمالك والقيامه والفتاكه يرموا طبعا ع المهالك

عم سمعه من قيامته حب يعمل فيها فله بعد ما ألوظ بيجامته اشتري حتة مجله قول مشي بيقرا ف حكايه من حكايات الغرام واندماجه في القرايه خلا مشيه مش تمام

ع اليمين يحدف بعيد خطوتين ويروح شمال لمحه فوكس من الحديد

قال دا صيد سهل وحلال هب نط في كرشه دو غري جاب بيجامته لحد ديلها إسماعين بدال ما يجري قال یا رجلی رجلي مالها؟ بص شاف الدم سايح من عاليها ومن واطيها وياللي جاي وياللي رايح المجله مش لا قيها

> حبه واتلموا الظنايا اللي هما البوابين والحكايه والروايه قال لهم دا کلب مین

[ 707 ]

كلب مين
ما كلب مينشي
سمعه لبخ حبتين
قال له واحد منهم
المشي
اللي جابك عنده مين؟
قال دا شارع يا مواشي
والجميع بيمر منه
واللي ماشي
واللي ماشي

كلمه من دا وكلمه من دا ظاطو واترسمت فضيحه قول نهايته والقصد من دا إسماعين أكل الطريحه

راحو قسم الشرطه طبعا والنيابه كفيله بيهم واترموا في الحجز جمعا لما ييجى الدور عليهم

حبه الشاويش أمين قال: سعيد النقشبندي قام غريم عم اسماعين محسوبك يا افندي قام سي سمعه يروح معاه الشاويش قال: عوصني غور بدمك وفوق قفاه وفوق قفاه داهيه في أمك تفتكر يفضل سي سمعه تفتكر يفضل سي سمعه معه

قد إيه في القسم نايم؟ استضافه الحجز جمعه يا بلاش آدي العزايم

شاف بلاوي ما تتحكيش م الديابه المكبوتين قال يا عالم يا شاويش یا نیابه يا مسئو لبن خلصوه بعد المناهده جثه من جحر الديابه هي يمكن ساعه واحده كان في مكتب النيابه قال له مالك يا اسماعين قال له زي البمب. مالي؟ قال له عضك فوكس فين قال له سيبني أروح لحالي

أنت شوف سي فوكس يمكن خد تسمم خد تسمم غصب عني الوكيل قال برضه ممكن و الشاويش

قعد يغني

إنت قده يا اسماعين طب دا كلب الست يا أبني وأنت تطلع أبن مين؟ هيص يا كلب الست

إنت فين والكلب فين

هيص لك مجامك فى البوليس بكرة تتولف وزاره

. للكلاب ياخدوك رئيس

•

القاهرة ١٩٦٥

## دولا مين

دولا مین ودولا مین دولا عساکر مصریین دولار مین ودولا مین دولا ولاد الفلاحین

دولا الورد الحر البلدي يصحي يفتح تصحي يا بلدي دولا خلاصة مصر يا ولدي دولا عيون المصريين دولا مين ودولا بنينا دولا الأمل اللي يخلينا دولا الأمل اللي يخلينا

دولا المجد اللي يعلينا فوق الجرح نعود سالمين دولا مين ودولا مين

دولا القوة دولا العز دول شاربين من أطهر بز هز يا دفعه هلالك هز واحنا وراك ملايين جايين دولا مين ودولا مين

دولا يا سينا ولاد الشهدا دولا التار لا ينام ولا يهدا خلي ترابك يسكن يهدا

ويضم الشهدا الجايين دولا مين ودولا مين

أكتوبر/ ١٩٧٣

### موال السمك

یا بحر قول للسمك طول ما الشبك فوقك لا العشق كارك ولا رمل الشطوط شوقك انزل قرار النجا موج العلالي خطر في النوه في النوه ومغبش داري على شمعتك وتحب. ما تحبش الصبح نور یا سمك واعشق على ذوقك

## الطنبور

زهر الجناين طرح والعتر مش واحد مع إن أصل الشجر طالع في غيط واحد مسقى بماء واحد عجبي على فر عين كان أصلهم واحد والد غرز في الطين والورد لما انقطف والحد بيه ألوفات ريحت بيه ألوفات والحد.

بسيطه جاوي جاوي رواية المجاله مليحه جاوي جاوي للى مانايمشى طويله جاوي جاوي حكاية الرساله جريبه جاوي جاوي و انت ما عالمشي مد الخطوه وامشى تلجى الصعب فات غير الله ما دامشي وکل حی مات وإن كنت ناصح وفهمت المجاله فمهها يا بنى للى ما فاهمشى بسبطه كيف الدنيا لف ودور یا طنبور هم شویه خلى الميه تغطى البور

معدوده الخطاوى رايحه ولا جايه ما يلمكش خوفك ع الدنيا الدنيه جول الكلمه عالى بالصوت البلالي جول ان العداله دين الإنسانيه كامش ليه و خايف فرج الشفايف هو العمر واحد ولا العمر ميه؟ وإن كنت ناصح وفهمت المجاله فهمها يا بنى للى ما فاهمشى بسيطه كيف الدنيا لف ودور يا طنبور هم شويه

خلي الميه تغطي البور

المولى خالجنا بالعدل وناشينا طل ف خلجه تلجاه بالعجل مساوينا ومنور طريجنا من فضله وهادينا بالنور اللي طالل من غرة نبينا جن الليل غوانا ومشينا ف عمانا ونسينا شارعنا وتهنا في المدينه و أن كنت ناصح وفهمت المجاله فهمها يا بني للي ما فاهمشي يسبطه كيف الدنيا لف ودور

يا طنبور

هم شويه خلي الميه تغطى البور

يا مودر شبابك بسنين العذاب بين وهم الأماني والصبر اللي شاب صبرك ع المساوي تبجى انت الصيبه وتبجي أنت المصاب يا ويلك بصبرك

ع الظالم وظلمه في الدنيا ويا ويلك من يوم الحساب وان كنت ناصح وفهمت المجاله فعم المارين السراة المجاله

فهمها يا بني للي ما فاهمشي بسيطه

كيف الدنيا لف ودور

يا طنبور هم شويه خلي الميه تغطي البور

معتقل القناطر/ ١٩٧٠

## التوبة

أتوب إزاي وأنا أيوب رماني الوعد والمكتوب سنين ماشي ورا الأفكار على كفوف القدم دوار لاخليت في الدروب مشوار ولا فوق الورق مكتوب

رماني الشوق مشيت سواح اغني وملو قلبي جراح على يمينى شجر صبار على شمالي على شمالي مافيش أشجار على قلبي الهوى جبار وبات غالب

وأنا المغلوب واتوب إزاي وأنا أيوب

رماني الشوق مشيت حادي حدايا وغنوتي بلادي يا عيني يا ليل على إنسان غريب الأهل في الأوطان يقوم وقت البدار بدار وعند القسمه مش محسوب واتوب إزاي وأنا أيوب

يا عيني يا ليلي يا بحر النيل يا كلمه مزوقه المواويل على على عشاق على سهاري يغزلوا الأشواق وأنا ويا الجميع مشتاق

ليالي الوصل يا محبوب

معتقل القتاطر/ ١٩٧١

# في الليل

الليل ملاح
تايه سواح
لا بيوصل شط
ولا بيرتاح
الليل مشحون أسرار وشجون
وألم ونغم
وكاسات ونايات ودموع وآهات
وعبر وحكم

ومشيت في الليل خجلان مكسوف إكمن الليل عريان مكشوف افراح الناس وجراح الناس على صدر الليل عناقيد وصفوف على صدر الليل عناقيد وصفوف

وعيون الليل والضلمه جبال فاردين على وش المسا غربال الماظ مبدور في كاسات بنور يفرش للنور ع الأرض خيال

ويشق سكون الكون
أرغول
ونغم فنان ثاير مخبول
وعليل على فرشه بيتقلب
ويحايل جرحه المداري
ويقول يا طبيب قلبك طيب
اسمعني
ح اقولك اسراري
لو شلت الشكوى على لساني
ورميتها قريب
ما تكونش جراحي مآلماني
أبداً يا طبيب؟

يسقينى المر وبرضه اسقيه من بحر الصبر اللي في قلبي ح تقوللي بتشكى أمال من أيه؟ و لا من أوجـــاع ولا شوق لمتاع دانا عمري أن ضاع مش ح أبكي عليه أبدا يا طبيب یا طبیب دانا جرحی ملوعنی وساقيني الحنضل من كاسي والنار في ضلوعي بتلسعني و انا لسه صنغار والعيا قاسي و لا عمر الليل مره سمعنى عليت الآه على أنفاسي ابدا یا طبیب

لكن يا طبيب أنا بابكي صحيح

وباقول الآه زي المجاريح ودموعي في عينى بتتألم وبتتكلم على قلب جريح مسكين كان أمله يحب سنين ويلم الحب في عشه اتنين واتهنى معاه وإن قال الآه أنا أقول له يا روح القلب آ**هی**ن بس أنا لا بيدى و لا بودي دا قدر مقسوم قدر لحبيبي يعيش بعدي في الهوى محروم أهو دا اللي وجعني وخلاني

حطيت الشكوى على لساني النما وحياة اللي قاسيته وحياة الأمل اللي وحياة القلب اللي جرحته لا فرحت معاه ولا هنيته لو شلت الشكوى على لساني ورميتها قريب ما تكونش جراحي مألماني أبداً يا طبيب؟

وينام الصوت والكون حواليه ساكن نعسان وكأن الموت رمي تقله عليه سكت العيان

الكاس له ناس و الليل مجالات والحان مليان والخات والخات والخات ومجال الكاس مليان حواديت مليان روايات

ونزور في الليل دنيا الخمار ونلاقي الكاس على الناس دوار ويموت اليل على باب الحان حيخش ازاي والدنيا نهار ونفوس وقلوب كده ع المكشوف عريانه تمام وتعالى نشوف

شوف دا اللي هناك قدامه كاسين مع إنه لوحده ما هوش اتنین والناس بيبصوا ومش فاهمين الكاس دا لمين والكاس دا لمين أهو دا اللي بنظرة عين شيکو ه له الكاس مليان وفاتوه وحكايته طوبله و همه تقيل وح أقول لك إيه وأعيد لك ايـه راح يملا عيونه بحلم جميل بياع السهد ملا له عينه

وترن ف جو الحان الحان نشوانه تخلي المولد هس وغزاله بتتغزل ف حصان وتقول له أحبك انت وبس ويفز هناك سيدنا المنظور ويطب الكاس ف ايديه مکسو ر ويقول غشاشه حتلعب بيك ويرد التاني عليه بفتور: طب وانت مزعل نفسك ليه؟! حشرى وسخيف وح قولك إيه ومانولي يقول "موس أندك خق" والسامر يضحك لما يطق ويحط الحشري عنيه في الأرض

وكأنه لحن في الدين و الفرض ويقوم يطوح مره يمين ويميل زي البخت شمال وف جوف الليل يغرق مسكين لا يغير حال ولا يشغل بال

الحظ حمار من غير حمّار فقد التمييز زي المجانين هجر البسائين سكن الدهاليز والحظ بطبع غباوته عنيد ودماغه حديد لو يعند حتى على الغز لان

ينسخطوا معيز و نسیب دهلیز ونخش في باب ونعدي الباب ندخل سرداب ونلاقى ضحايا الليل واقفين والحظ بيلعب بالأعصاب ترابيزه عليها نمر بنظام من واحد يمكن لما لألف والدنيا بزي ما هي تمام على هيئة كوره تدور وتلف وشنب مفتول يصرخ ويقول اللقمه يتنده أكالها والرزق نصيب والدنيا الدايره ف أحو الها زى المجاذيب

الصبح معاك والضهر عليك والحظ لو أدى ما بينقيش جربها من جودك برضه ما تحرمنيش قرب قرب جرب جرب ودي لعبة حظ ما فيش تبكيش

والكوره تدور زي المقدور تحرن على ناس وتجامل ناس والشيخ سلمون شعبان مندور واقف على أعصابه ومحتاس

يلعب ع السته الخمسه تصيب ينقل ع الخمسه الخمسه تخيب وخلاص الحظ اداله قفاه والحظ ان ولي بيبقى عجيب كلها ساعتين وصريخ سلمون لعلع مقامات نهاوند ورست وسيكا وصبا وحجاز وبيات يا فلوس الناس يا خراب البيت يا نهار الشوم طب المسكين من طوله ورفص يظهر مات والناس ملهيه ف أحوالها

بيبدوسوا عليه وبتاع الكوره مشغلها ح يبطل ليه؟ واللقمه بتنده أكالها طب ودا كل إيه؟

الشارع نايم تحت جناح الليل همدان وعيون النور تعبانه بنتعس ع العمدان والكون ملفوف بعبايه نسجها الليل بالخوف نسجها الليل بالخوف وف بحر الضلمه رأيت على بعد شبح إنسان حققت بعيني لقيتها يمامه وكاسره الطوق

كرابيج الليل ناقشينها جراح من تحت لفوق

و الأسى ف عينيها مصحى الشكوى تقول حواديت حواديت ما لهاش علاقات بالشوق وليالي الشوق مسيت ورميت ع الحلو سلام قالت سلامين أنا قلت لوحدك ليه يا حمام و و ليفك فين مالك بالليل وجبال الرعب خلیك یا حمام عابش للحب شالت بجناح حطت بجناح ورتني جراح تحت الجناحين وقالت لي

زمان الحب ما راح

وبقى لنا سنين في الليل ضايعين خد مني الليل واداني الليل ورميت له الغالي بسعر زهيد وسقاني الشهد ودقت الويل وكساني حرير ولبست حديد وعرفت الناس م الراس للديل وآمنت بأن الكل عبيد وقالتها وطارت في ثواني وأنا شارد وخيالي يصور وعمزني الفجر وصحاني وقيت الكون بادي ينور وصحيت من غفوة سرحاني على صوت بيقول الله أكبر

القاهرة ١٩٦٤

## تل الزعتر

یا حکایة کل الناس
من قلب الناس الناس
تصحی علی اسان الناس
وتبات فی ضمیر الناس
یا أطهر جرح
وأشرف جرح
وأوجع جرح ف قلب الناس
یا تل الزعتر

القاهرة ١٩٧٦

# رجعوا التلامذة

رجعوا التلامذه یا عم حمزہ للجد تاني يا مصر إنتي اللي باقيه وانتي قطف الأمانى لا كوره نفعت ولا أونطه ولا المناقشة وجدل بيزنطه و لا الصحافه والصحفجيه شاغلين شبابنا عن القضيه قيمولنا صهبه با صهبجیه

ودوقونا طعم الأغاني رجعوا التلامذه للجد تاني

طلعوا التلامذه ورد الجناین اسمع یا میلص وشوف و عاین ملعون أبوك ابن كلب خاین یا صوت أمیركا یا أمریكانی

### النقطه

التقطه	_
علشان لاحباب	-
وصاحبها	-
واحد نصاب	_
دا معلم	-
أبدا كداب	_
وبيكسب	_
من غير أسباب	_
والصحبه	-
خنازير وكلاب	-
وأننا واننت	_
نطلع م الباب	
سلام يا جدع	-

#### النقطسه

لا صوت يعلو فوق صوت المعرجة	
لا صنوت يعلو فوق صنوت المعركه	
كل الجهود كل الزنود للمعركه	
كل الجهود كل الزنود للمعركه	
ألحان جنان تعزف نشيد المعركه	
الحان جنان تعزف نشيد المعركه	
وكمان لجان عشان عيون المعركه	
وكمان لجان عشان عيون المعركه	
سلام يا واد للست معمع معركه	
سلام يا واد للست معمع معركه	
وكمان سلام لأهل بيت المعركه	
وكمان سلام لأهل بيت المعركه	
سلام یا جدع	
• •	
سندات جهاد جداد عشان المعركه	
. N . 1 1	

سندات جهاد جداد عشان المعركه
 لازمن جميع الناس يساعدوا المعركه

الارمن جميع الناس يساعدوا المعركة

مخلوق مفیش اذ لم یعیش للمعرکه مخلوق مفیش اذ لم یعیش للمعرکه و تموت قتیل و لا فیش بدیل للمعرکه و اموت قتیل و لافیش بدیل للمعرکه حاکم ضروري و إن حتما معرکه طبعا ضروري و إن حتما معرکه سلام عشان لأن حتما معرکه سلام عشان لأن حتما معرکه سلام عشان لأن حتما معرکه سلام یا جدع

خطاب خطير يشرح مصير المعركه عشرين خطاب كمان عشان المعركه جندنا جيش مليون عشان المعركه جندتوا ديشيلون عشان المعركه وخبزنا عيش أسود عشان المعركه وأكلنا عيش أسود بلون المعركه الشعب جاع الشعب صاع دي معركه نجوع نصوع راضيين عشان المعركه إذ إن بن تن ترن المعركة

هرشت مخي هي فين المعركه	-
إخرس يا واد واهتف لتحيا المعركه	-
اهتف لايه مش لما أشوف المعركه	-
إمسك بوليس جاسوس خسيس	_
ما سمعتناش بنقول یا تیس	-
لا صوت يعلو فوق صوت المعركه	_
إهتف يا واد لا صوت يعلو	
هي فين المعركه	-
إهتف يا واد لا عوت يصلو	-
هي عين المفركه	-
يا همبكا في البمبكا	-
على بمبكا في العميكة	_

القاهرة ١٩٧١

## الفوازيسر العشره

(۱) شاعر بيتخن من بوزه ممكن تخوف به عيالك نازل يقزقز أزا أوزو حتتك يمينك وشمالك بقى مليونير واللي يعوزه يلقاه في إيده عقبالك وخلي بالك من زوزو وخلي زوزو من بالك

> (۲) يا وليه عيب اختشي يا شبه أيد الهون

دانتي اللي زيك مشي يا مرضعة قلاوون مدحتي عشرين ملك وميت وزير ورئيس مروان وعبد الملك وعتريس وعتريس وعتريس ولا انتي صوت إبليس من أول المتبدأ حتى نهاية الكون؟

#### (٣)

اللورد بن اللورد بن اللورد ابن اللورد متأصل في الثروه لا أوناسيس ولا فورد

حيطبق بسلامته قوانين لاشتراكيه ويدافع "من عشمه" عن صوت الحريه واهي كوسه على باميا على قرع استامبوللي بنفرع يا بلدنا على وش التسقيه

#### (٤)

سكرتير عموم مصر وافهم كلامي تعدد مناصبه ولا تنتهيش وجيه بالوراثه وجاهل عصامي جمع جهل طايل وإيه؟

من مفیش وکان أصله ظابط وحول حرامي ویکتب أدب بس ما یتقریش

(٥) لماليمو الشخلوعه الدلوعه الكتكوت الليه حيتنهد

ويغني ويموت يشيلوه قال على لندن

علشان جده هناك من بعد ما يتلايم على دخل الشباك

ويهرب أموالك ويقولك أهواك يا شعب يا متلوع ع الهدمة وع القوت

### (7)

**(Y)** 

يُكُون في عون الصحافه الله يكون في العون لماك يا دود القرافه

یا رمه یا ملعون تنهش لحوم الفرایس فی الضلمه یا وطواط والکلمه عندك بضاعه اما الشرف مطاط بریئه منك بلدنا مسلمین و أقباط ولا انت موسی من كلاب فر عون

(^)

مجاول وشاعر وبیاع ملوحه وتاجر غناوي وسمسار بنات نعیمه وزکیه وعطیات وتوحه ومخبر مودك على التجریرات

حضر من بلدهم بمقطف ملوحه جبر واشتری له تلات تاکسیهات

### (9)

يتوب على دي البلد منك وأمثالك ما عدش لينا جلد على سو أفعالك على سو أفعالك عبيته في البلا ليص وصحافة المعركه في الكدب والتهجيص ومليت طريق الهرم يا عرص بالتعريص ما دام مافيش للهرم ما دام مافيش للهرم

صاحب هنيا لك

(1.)

لأن الصراحه ف بلدنا قليله بفضل المباحث وأدب الرموز جعلها اللئيم ابن بنت اللئيمه شعار يرمى تحته السموم كيف يعوز وبهدل أصول الصراحه العظيمه وخلا الندوب في الحقايق بزور وحرم وحلل وكتر وقلل وسمى القبيله الذليله

حليمه وقال ع السكوت ع الهزيمه يجوز!

سجن القلعة ١٩٧٣

#### التحاليف

يعيش أهل بلدي وبينهم ما فيش تعارف يخلي التحالف يعيش تعيش كل طايفه من التانيه خايفه وتنزل ستاير بداير وشيش لكن في الموالد يا شعبي يا خالد بنتلم صحبه ونهتف .. يعيش يعيش أهل بلدي

یعیش المثقف علی مقهی ریش یعیش یعیش یعیش

محفلط مزفلط كتير الكلام عديم الممارسه عدو الزحام بكام كلمه فاضيه وكام ا صطلاح يغيش المثقف يعيش يعيش يعيش أهل بلدي

يعيش التنابله
في حي الزمالك
وحي الزمالك
مسالك مسالك
تحاول تفكر تهوب هنالك
تودر حياتك
بلاش المهالك
لذلك

تقول الحياه عندنا مش كذلك وممكن تشوفهم في وسط المدينه إذا مر جنبك أوتومبيل سفينه قفاهم عجينه كروشهم سمينه جلودهم بتضوي دماغهم تخينه سنانهم مبارد تفوت في الجليد مافیش سخن بارد بياكلو الحديد ما دام نهر وارد وجاي م الصعيد تزيد الموارد كروشهم تزيد وتسمع وتسلم بأن التنابله أو الأكالين

ويعمل مقابله مع الفلاحين ويحصل تحالف ما بين الجميع ونملا المصارف بدم القطيع أطيع الخليفه أطيع والديك أطيع التنابله دا مفروض عليك وتزرع وتبعت لحى الزمالك وحى الزمالك مسالك مسالك تحاول تفكر تهوب هنالك تودر حياتك بلاش المهالك لذلك إذا حد جاب لك سيرتهم

حيسمح كبيرهم

تبسمل تكبر وتهتف كذلك يعيش التنابله يعيش يعيش يعش يعيش أهل بلدي

يعيش الغلابه
في طي النجوع
نهارهم سحابه
وليلهم دموع
سواعد هزيله
لكن فيها حيله
تبدر تخضر جفاف الربوع
مكن شغل كايرو

یا غلبان بلدنا یا فلاح یا صانع

ولاحتى يقدر يجوع

لا باكل

يا شحم السواقي يا فحم المصانع یا منتج یا مبهج يا آخر حلاوه یا هادی یا راضی با عاقل يا قانع ما تتعبش عقلك في شغل السياسه وشوف أنت شغلك بهمه وحماسه وعود عيالك فضيلة الرضا لأن احنا طبعا عبيد القضيا ورزقك ورزقي ورزق الكلاب دا موضوع مؤجل ليوم الحساب كمان الصحافه

حتكتب في حالتك وخالتك وتنشر مناظر لخالك وخالتك وتنظع يا مسعد عليك الغناوي وتسمع بإسمك في قلب القهاوي تحبك مشيره وبنات الجزيره وقصة غرامك تشيع في الرداوي يعيش عم مسعد يعيش الهل بلدي

القاهرة ١٩٦٧

## صباح الخير

صباح الخير على الورد اللي فتح في جناين مصر صباح العندليب يشدي بألحان السبوع يا مصر صباح الدايه واللفه ورش الملح في الزفه صباح يطلع بأعلامنا من القلعه لباب النصر

سلامتك يامه يا مهره يا حباله يا ولاده ياست الكل يا طاهره سلامتك من آلام الحيض

من الحرمان من القهره سلامة نهدك المرضع سلامة بطنك الخضرا هناكي وفرخة الوالده تضمي الولد يا و الده يصونهم لك ويحميهم یکترهم يخليهم يجمع شملهم بیکی يتمم فرحتك بيهم صباح الخير على ولادك صباح الياسمين والفل تعيشي ويفنوا حسادك

ويسقو هم

كاسات الذل
وبلغ يا سمير غطاس
يا ضيف المعتقل سنوي
بصوتك دا اللي
كله نحاس
صباح الخير
على الثانوي
وأهلا بيكو في القلعه
واللي في الطريق جايين
ما دامت مصر و لاده
وفيها الطلق والعاده
حتفضل شمسها طالعه
برغم القلعه

سجن القلعة ١٩٧٣

## شيد قصورك

شيد قصورك ع المزارع من كدنا وعمل إدينا والخمارات جنب المصانع والسجن مطرح الجنينه واطلق كلابك في الشوار ع واقفل زنازينك علينا وقل نومنا في المضاجع ادي احنا نمنا ما اشتهينا واتقل علينا بالمواجع احنا اتوجعنا و اكتفينا وعرفنا

مين سبب جراحنا وعرفنا روحنا والتقينا وطلبه وطلبه وابتدينا نسلك طريق ما لهش راجع والنصر قرب من عنينا النصر أقرب

معتقل القتاطر ١٩٧٣

## رسالة

وآه يا عبد الودود يا رابص ع الحدود ومحافظ ع النظام كيفك يا واد صحيح عسى الله تكون مليح لمك ع تدعي ليك وتجول بعد السلام خليك مدع لابوك ليجولوا منين دا بوك ويمصخوا الكلام

واه عبد الودود ع أجولك وانتخابر كل الجضيه عاد ولسه دم خيك ما شرباش التراب حسك عينك تزحزح يدك عن الزناد خلیك یا عبده راصد لساعة الحساب آن الأوان يا ولدى ماعاد الا المعاد تنفض الشركه واصل وينزاحو الكلاب إن كنت و د ابوك تديب لي تار أخوك والأهل يبلغوك دميعا السلام

واه يا عبد الودود كيفك وكيف زمايلك عسى الله طيبين خالك زناتي داي لك ضمن المتطوعين واختك تطلع يوماتي ع المشتشفي الجديمه حاكم ع يمرنوها في العركه تكون حكيمه ومحمدين موافي يتعلم المطافي ويجولك شد عزمك ويجولك العوافي ومن هنا الجرايب والعيله والعيال ع يبلغوك سلامهم ولتمة الرجال وأخر الكلام نجول لك في الختام الله يصون بلدنا ويحرس السلام والدك / حسن محارب غفير برج الحمام

القاهرة ٩ يونيو ١٩٦٧

# أنا أتوب عن حبك؟

أنا أتوب عن حبك أنا؟ أنا ليا ف بعدك هنا! دانا بترجاك الله يجازيك يا شاغلني معاك وشاغلني عليك

وان غبت سنه أنا برضه أنا ۷ أقد أنه ال

انا برضه انا لا أقدر أنساك ولا ليا غنا

ولا أتوب عن حبك أنا

زي ما يحلاك

ري هو آك

[ ۲۲۱ ]

سهرني عليك سهرنى معاك دنا عمري ما أخاف من هجرك يوم و لا قلبي بيفرح وأنا وياك وان كان أمل العشاق القرب أنا أملى ف حبك هو الحب وان غبت سنه أنا برضه أنا لا أقدر أنساك و لا ليا غنا ولا أتوب عن حبك أنا أنا لا اتمنيت و لا قلت یا ریت ولا بعدك عنى جعلني سليت دانا كل منايا أدوق اللوم ويقولوا على الناس

حبيت وان كان أمل العشاق القرب أنا أملي ف حبك هو الحب وان غبت سنه أنا برضه أنا لا أقدر أنساك ولا ليا غنا

ولا أتوب عن حبك أنا

تخاصمني كتير
تصالحني كتير
كل دا يا حبيبي ما لوش تأثير
توصلني سنين
تهجرني سنين
ما تغيرنيش
دانا حبي كبير
وان كان أمل العشاق القرب
أنا أملى ف حبك

هو الحب وان غبت سنه أنا برضه أنا لا أقدر أنساك ولا ليا غنا ولا أتوب عن حبك أنا

القاهرة ١٩٦٢

### إملالي املالي املالي

املالى املالى املالى واسقيني الود الغالي دنا شفت كتير يا حبيبي في البعد وياما جرالي إملالي املالي املالي

اسقینی الود حلاوه علی قد عذابی ما طال یزداد العمر غلاوه وتزید الدنیا جمال دانا عز الشوق ما کوانی والبال جابنی وودانی کان عندی امل یا حبیبی

نرجع نتقابل تاني إملالي املالي املالي

صدفه قابلتك يا نعيمي صدفه و لا ألف ميعاد إحكي لي وقول يا نديمي عن حالك واحنا بعاد إزاي كان قلبك خالي وإزاي كان بالك سالي على قد ما تقدر طول دا الوقت معاك يحلالي إملالي املالي املالي املالي

يا ليالي الشوق يا طويله دوبتي العمر حنين وعد ومكتوب ولا حيله وحنشكي الوعد لمين كان دا المقسوم يجرا لي

ولا أدوق النوم يا ليالي واسهر على قد نصيبي عطشان للود الغالي إملالي املالي املالي

القاهرة ١٩٦٥

# غنسوة سسلام

لو سمع غنوة سلام يا سلام قد إيه والغنوه تحلا لو بدينا بالسلام يا سلام قد إيه الروح تميل والنغم يطلع جميل والوتر يوصل كلامه للقلوب صافى وأصيل قدايه وقد ایه بس أقول إيه و لا إيه السلام دا كلمه خضرا

قد إيه القلب يعشق

زي أوراق الريحان ترتوي منها الشفايف ما تجري ع اللسان زوقوكي الناس يا دنيا بالكلام عن السلام والكلام غير الحقيقه والعمل غير الكلام يا سلام

من هنا نبدي الكلام يا صبابه يا مغرمين كلنا نحب السلام والسلام بيحب مين السلام بيحب نورا وشوفوا نورا تبقى مين نورا بنت عيونها خضرا زي قلب العاشقين

والخدود ورديه خمري والشفايف توت وتين و الضفاير تبر طاير يبعت النور و الرنين والنهود حراس مدينه بالبنادق سهر انين يحرسوا قلب المدينه من عيون البصاصين والمدينه ف شرع نورا صوروها المنشدين هي جنه إنسانيه للبنيه وللبنين فيها غيط القمح كافي يدي كل المحتاجين فيها نهر الحب وافي يسقى كل العطشانين فيها نور البدر صافى

يهدي كل الحير انين فيها مطرح السلام لو فرش يقدر ينام فيها كل الناس حبايب فيها كل الناس حبايب تملم يا ملام

قد ايه القلب يفرح
لو يزور بيتنا السلام
ييجي ومعاه الحبايب
نورا والنور والكلام
لا فرش الأرض الحبيبه
واعمل مشايات
وانصب الشادر يلالي
بالكهارب والزينات

حبايبي ميه وردي في الكاسات وادعي كل عيال حارتنا والمزاهر والنايات يشدوا الألحان فرايحي تسري ف قلوب البنات تعمل الأنغام عمايل ترسم الأحلام حاجات

لو قالوها لأمهاتهم أو عادوها للخالات

بالكلام

يفهموها ويداروها عن عيون الأبهات ويقومو لها ويقعدو لها ويقعدو لها ويغزلوها الأمنيات وقوكي الناس يا دنيا

عن السلام والكلام غير الحقيقه والعمل غير الكلام يا سلام

معتقل القتاطر ١٩٦٩

#### حلقــة ذكــر

مواكب مواكب رجال الطريقه يفوقوا الكواكب بنور الحقيقه منهم أساري الليالي السهارى يعينوا الخلايق على أمر دينهم منهم سكارى المحبه الحيارى في بحر الحقيقه الغريقه ومنهم

> الله حي الله حي وسع سكه يمر الضي شيخنا العاشق

جي وراشق سهمه وماشي حدي بدي

يا سيد يا بدوي يا سيدنا الحسين مدد یا أم هاشم يا كحل العنين مولانا الرفاعي يا طب الأفاعي یا سیدی ابر اهیم یا دسوقی إنت فين بانادم عليكوا يا أهل الطريقه وجوايا شوق للغزل والحقيقه وبرايا عالم مشعلل حريقه فزعنى ولسعنى

وكوى قلبي كي

أنا عشقت سلمي وغانم غواها و أنا لما باعشق ما برجعش أتوب تاخدني المعاصي آدم جدي عاصى وأنا راضع معاصيي وشبعان ذنوب ولو قالوا عشق المحاسن خطبه ألم الخطايا وأفوز بالعطيه وأسافر بحملي سعيد المطيه عزيز الخطاوي ما يلويني شي

يحب السلامه ولجل المغانم يبيع العمامه ويبعد ويقرب ويعشق لمأرب وفي الجد يهرب ليوم القيامه وأنا اللي في هو اكي سبقت المعاد يا سلمي

وغانم یا سلمی

يا عشق البنات و الو لاد وطلعت صورتك في كل البلاد

في كل البلاد وكبرت فيها الأمل في اللي جي

> يا سيدنا الإمام يا حسين يا شهيد

وهلبت عالم
ورأيك سديد
لمين ود سلمى
في شرع الطريق
ومين القريب ومين البعيد
ومين اللي باقي
ومين اللي شايل
ومين اللي شايل
ومين اللي يثبت
ومين اللي يثبت
ومين اللي يثبت

الله حي الله حى غانم رايح عاشق جي شيخنا الشايب

ماشي وسايب كلمه بسيطه لأهل الحي كل ما تمشي قدم ع السكه كل السكه ما تشبع ضي الله حي الله حي فوت في السكه تشوف الضي

القاهرة ١٩٧٦

### الجدع جدع

الجدع جدع والجبان جبان بينا يا جدع ننزل الميدان

و الميدان بعيد عن جوف المدينه يا تار الشهيد دير ياسين وسينا

بحري والصعيد إحنا اهه أدينا أصلب م الحديد في الشده تلاقينا بالنار والسلاح

يسبق الليالي ويجيب الصباح يهزم الهزيمه ويداوي الجراح عاوزين اللي راح قدامكو الميدان والجبان جدع جبان

نرفع الكفاح

فوق كل العواصف وهبوب الرياح

القاهرة ١٩٦٨

## الخواجه الأمريكاني

الخواجه الأمريكاني والسماسره اللي وراه تخنوا بالكدب ودنه وعرضو له مقاس قفاه فهموه من غير ما يفهم إن سوق الشرق مغنم والخواجه بطبعه مغشم والمصاري معفرتاه حب يعمل فيها تاجر و انطلق يسلب وينهب في الزباين بالنهار بحدف الدو لار بلمه تلتمیت ملیون دو لار

بالقزایز والبنات باللبان والبمبونات بالمدافع والدانات أو بأفلام الرعاه قول بقى تاجر وفاجر

وانطلق لص المواشي رعب ماشي في البلاد يشفط البترول ويطرش كل ألوان الفساد عزر ائيل من غير فرامل يقلب العرسان أرامل كان بيدبح الحياه بالسناكي والخناجر والنهايه يا خواجه مش ف يوم كانت بدايه؟

البدايه برضه لازم ييجي يوم توصل نهايه مهما زاد الرأسمال الهلاك هو المآل والتاريخ هو المآل هو اللي قال لعبة الموت في الحياه يسحب الروح م الحناجر

القاهرة ١٩٦٧

# بيانات على تذكرة مسجون

الاسم - صابر
التهمة - مصري
السن - أجهل أهل عصري
رغم انسدال الشيب ضفاير
من شوشتي
الما لتحت خصري
عن جدودي والزمان
عن جدودي والزمان
منع الحضاره
والنضاره
والأمان
البشره - قمحي
القد - رمحي

لون العيون - إسود غطيس الأنف – نافر كالحصان الفم - ثابت في المكان ولما جيت ازحزحه عن مطرحه كان اللي كان جهة الميلاد - في أي أوضه مضلمه تحت السما علی أرض مصر من أي دار وسط النخيل مطرح ما يجري النيل ما دام ما يكونش قصر الحكم - الحكم من سبع تلاف سنه وأنا راقد سجين أطحن على ضراسي الحجر من الضبجر و أبات حزين الأسباب - سألني سائل

حبستك طالت وليه لأني طيب وابن نكته

وابن إيه

ما فیش مخالفه رکبتها ضد القانون

القانون الخايف والقانون سيفه ف إديه والقانون سيفه ف إديه تسأل على المخبرين في أي حين تسمع وتفهم قصتي الف وبيه أيوب حمار أيوب حمار شيل الحمول من قسمتي أغرق في أنهار العرق طول النهار

والم همي في المسا وارقد عليه عرفت ليه؟

معتقل القلعة ١٩٧٤

#### بلدي وحبيبتي

الغرام في الدم سارح والهوى طارح معزه والحنين للقرب بارح والنوى جارح یا عزہ يا ابتسامة فجر هلت بددت ليلى الحزين يا ندى الصبح اللي سأسأ فوق خدودي الدبلانين بل شوقهم صحى لون الورد فوقهم کل خد وشم له ورده مين يدوقهم غيرك انتي ومين سواكي يا حياتي يا ملاكي يا نسيم الحب لما هب هز القلب هزه يا هوى الأحلام يا عزه

الليلادي جم خدوني يا ملاكي جوز تنابله

جوز نتابله ونص دسته من التيران كنت باحلم يا حبيبتي كنت باحلم بيكي إنتي

كنا قال أنا وانتي قال ف جنينه خضرا ومحاوطها البرتقان

و السيسبان وانتى جوا قرنفلايه بالعبير بتستحمي أجري يمك يا هوايا تسبقيني وتجري يمي أحضنك واشرب عبيرك من شفايفك والغصون واقفه شايفه بتر اعينا بس خايفه م العيون والعيون بتقول كلام والكلام طاير حمام بينادينا بالأغاني ويهادينا بالسلام كنت باحلم يا حبيبتي كنت باحلم

بيكى إنتي أيوه انتى ومین سواکی یا حیاتی یا ملاکی يا نسيم الحب لما هب هز القلب هزه يا هوى الأحلام يا عزة وانطلق في الجو فجأة یا حبیبتی صوت مفاجأه صوت يخلى الدم يجمد اصحی یا حمد إصحى يا حمد وانتهي الحلم الجميل وابتدا الهم التقيل فين إمام

انتو مین

[ ٣٥٢ ]

احنا ناس مكلفين تیجی سالك مش ح تتعب واحنا طبعا معذورين انتو دود الأرض و الآفة المخيفه انتو ذرة رمل في عيون الخليفه إنتوا كرباج المظالم والمآسى إنتو عله ف جسم بلدي انتو جيفه سكتوه ابن الكلاب سففوه من التراب فتشوا كل الأماكن طلعوا رفوف الدولاب

> کمموني يا حبيبتي کتفوني يا حبيبتي قوموني

قعدوني كل شعره ف جسمي بالعين فتشوها المخده من جنانهم شرّحوها وانتهى التفتيش

ما فيش صدقيني ما تخافيش هو فيه يا عزه عندي ممنوعات غير باحب الناس وباكره السكات؟

بص واحد م التنابله جوا عيني وانتي عارفه عنيه صافيه وطيبين زي كل عيون بلدنا يا حبيبتي

شباكين ع القلب دو غري موصلين

كان مناه يلمح علامة خوف بسيطه طب حييجي الخوف منين ابن العبيطه

> هو مين فينا الجبان ولا مين اللي فينا خان اللي قلبه بالمحبه وبالأماني وبالربيع لاخضر مزهر والأغاني

> > ولا كلب الصيد
> > وأسياده الأباطره
> > أكالين لحم البشر
> > فوق الصواني؟
> > هو مين فينا الجبان
> > ولا مين فينا اللي خان
> > هو بص في عيني بصه
> > إرتجف وف حلقه غصه

واتعوج ومال وقال جملتين مش مفهومين أصله شاف صورتين جمال في العيون الطيبين مصر في العين الشمال وانتي في العين اليمين

معتقل القلعة ١٩٧٢

#### على الربابــه

أصلى ع النبي قبل البدايه نبى عربى مشفع في البرايا واسلم بالوتر والقوس عليكم ياكل السائرين ع الشوك معايا يقول الشاعر المجروح فؤاده من الأندال ومن عشق الصبايا غرامي في الحروب يسبق كلامي وأملى في الشعوب يخلق غنايا وعشقى للكلام غالب سكوتي وكرهي للسكات جالب شقابا

يقول ابن العرب والجرح نازف صديد الذل ودموع السبايا ونار آلغل من أيلول ويونيه وريق المر من طعم الرزايا رضانا بالقليل والخوف ر مانا بحكام المواكب و الهفايا وايش بعد المسيره الهاشميه على درب الخيانه للنهايه وبيع الأرض بالعرض لعدوي على عينك يا تاجر في المرايه

ويا شعب العرب يا ابن الفوارس يا رافع للنضال بيرق ورايه يا واهب للزمن أيام وضيه بنور البذل والجود والعطايا صلاح الدين ینادی من منامته على النايمين على دم الضحايا لا أنا منكم و لا أنتو من و لادي إذا رضيتم بغير النصر غايه ولا غير السلاح في الحرب يحكم

ويحسم

فى المشاكل والقضايا

سجن الاستئناف ١٩٧٣

### الشيخ عاشور

سلام مربع يا بلد للشيخ عاشور قلب الأسد سلام يا واد على دا واد لو دسته منه في البلد ما كنش كان كل اللي كان و لا كان دا حالك یا بلد مدد یا شیخ عاشور مدد مدد یا شیخ عاشور مدد

#### المرجيحه

يا عم أدريس
يا عم أدريس
يا عم أدريس
يا بو المرجيحه والقواديس
ما جاش الدور ؟
عشان يطلع قادوسي لفوق
أبوس النور
واطفي للعللي شوق
واغني في الهوى موال
على ورد الخدود والخال
والدوق الحب سحر حلال
وابقي عريس
يا عم أدريس

يا عم أدريس على الدور

أدور واطلع مع الطالعين كفايه سنين يا عم أدريس يا عم أدريس كفايه سنين وأنا وعيال كما العصافير رفاقه كلنا وفرافير يا دوب يعلا الجناح بينا يعدينا القادوس ويطير ونرجع تاني لافرحنا و لا عرفنا الطريق من فين وجينا زي ما رحنا حياري ومحرومين لاتنين نداوي بالغنا جراحنا ونرمى اللوم على الجناحين وجرح النفس له وجعين يبكى القلب قبل العين

وقاضي الحظ له شرعين لأهل البخت ... والمتاعيس يا عم أدريس

وآه لو بختنا يشوفنا ونرمي الزهر يدينا وقاضي الحظ بنصفنا ويحكم بالأمل لينا ونتمرجح على كيفنا وينساب القادوس بينا

يا خدنا بعيد ويحدفنا وعند الشمس يرمينا على بحر النسيم نسبح وتسرح فيه أمانينا وترسي هناك مراسينا ويبقي الجو هُلِيله تلعلع فيه

غناوينا ونبدر في الفضاحبه غناوي كلها محبه تقول اللهم يتخبي وترقص في الهوى الفوانيس يا عم ادريس يا عم ادريس

القاهرة ١٩٦٢

# عبد المنعم رياض

زَعَق الوابور ع السفر أنا قلت كان بدري نعق الغراب ع الشجر خطف الفراق بدري جدع ما شفناش جدع في البلد زيه عيط عليه القمر والنجمه في البدري

يا نني عين البلد يا بن البلد يا عزيز بكّيت عيون الولد والبنت والعواجيز

يا قلب مصر النقي وقلب مصر بياض عزيز علينا اللقا بعد الفراق يا رياض يا عترة الحراس يا بو الإدين تنباس يا ريتني كنت معاك وشربت نفس الكاس

هطال يا دمع البكا واللي بكي لم طال يا جدع سال ع الكنال هطال يروي على أرضنا حدوته بالموال بعد الصلاع النبي يا ليل يا عين يا نضال

ملعون يا داء البكم ملعون يا طول البال بعد الوطن ما اندهس وصار ترابه حلال للخاصب الأجنبي والجبنا والأندال يا حر قلب الناس على رياض متل ورياض متل الناس يا ناس

يا نني عين البلد يا ابن البلد يا شجيع دمك عزيز ع البلد عمر العزيز ما يضيع كلمه وقالتها البلد في لحظة التوديع

بالدم نفدي البلد لا سلم لا تمييع وان كان طريقك سفر تفنيه خطاوينا ونغوص في جوف السحر وعقولنا تهدينا وان كان طريقك حجر حتبشبشه إدينا ونرشه من دمنا من عندنا لسينا يا رنة الأجراس دقى وصحي الناس ملعون أبوك يا خوف بعد الشرف ما انداس

القاهرة ١٩٦٨

# سلام مربع

أول كلامنا وفتح الباب سلام مربع للطلاب يا فرحه هلت واحنا حزاني يا ميت حلاوه عليك يا شباب خمس سنين فاتت

كرامه " يوك " وعيشه مرار ولما حانت ساعة التار راجعين يقولوا ضباب وهباب

لكن يا مصر خلاص ما بقاش بكش أ

يعيش فيكي وبكّاش طول ما الشباب فاكر مانساش والثوره بتدق الأبواب

القاهرة ١٩٧٢

[ ٣٧٠ ]

#### یا مرحرح

يا مرحرح خالص مالص يا رقيق جداً وسمين ِ يا غصين البان يا لا للي یا خواتی على الطعمين يِا حَلُولاً ۚ يا ورده يا فُلَّة يا معشش في البساتين يابو شعر مسبسب سايح من صهد البريانتين يا منور في التشريفة ومضلم في التخمين یا ہو کرش مدور كور من لحم البنى أدمين

يا صباح الخير يا لفندي يا نهارك زى الطين يا مرحرح خالص مالص و لا سائل في التانيين مرعوب كده ليه يا حلاوه ومفاصلك ليه سايبين وتموت في الدبلوماسية وتخاف م الفدائيين وتشوف الحل السلمى في الراديو وفي الجرانين تتنهد من معاميعك وتقول قادر يا معين ما تصح النوم وتفوَّق وتشوف بتكلم مين الشعب بخبر يا مرحرح والناس كلك عارفين مين اللي خان بهيه ومین قتل یاسین

ومين بهدل بلدنا ومين ومين ومين ويا مصر يا أول صوره فى عيون المولودين ویا مصر یا آخر صوره في قلوب الميتين يا بلدنا يا بكره و لادنا يام الدنيا والدين يام الولدات المجدع والبنتات الطعمين يحرم إسمك علينا ونعيش متغربين لو سبنا الذل يدوسك أو عشنا مغلوبين ويا سينا أكيد جابينك

ناخد بتار پاسین

# أغنية هزار

عزوز النوز كوًا النوز مناخيرك مش قد الكوز مع ذلك دآيماً تتعارك مع نجمك مع إنه يجوز ييجي مرة يزرجن ويلبك على أم دماغك بالشوز حتبلضم حيلبك تانى ح تعيّط

وح حتفقع بوز ماتھونش علیّ یا روح قلبي أنا أصلي متيم وعجوز وباحبك أكتر من عيني وباعزك أكتر ما تعوز فحصالحك غُصنبن عن عيني تعزز تانی یا عزوز أزهق من عندك ورزالتك أنزل على " باتا " واجيب شوز

القاهرة ١٩٧٧

### رساله إلى السجن

حبيبي يا مجرم يا سافل یا دو ن يا رب السوابق يا رد السجون رزالتك معاهم ونمتك عليهم دا زائد جنانك ونعم الجنون جابولي وجابولك وياما يجيبو لنا لأن البلد دى حاكمها القانون توقع ما بيني وما بين الحكومة ؟! دي برضك حكومة

وأنا إيش أكون ؟ أديك رحت مورته وحتروح بشرطه وحيفسحوك في جميع السجون وأنا مش ح أزورك كما كنت فاهم ولا كنت فاهم ولا يحزنون

القاهرة ١٩٧٩

#### النيل عطشان

هربت هذه القصيدة من سجن الاستثناف إلى الرفيقات المعتقلات في سجن القتاطر

> النيل عطشان يا صبايا للحب والحنين والشط لانور ولانسمه ولاناي ولاعود ياسمين

يا شاهنده وخبرينا يا ام الصوت الحزين يا ام العيون جناين

يرمح فيها الهجين القناطير اليش لون سجن القناطير وايش لون السجّانين وإيش لون الصحبه معاكي نوًار البساتين كلك محابيس يا بلدنا وهدومك زنازين وغيطانك الوسايع ضاقت ع الفلاحين والدخان في المداخن لون همّ الشغالين

يا بنات النيل يا سبايا ف حبال الجلادين ما بقاش في زمانكم عنتر لكن فيه الملايين فارس محسوب الخطوه يتحرك بالقوانين

لحظة ما تحين الساعه يركب ضهر التنين ويحطم الحواجز ويفك المساجين

سجن الاستئناف ١٩٨٠

# حارتنا

[ ٣٨١ ]

حارتنا
مجاري وناموس
مرايه وفانوس
حجاره وكراسي
شباب ع المنو اصىي
ىقون ع الكروش
عرق ع القروش
شقوق في البيوت
بيوت في الشقوق
مساءً تموت
صباحاً تفوق
قديمه وغبيه
لبيه وصبيه
في ضيق خرم إبر
في غوط المحيط
<del></del>

على الذل صابره
دا صبر الغويط
أسانس البلاده
معسكر ولاده
خسيسه وجبانه
جريحه ومهانه
ما تسمعش ندهه
رنين الدفوف
بتاكل ولادها
حتولد ألوف
ما دام ضعنا فيها

حارتنا في الحواري علم على الصواري

لو قال فوقها الكناري تتهَّز المشربيه

سهر المسربية

يا حوش آدم
يا دارنا
يا ساكن حضن جارنا
سيدنا الحسين تبارك
شهيد الإنسانيه
مدد سيدنا وشهيدنا
يا قايل ومواعدنا
يكون عيدك
وعيدنا

يا حاره جوا حاره يا مجمع السهاري من كل حي حاره في الحضره الآدميه مدد أنس الحبايب مدد زين الصحايب

يا ساده يا موجيه

فيك العيدان هزيله شايله الحمول تقيله ولا باليد حيله ولا الأيام هنيه سيدنا الدردير يا بابا مدد يابو الغلابه فوق الحواري غابه بتمص الآدميه

صبُحك صبايا صاحيه هاللين من كل ناحيه مند يا سيدي يحيي توعدنا باللي هي يا حارتنا يام شيله هزى الهلال

وهيلا قدامك يوم وليله ع الفرحه والعيديه

القاهرة ١٩٨٠

#### غنوه للشباب

هللى يا شمس البشاير طابت وآن الأوان طلّي وحلي الستاير نور الأشاير يبان وارخي الضفاير مناير فوق الزمان والمكان مصر الشباب العزيزه قامت وكان اللي كان

مصر اللي خاضت ليالي بحر الضلام الرهيب تسهر عليها المبالي تزعق ولا من طبيب عرفت بلاها ودو اها

بعيون شبابها النجيب تسلم عيون الأطبا ويعيش حكيم الزمان

قال الشباب المداوي شقشق يا نور الصباح تظهر أصول البلاوي تطهر عيون الجراح يخضر عود الأغاني يسري العبير في البراح تسرح في مصر الأماني زي النشيد والأدان

مصر العلوم والصنايع والفلاحين والغيطان مصر الجنود بالمدافع متسلحين للميدان

مصر السلام بالمعارك يفرش يغطي المكان ينده يا شمس الحقيقه طلّي عليكي الأمان

معتقل القلعة ١٩٧٤

# شُقع بُقع

أنا الأديب ولا تعرفنيش نقرا لمي لكن ما تشوفنيش كلامي لا هو مدهون ورنيش ولا المعاني عليها غبار شقع بُقع يا ديل الفار

> يا شعب مصر يا خم النوم ما تفوق بقي وتشوف لك يوم الثوره قادت في الخرطوم وأنت اللي نايم بالمندار شقع بقع يا ديل الفار

> > يا شعب تور

داهيه تسمك وشيل أصول أسباب همك عصابه بتمص ف دمك والإسم قال ظباط أحرار شقع بقع يا ديل الفار

خُدوا الیهود غزه وسینا وبکره یبقوا وسطینا

وبالراديو هات بتغدينا خطب ونتعشى أشعار

شقع بقع يا ديلُ الفار

الشيخ إمام قال كلمة حق الست شمه

الست ثومه

قالت لك لأ وأبو النجوم على ودنه انزق في المعتقل والدنيا نهار شقع بقع يا ديل الفار

معتقل القلعة ١٩٦٩

#### هما مین

هما مين واحنا مين هما الأمرا والسلاطين هما المال والحكم معاهم واحنا الفقرا المحكومين حَزَر فزر شغّل مخك شوف مين فينا بيحكم مين

إحنا مين وهما مين إحنا الفعلا البنايين إحنا السُنة واحنا الفرض إحنا الناس بالطول والعرض من عافيتنا تقوم الأرض وعرقنا يخضر بساتين حزر فزر شغل مخك

شوف مین فینا بیخدم مین

هما مين واحنا مين هما الأمرا والسلاطين هما الفيلا والعربية والنساوين المتنقيه حيوانات استهلاكيه شغلتهم حشو المصارين حزر فزر شغل مخك شوف مينا فين بياكل مين

إحنا مين وهما مين إحنا قرنفل على ياسمين إحنا الحرب حطبها ونارها واحنا الجيش اللي يحررها واحنا الشهدا ف كل مدارها منتصرين أو منكسرين حزر فزر شغل مخك

شوف مین فینا بیقتل مین

هما مين واحنا مين هما الأمرا والسلاطين هما الأمرا والسلاطين والزفه وشغل البولوتيكا بما البركه في النياشين حزر فزر شغل مخك شوف مين فينا

هما مين واحنا مين هما الأمرا والسلاطين هما الأمرا والسلاطين هما بيلبسوا آخر موضه واحنا بنسكن سبعة ف أوضه هما بياكلوا حمام وفراخ واحنا الفول دوخنا وداخ

هما بيمشو بطيارات
واحنا نموت
بالأتوبيسات
هما حياتهم بمبي جميله
هما فصيله واحنا فصيله
حادي يا بادي يا عبد الهادي
يا للي عليك قصد الغنوا دي
يا احنا يا هما في الدنيا دي
حزر فزر شغل مخك
ميف مين فينا

الإسكندرية ديسمبر ١٩٧٧

# شُرُمْ بُرُمْ

أنا الأديب الأدباتي غايظني حال بلديًاتي وغلبت اوحوح وأهاتي لكن بلدنا سمعها تقيل الله الله يا بدوي هات الشخاليل

شرم برم والناس غافله والغفله ع الأفهام قافله والكدب لعلع في الحفله وأغلب السامر مساطيل الله يا بدوي دق الشخاليل

حالتنا ما تسرش إنسان

وحالنا يصعب ع الغلبان لكن يا خلق علينا لسان لو جريناه ع الصلب يسيل الله الله يا بلدي

يام الشماليل

\*
السوس نَخَبْ سقف العشّه
وعضمة الغنمات هشّه
عايزين صابونه ومقشه
وهات يا كنس وهات يا غسيل
الله الله يا بلدى
مشوارنا طويل

آدي العباره يا متولي وادي الصراحه اللي تمللي تمللي توجع وتتعب وتخلي وتخلي عرق الغضب

زلّومة فيل الله الله يا بد*وي* لم الشخاليل

القاهرة ١٩٦٧

### القضية

والقضيه
والجنايه
والجنايه
والفائله في الجونله
والمخدة في الملايه
والإداره بالشطاره
عالتكايا
والأمين مهلباتي
والأمانه مهلبايه
والإذاعه يا ضنايا
الف ليله وليله

ع الهوا

الحكايه والروايه

وتقول هوايا والمشايخ كل شايخ في الفساد يهدى الهدايه والقناعه للجواعي والبضاعه للهبايا! والبوليس في اليَغْمَه طايح بالطبنجه والعصايه دیب غریب من غير كمامه يهبش التوب والعبايه والقضيه يا قضايا بالمكايد و الوشايه دبروها وفصلوها بالمقاس لبست قفايا و العداله بالنداله

وهى جايه والحكايه والروايه والقضيه الجنايه الحكايه عايزه قعده والكلام ما لوش نهايه

عطلوها

الحكايه ان البلد مش ملك ناسها والخلايق في البلد مش مالكه راسها والبلد يا ولاد بلدنا مش عليله

اليلد

علتها جايه

من خرسها

شوف یا صاحبی ما انت شایف کل حاجه بس خایف الحقيقه بنت كلمه والكلام لازم يدور سندباد مواله عالى في المداين والكفور يسقى من بحر الحقيقه يسبح الإنسان في نور َ الكلام الكلام يكسر القيد واللجام الكلام الكلام يدفع الناس للأمام شوف یا صابحی قول كلامك

واستخبى في الزحام

والجنايه ان البلد من السكات بعضها راح لليهود والبعض مات واللى جابوا النكسه لسنه ع الكراسي والكراسي فوق ضهور المخلوقات والقضية في النهايه خدها منى ف كلمتين البلد مش عايزه قعده وكل منهو بفتوتين البلد عايزه المجاهده باللسان وبالإدين

كلنا ومن غير مُعاهده

للبلد علینا دین یکبسونا یحبسونا یضربونا کرباجین البلد سامعه وشاهده وکل خرم قصاده عین

القاهرة ١٩٦٩

## المدرس

احمد افندی محمد حامد عبد العال صاحب عیله جسیمه مراته وست عیال عنده اسم الله حسن وحسین وسعید ونوال والمقروصه نفیسه وقدَمُ الخیر .. وصال

احمد افندی مدرس عربی قدیم ومتین شکله تشوفه تقول علی طول

من أهل الدين شايل سبحه خشب البندق م الغاليين ساعه تلف يمين وسو اعى تلف شمال

غير السبحه طالعه زبيبه ف قورته كمان يعنى دليل على إنه بيسجد للرحمن هيبه وتقوى ومظهر ناطق بالإيمان ثم المشيه عليها القيمه وفيها جلال

احمد افندی ساکن شقه فی رابع دور بیت الحاج عویس ومراته الحاجه بدور كانوا حبايب قبل ما يتأتى المقدور ساعة نحس اتقلب البيت واتبُدَل الحال

> إين الحاج عويس كان عامل كوره شراب والعصرية نازل يلعب جنب الباب جاى بيشوط قام طارت فرده من القبقاب جت فى زبيبة احمد افندى ودمها سال

ضحكت عيشه مرات السقا وقالت يه ظاطوا عيال الحاره وقالوا الجردل الهه لحمد افندى فوتت عقله ما بقاش له

رقع الواد قلمين سخنين كوَمه في الحال

\* \* \*

صرخت نوسه مرات محمود عبد الجواد كبدى يا خويا كبدى يا خويا يا ناس دالراجل قتل الواد نزل السيد سالم يجرى وقال يا ولاد او عوا الراجل بغلت منكوا

ړومور اور اجل پخت مندو. دا موته حلال

\* \* \*

لحمد افندى زعق من تحت
وقال يا حسين
هات سكينه
ونزل اخوك ومعاك شومتين
نزلوا العيله
اشتغل الضرب شمال ويمين
والصوت لعلع

خش محمد مرسى يخلَّص فى الموضوع خد سكينه ف جنبه وكان عيّان موجوع وقع الأرض يئن وعينه تشر دموع وعينه تشر دموع هى ثوانى وطلعت روحه للمتعال

هاجوا العالم
والنسوان فقعت بالصوت
وامه تقول
یا حبیبی از ای دهولك الموت
واحمد افندی لم عیاله
وعلی برغوت
طلب النجده
من تلیفون عبده البقال

" وصل النجده لقى حوالين الجثة اتنين

**لقى حوالين الجثة اتنين أخته بتلط**م

وامه بتتمرغ في الطين سأل الظابط فين امال المتخانقين قالت نوسه من شباكها دَابو وصنّال طلعت هجمه ان شا الله ما حد يشوفها با ناس رز عوا الباب فشخوه اتين طار الترباس خبط الحلّه .. قلبها وساح منبها القلقاس عاص القله ولغمط وش البت نوال

احمد افندی وقف علی حیله وقال جری ایه انت ازای تتهجم کده علی بیتی یا بیه لاشه الضابط جریوا عیاله اتلموا علیه حسن اترمی علی ابوه واتشعلق فیه وصال المرابط للشرطیه بالتفیش واللی حیعتر فی السکینه جیبقی شاویش بعد ما لفوا اوضها ودخلوا وقالوا مفیش المح الظابط للشرطیه المح الظابط المحابط و الطابط المحابط ا

زغد المخبر قال له ازای بتقول فتشت جری من خوفه اتکعبل کوع جنب الطشت

دم مبقع جنب شوال

لحقه زمیله وقال جری ایه مالك طبشت ؟ قام مذهول مش قادر حتى يرد سؤال

مخبر تانی عشان موعود یترقی شاویش فرد المطوه و هَمْ یمزَع بیها الخیش و هَمْ یمزَع بیها الخیش أول خبطه اتخض وقال یا خبر ؟ دا حشیش دا حشیش احمد افندی وقع من طوله فَشَر تمثال

کانت نزله ان شا الله ما حد یشوفها یا هُوه احمد افندی

قفاه من حيل الضرب هروه أربعه منه شالوه وف قلب البوكس رموه ولم عياله تقول له يا سبع البيت يا غزال

ضحكت عيشه مرات السقا وقالت يُه ظطوا عيال الحاره وقالوا المجرم أهه احمد افندى فوت عقله ما بقاش له صار يلطم على وشه يقول حبسونى عيال

القاهرة ١٩٦٣

## أبوك السقّا .. مات

شیَّلنی و اشیلك دانا برضه فرحت لك

وانا بتاعك يا بيه واعرف المرنش المرارية

ما اعرفش ليه

\* \* \*

وكام عبد المعين لابد فى المسئولين وانا بتاع كل حاجه ودراعك اليمين

\* \* \*

وهتَيف الوزير وسواق المدير ومهماز المدام

ونبوت الغفير وفرّاش العياده وخدام السياده واللي من غير سناده يتعكز ع السرير ؟ وناس بدم ساقع واقفين ورا البراقع يميعوا المبادئ ويفسروا الشرائع وناس من خلف شيش خايفين من الشاويش سلبيه الميه ميه تعالى لأما اجيش

> دا كان كلام زمان ما يبقالوش مكان في مجتمع نضال

بيعجن الرجال
بالصهد والعرق
ولو حس بالألم
يوشوش القلم
يصرَّخ ع الورق
يقول كل الكلام
عريان
ما يزوقوش
ويوصف الآلام
للى ما اتألموش

أصل احنا شعب طيب و الطيبه فينا بلوى تاخدنا من قُريّب وتجيبنا كلمة حلوه كلمة حلوه

ولاً امسك النفير
يا البنت
يا الولد
يا المجدع الكبير
عارفين ماشيين منين ؟
والسكه السالكه فين ؟
مشوارنا
مش هوين
وما هواش بالقليل
مهما الخيال يزين
لسه الطريق

طويل

سامعين يا اهل البلد

في إيد اخوك عايزين همة رجال أبعد من المحال واسرع من الامل تزلزل الجبال وتفتح المجال للعدل والعمل ويطلع خير بلدنا على ذمة و لادنا وتبقى عيشه جنه وملو الصحن حنه على كفوف الصبايا واعيش واشوف ولادي ماليين عين الأعادي قايمين للعز رايه واقعد ويًا الصحابه ونقول على الربابه يا جيل الانجاز ات يا جيل المحظوظين

أبوك السقا .. مات من شرب المَّيه طين

القاهرة ١٩٦٦

#### المشوار

ياللي جيت من شط تاني حبتين ورجعت تاني رحت فین جيت منين ؟ حاجه يابا محيراني! إنت يوم ما جدى جابك من هناك جبت منین واما سبت الناس وغلب الناس وراك رحت فین عم عباس الغفير وسليمان عبد البصير و المحافظ و الوزير [ ٤٢.]

كلنا ماشيين طابور والقدر داير يدور بالكاسات بين المواكب ع اللي ماشي واللي راكب واللي ييجي الدور عليه يلقى كاسه بين إيديه واللي يشرب كاسه يطلع م الطابور واللي يطلع بيتاويه جوف القبور والقبور سعرانه لم قالت كفايه والقدر يسقى القلم دم الدوايه والقلم يكتب ويشطب واللى يشطب إسمه يشرب سخن بارد کله و ار د

#### مستحيل كائن حيهرب

رحت فین بایا وفين راحو اللي قبلك بعد مشوار العذاب ايه انكتب لك اللى راح قبلك ما جاش من يوم ما راح والحوانث والليالي تروح وترجع و الى جه بعدك بينده ع اللي راح بس فين هو اللي راح بشو ف ويسمع اللي راح ما جبش سيره و اللي جاي

غرقان في حيره

واحنا ماشیین فی المواکب زی قلعان المراکب قد ما یمیل الهوا بنمیل معاه لا قلنا لأه یا هوی ولا قلنا

القاهرة ١٩٦٢

#### اسكندريه

یا اسکندریه
بحرك عجایب
یا ریت ینوبنی م الحب نایب
تحدفنی موجه
علی صدر موجه
والبحر هوجه
والصید مطایب
أغسل هدومی
وانشر همومی
علی شمسه طالعه
وانا فیها دایب

کأنی فلاح من جیش عرابی مات ع الطوابی وراح فی بحرك

كأنى نسمه فوق الروابي م البحر جايّه تغرق في سحرك كأنى كلمه من عقل بيرم كأنى غنوه من قلب سيد كأنى جُو المظاهر ه طالب هتف بإسمك ومات معيّد كأنى صوت النديم في ليلك بيصحى ناسك يشدو احيلك كأنى طوبه من بيت في حاره كأنى دمعه في عيون سهاري كأنى نجمه فوق الفناره تهدى الحياري

والبدر غايب

یا اسکندریه يا مصر اويه على سن باسم على ضحكه هاله البحر شباك ومشربيه وانتى الأميره ع الدنيا طاله يا اسكندريه عاشق وبدي ارتاح في حضنك والود ودّى يكون كلامي عربون غرامي وبالمحبه ناخد وندي يا اسكندريه فيكى الغلابه على الرزق يسعوا ولا يناموش

[ 577 ]

صبح صباحهم رجع مساهم وزاد شقاهم وما ارتاحوش يا عينى ع اللي الزمان تعبهم وضاع تعبهم وما التقوش نزل شبكهم فی بحر طامی طلع شبكهم على فاشوش وفيكى بين البشر ديابه وفيكي فوق البشر وحوش وفیکی ناس مغرمین صبابه لو خان زمانهم ما بيخونوش

وفیکی خمری

سلمت أمرى ما اقدر اشوفه وما اغنيلوش

سمك يا بنى يا اسنكندرانى فى العشق واحد مالكش تانى سمك يا بنى يا اسكندرانى فى الحسن ساحر ومعجبانى

سمك يا بنى
والعشق غيّه
تبدأ بنظره
تبقى ملاغيه
وكل عاشق وله بهيه
وكل شاعر وله أغانى
وانا اللى عشق الصبايا كارى
أعشق واغنى
ما اقدرش ادارى

لو أى نظره بتجيب قرارى وايشحال عيونك يا الاسمرانى

يناير ١٩٧٦ الاسكندرية

#### یا نطره

یا نطرہ رُخی رخی علی شباك البت اختی والبت اختی سنیورہ شاغلہ الترترع القورہ

والقوره صوره وبرواز حواليها التاج الهزاز وخدودها فرط الرُمان ورموشها تفرش فدان يا نبت النيل شبابيكنا بتطرح مواويل في غيابك موسم واتنين نرويها بدموع العين

خطفوها الغربان السود دفنوها في الطين للدود

\* \*

يا نطره يا م مرايه هاتبي عيون القمرايه ر خيهم قطره قطره في عيون الحلوه الشاطره و الشاطر ه تغزل موال والموال يولد زلزال والزلزال ان ما هدمشي حيصتحي صحاب الشبابيك واللي يصحصح ما ينامشي شبابیکه حتضرب مزازیك طُنُّل طبل غناوينا زيحي الواغش م الطينه یا نطره رخی اسقینا انا وصحابي وبنت اختي یا نظرہ رخی رخی

### حنتوب

حنتوب لاندوب فى غرامك دوب يا بو خال ع الخد وشال ع التوب يا حرام يا ابو تيه ودلال دوبنا القلب ولسه يا دوب حنتوب

### بوتيكات

بوتیکات النّات کوا النّات وشقق مفروشه و عمو لات یا حلاه النّاوه کوا النّاوه یا بلدنا یا آخر فتاکات بوتیکات النّات کوا النات

شبیك لبیك فتح مخك لبیك شبیك غمض عینك حققل مخك ح نطخك و نطخك و نلوشك لو تفتح عینك و تعیش سلطان فی البرواز دا مش عاجبك فالجبنه الفازده والعیش والفول والكرات یا حلاوه الناوه كوا الناوه

یا بلدنا یا آخر فتاکات بوتیکات النات کوا النات -

مین فیکو ما یعرفش علیوه شیّال المینا الکحیان فی ثوانی اتموّل واتحوّل بقی مسیو علیوه علیان از ای ؟

اراى :
ما هى بوظه ومفتوحه
على حسن و لاد المفضوحه
وأرانب صاحيه ومدبوحه
تتأستك تبع البنوكات
يا حلاوه الناوه كوا الناوه
يا بلدنا يا آخر فتاكات
بوتيكات النات كوا النات

حتقول لی الفقرا ومشاکلهم دی مسائل عایزه التفانین وانا رأیی نحلها ربانی

ونموت كل الجعانين وبهذا ما حدش ح يجوع لو نعلن هذا المشروع و ح نقفل هذا الموضوع نهائياً ونعيش في تبات يا حلاوه الناوه كوا الناوه يا بلدنا يا آخر فتكات بوتيكات النات كوا النات

سجن الاستئناف ١٩٨١

### صابرين

صابرين على حكم الزمن بالبُعد عن صابرين الله عن صابرين الله الله وع الفراق صاحيين صاحيين الله النوى المناوي العصافير المال العصافير طايرين على وعد الأمل القرب يا صابرين

لو خدوا منى العمر شويه بس أشوفك ملو عنيه رى الشمس الدافيه الصافيه زى حلاوة النيل فى الميه لحضرا خضار القلب العاشق

سهمك راشق يا صابرين

يا صابرين والصبر تعبنا ضيع ويًا العمر تعبنا مُرّ الصبر ندوقه حلاوه ونمرمر بإدينا شبابنا المتى الحنضل يطرح غلّه الاف حواديت الصابرين!

ويًا الليل والوعده صباح لغت بينا الدنيا ودارت ولا صبحك شقشق ولا لاح سايقه التقل

يا صابرين أيوب

ما هو راح

وتقلك عاده

كده بزياده على العاشقين يا صابرين والعشق سبيلنا نمشى وناس تانيين تقابلنا نطرح نملا الدنيا جناين كل ما نعطش نلقى سبيلنا لقمه هنيه وعيشه مريه يتعوض صبر الصابرين يا صابرين

سجن الاستئناف 39۸۱

### جيل الجينز

الجينز الجينز الجينز الجينز ولقيت الك روحى ف قلب الجينز عصبى وقلقان الكن فرحان وكأنى لقيت مفتاح الكنز فليت البوت فمليت البوت وجيوب الجينز بالكنز الكنز الكنز

أنا جيل نفافيخ تنفخ صواريخ تصرخ وتحوم ع المريخ عينك وتشوف جينك وبشيخ جينه وبطيخ نازلين راكبين مارسيدس بنز والحقنا بياده يا جيل الجينز

بالبنز البنز البنز البنز

أنا أصلى مخاض جن وعفاريت وتاريخ متحنط فى التوابيت وساعات أحلام وساعات حواديت عن ست الحسن وسر الكنز مديت لك إيدى يا جيب الكنز والقى لك روحى ف قلب الجينز

الجینز الجینز الجینز الجینز سوبر مارکت مارسیدس بنز نفافیخ صواریخ مریخ بطیخ نطیت من حیرتی فی قلب الجینز

سجن الاستئناف ١٩٨١

یا عیون الشعر الصافی

یا بحور هایجین مایجین
ماشیین فی طریقك دایما
وح نفضل كده ماشیین
ع الدرب اللی انت سلكته
باللیل و الناس نایمین
وان كنا نقول ونجود
ونزود فی المضامین
بیكون الفضل لبیرم
أسس واحنا الطالعین
وح نرجع تانی نغنی
ونقول ویا الملایین
یا بهیه وخبرینا
ع اللی جتل یاسین

### الحمام

الحمام الإمرى صبّح ع البنانى قابل الصبّح المنورّر بالأغانى

> والمعانى الحلوه رنت فى الخميله الصاحيه غنت والقلوب القاسيه حنّت للأمانى

كنت فين يا فجر غايب كنت فين والسؤال ف عنيّه دايب دمعتين والساعات في الليل طويله ع السهاري في الخميله

والأغانى كل ليله ولسه تانى

# یا لیل یا عین

یا لیل یا عین ما اعرفش اکدب
وانا ح اکدب لیه
عدم المؤاخذه لا أنا باکتب
ولا أبصر ایه
ولا عندی نزعه رجعیه
ولا احتراف اشتراکیه
لکنی شایف بعنیه
یا فلاحین
یا صنایعیه
بر الأمان بان والمرکب
راح ترسی علیه
وانا ح اکدب لیه

# عيون الكلام

إذا الشمس غرقت

في بحر الغمام
ومنت على الدنيا موجة ظلام
ومات البصر
في العيون والبصاير
وغاب الطريق
في الخطوط والدواير
يا ساير يا داير
يابو المفهوميه
مغيش لك دليل
غير عيون الكلام

سجن القتاطر ١٩٧٠

# مر الكلام

مُر الكلام زي الحسام يقطع مكان ما يمر أما المديح سهل ومريح يخدع صحيح ويغر والكلمه دين من غير إدين بس الوفا ع الحر

القاهرة 11هـ ا

# على رأي المثل

ان قلت كلمه لم تخاف وإن خفت كلمه لم تقول كلام تقيل ، على الخفاف والفهم لصحاب العقول مافهمتنيش شد اللحاف ونام وسيب النوم يطول وبوس إديك وكلها حاف والصبر برسيم العجول تاكل شمال تشيل كتاف يعرض قفاك

واصبر تنول ولما تفرج بالكفاف تهيص وتملا المخله فول على رأى المثل

### موال الفول واللحمة

عن موضوع الفول واللحمه صرّ ح مصدر **قال** مسئو و ل إن الطب اتقدم جدا والدكتور محسن بيقول إن الشعب المصري عموماً من مصلحته يقرقش فول حيث الفول المصرى خصوصا يجعل من بني آدم غول والبروتين الكامن طيه نلار زیه فی أیها فول تاكل فخده في ربع زكيبه والدكتور محس مسئول يديك طاقه وقوه عجيبه تسمن جدا

تبقي مهول لحمه نباتي و لا في الحاتي تاكل قدره تعيش مسطول

ثم أضاف الدكتور محسن إن اللحمه دي سُم أكيد بنزود أوجاع المعده وتعود على طولة الإيد وتنيَّم بني آدم أكتر وتفرقع منه المواعيد واللي بياكلوا اللحمه عموماً حيخشوا جهنم تآبيد

يا دكتور محسن يا مزقلط يا مصدر يا غير مسئول حيث أن انتو عقول العالم والعالم محتاج لعقول ما رأي جنابك وجنابهم فيه واحد مجنون بيقول

إحنا سيبونا نموت باللحمه وانتو تعيشوا وتأكلو الفول ما رأيك يا كابتن محسن مش بالذمة كلام معقول

### الشواعر

قرينا الشواعر
ودقنا الشواعر
مشعرر مبعرر وجاعر وناعر
وطور دنجلاوي
بيحرت غناوي
تجيب الأبيج
وتمنع بلاوي
جميع البلاوي استدلت علينا
وجونا الغوريه
وشفنا بعنينا
ومصر اللي تشهد علينا
قليل اللي منهم
يهز المشاعر

#### الصمت

سكات سكات سكات حواديت ورا السكات مليان كلام لكني لخرس من السكات

سكات سكات سكات مات الكلام وبات جدار لألف دار يبادلوني السكات

سكات سكات سكات لكن لسكاتنا معني أنطق من الكلام

وكل من سمعنا يفهمنا بالتمام وحق من جمعنا لينطق الكلام ويقول الصمت مات ويصرخ في السكات سكات سكات

### الليندي

سلفادور الطيب
مات
ودر نفسه
بطيبه غريبه
لما اتلخفن فى العلامات
شوف مع إنه بيقرا وفاهم
صح السكه والإشارات
من دون بوصله
ولا استشارات
دهسه المترو الغول الوارد
من أمريكا بالدولارات
سلفادور الطيب

# الشركسي

یا شرکسی یا أبو بندقیه لا دین لا ذمه کرباج في ایدك والناس عبیدك والفرده حتى ع الجلابیه

ألوف بطيري ويلوف بغيري يا شركسي يا للي كلت خيري شافط عرقنا كاشف ورقنا

والله وسرقنا یا مصراویه الشرکسی أبو بندقیة

الصبر طيب والصبر طيب واصبر وصبري دايماً يخيب سنين طويله فاتت لاحيله والعمر غيله ضاع من إديه

### یا مصر

فلاحينك هما هما فلاحين رمسيس وخوفو فلاحين رمسيس جيش لا عيش ولا زمزميه في الهجيره تبل جوفه المرض للموت يجره وهو ماشي يجر خوفه أعمي سالك سكه عتمه خطوته على قد شوفه

معتقل القناطر ١٩٧٠

#### دعوه

يا خالقنا وعالم بلاوينا يا رازقنا وحاسب خطاوينا نسأل فضلك من إحسانك يظهر عدلك وبسلطانك يظلع فلاح من وسطينا يزعط افندينا وحرامينا

# سبحانك

سبحانك سبحانك ما أعظم سلطانك يا رب الأكوان يا مسخر بالقدره المية و الخضره سواسيه سواسيه و اخوية لجميع البشرية من كل الألوان الميدانك!

القاهرة ١٩٦٨

1

- A.

3

## عدى الهوى

عدّی الهوی عدّی میل هنا و هدا میل هنا و هدا ردوا علیه قلبین قلبین و انا منهم قلبین و انا منهم قلب انکوی و لا تاب و التانی حن و داب و بعد صبر سنین طلع الهوی کداب لا جاب و لا و دا عدّی الهوی

معتقل القتاطر ١٩٧١

### عشق الصبايا

شوف الحكايه يا وله شوف الحكايه عشق الصبايا يا وله طول معايا منهم هنايا يا وله منهم أسايا وهما جرحى يا وله وهما دوايا

زرع الوداد على غير ميعاد بقى شغلتى أزرع وابيع قبل الربيع من جنتى واحلف ما اتوب وان شا الله ادوب فى محبتى

والصبر طیب یا ہوی صبرك معایا

حبیت سواد العین سنه ونسیت صباحی وغرقت فی لیل الضنی عطشان وصاحی ولما بان ورد الشفایف لون جراحی طاوعت قلبی ورحت له و الشوق و رایا

لو ألقى خلّ يبات وَفى يصبح مراعى لا طوى المداين ع القدم وامشى له ساعى وافرد قلوعى يا وله واركب شراعى

أنا وحبيبى فى الهوى على هوايا شوف الحكايه!

### یا حبایبنا

یا حبایبنا فین .. وحشتونا اسه فاکرینا ولا نسیتونا دا حنا فی الغربه م الهوی دبنا جوا فی قلوبنا جوا فی قلوبنا اینا تبنا مهما فرقونا ولا بعدونا یا حبابینا

### ساعة العصارى

ساعة العصارى يا نسايم والبحر نايم والبحر نايم وانا هايم ماشيه الحليوه وخلخالها يحكى الحكايه اللى ف بالها يا بو البنيه صبرك شويه وادى الكحيله لخيالها

البنت قالت أشوف بختى وكفايه فى الحب مناهده واعرف نصيبى عشان ياختى عشان ياختى يطمن القلب ويهدا قال الودع لما حكى لها

على الحكايه اللى ف بالها يادى الصبيه صبرك شويه وادى الكحيله لخيالها

والحلوه قالت يا نصيبي هات العدل ولا تستعجل دا العمر مهما حيمشى بى تروق وتحلا وتتعدل والحره تلبس خلخالها يا ابو البنيه صبرك شويه وادى الكحيله لخيالها وادى الكحيله لخيالها

#### هلا بالحب

هلا بالحب یا لمه هلا به یصبی القلب ویخلیه صبابه یدوس ع الشوك ویوصل للأمانی ونرجع للهوی بعد المتابه

هلا بالحب يا لُمه سفاين عليها الحنه من خضر الجناين تجوب البحر وتطوف ع المواين تلمّ الشمل

ويزيدوا الصحابه

هلا بالحب يا لمه حمامه تشيل الشوق على جناح السلامه

وترسم للهوى مليون علامه فى ضى النجمه وف طى السحابه

هلا بالحب يا لُمه سواقى تصب الغنوه تسرح فى المساقى أدوق واسقى حبيبى واللى باقى يكفى اللمه ويفيض ع الصحابه

هلا بالحب يا لُمه يجينا يزود حينا أنوار وزينه هلا بالحب يجرحنا يداوينا

همر بالحب يجرحنا يداو ونرجع للهوى بعد المتابه

#### عطشان

عطشان یا صبایا وأنا عاشق ع السبيل عطشان و الميّه ف بلدي على عكس ما يجرى النيل والنخل العالى مطاطى والجذع الواطى ذليل والريح العاكس كابس والريح العاطي بخيل والنسمه اتعكر لونها من هم الناس يا خليل عطشان والنيل في بلدنا والزرع اخضر وجميل

وانا کنت امبارح خالی والیوم دا صبحت علیل

عطشان

ودوایا حبیبی یسقینی العشق دلیل ودلیل الحب عمایل وکلام الحب دلیل

وانا كل ما اقول النوبه تغوينى المواويل تطرح فى القلب جناين تقس فيها الزغاليل

\* عشاق يا حمام الغيه

و لا فيش قدامنا بديُّل

سکه ومحسوبه علینا نطویها جیل ورا جیل

ع الشوك نفرد خطاوينا في الليل تضوى القناديل حوالينا قلوب حبابه ومعانا العقل دليل والشمس تصب صبابه والمنبع نهر النيل وان لاموا علينا يلوموا ما لهمش علينا سبيل ما هو شوك العشق ملامُه والشوك في الورد أصيل ودوني ع السبيل

القاهرة اكتوبر ١٩٧٣

#### يا خواجه

يا خواجه يا ويكا .. يا خواجه يا بتاع أمريكا .. يا خواجه با حرامي العامل .. با خواجه جوا الفابريكه .. يا خواجه با بو عقل محجر .. يا خواجه وسرير هزاز .. يا خواجه إسمع يا سي بعجر .. يا خواجه يا حرامي الجاز .. يا خواجه تعرف ماتهوب یا خواجه خطوه الناحيه دي .. يا خواجه راح نكسر رجلك يا خواجه والظالم بادي .. يا خواجه وحنمسح خبرك .. يا خواجه مسحه بأستيكه .. يا خواجه ونقول على قبرك .. يا خواجه دقی با مزیکه

#### نيكسون

شرفت یا نیکسون بابا یا بتاع الووتر جیت عملولك قیمه وسیما سلاطین الفول والزیت فرشو لك أوسع سکه من راس التین علی مکه و هناك تنفد علی عکا ویقولوا علیك حجیت ما هو مولد سایر دایر شیلاه یا صحاب البیت

جو اسيسك يوم تشريفك عملولك دقّه وزار تتقصع فيه المومس والقارح والمندار

والشيخ شمهورش راكب ع الكوديا وهات يا مواكب وبواقى الزفه عناكب ساحبين من تحت الحيط واهو مولد ساير داير شيلاه يا صحاب البيت

عزموك فقالوا تعالى تاكل بامبون و هريسه قمت انت اكمنك مهيف صدقت ان احنا فريسه طيب لحقوك بالزفه هات وشك هلت وشك شويش من صاحب البيت واهوا مولد ساير داير شيلاه يا سى صاحب البيت شيلاه يا سى صاحب البيت شيلاه يا سى صاحب البيت

خُد منی کلام يبقى لك ولو انك مش ح تعیش لاح أقول أهلاً ولا جهلا ولا تيجي و لا ما تجيش بيقولو اللحم المصرى مطرح ما بیسری بیهری ودا من تأثير الكشرى والفول والسوس ابو زيت واهو مولد ساير داير شيلاه يا صاحب البيت

#### موسم الحرايق

(۱)
رئيس مجلس إدارة شركة نصر
لسرقة مصر – إسرق واحرق –
يتوجه وبعون الله
وبنفس التكتيك
إياه
يدخل ع المصنع هواه
ويمارس ملعوب العصر
إسرق واحرق

(٢)

سريقه سريقه سريقه سريقه

سرقوا المصنع

حريقه حريقه حريقه

حرقوا المخزن

سريقه حريقه حريقه حريقه سريقه سريقه سريقه سريقه حريقه سريقه سرقوا القوت والنور والقدره حرقوا الأرض البور والخضره مين يا ولاد في الدنيا يصدق خايف قال مالبيت النايم يصحى ويكشف سرقة زيته اللي سرقها واللي حرقها بكره صاحبها ح يخرب بيته

#### الحمد لله

الحمد لله خبطنا تحت بطاطنا يا محلا رجعة ظباطنا من خط النار يا أهل مصر المحميه بالحر اميه الفول كتير والطعميه والبرّ عمار والعيشه معدن واهى ماشيه آخر أشيا ما دام جنابه والحاشيه بكروش وكتار ح تقول لى سينا وما سيناشى ما تدوشناشي ما ستميت أوتوبيس ماشي

شاحنين أنفار ایه یعنی لما یموت ملیون أو كل الكون العمر أصلامش مضمون والناس أعمار إيه يعنى في العقبه جرينا و لا ف سبنا هى الهزيمه تنسينا إننا أحرار! إيه يعنى شعب ف ليل ذله ضايع كله دا كفايه بس أما تقول له إحنا الثو ار الحمد شه و لا حَو لا مصر الدوله غرقانه في الكنب علاوله والشعب حمار وكفايه أسيادنا البعدا عابشين سعدا

بغضل ناس تملا المعده وتقول أشعار أشعار تمجد وتماين حتى الخاين وان شا الله يخربها مداين عبد الجبار

القاهرة يونيو ١٩٦٧

# ملاّح الغناوى

ملاح یا اسمرانی
یا معدی البحور
موالک سبانی
ومشیت ع الجسور
ومعاک الغناوی
ابدر حبّه حبّه
ویطوف بالمداین
عصفور الجناین
یرمی الحب حبّه
یرمی الحب حبّه
فی قلوب الأحبه
تخضر المحبه
وتفرع غناوی

#### شال الهوى

شال الهوى بينا حط الهوى تانى واحنا والسفينه فى بحر الأمانى عمى يا للى ماشى ع الشط القريب قول لي وإنت ماشى لأه ولا طيب حبى راح ما جاشى مش حييجى تانى ؟

> شال الهوی شاله بان المستخبی شاف قلبی ناداله یا عینی یا قلبی

حط الهوی شاله
خبّی السحر عنی
هو الهوی ماله
دایر باله منی
کل ما یلاقینی
ائسوف عینه تراعینی
کأنه بینادینی
شال الهوی بینا
حط الهوی تانی

شال الهوى شيله حط الهوى حله هما يوم وليله كان فرش وغطى شال الهوى بيًا من بين الحبايب حط الهوى بيا وأنا قلبى دايب

والتقتنی ماشی أدور ما التقاشی واللی راح ما جاشی فکرنی ونسانی شال الهوی بینا حط الهوی تانی

جینا عطشانین
یا عشاق بلدنا
یا ولاد الغرام
لا رحنا استفدنا
ولا جینا بسلام
خدنا الهوی رحنا
ولحنا زی ما احنا
ورجعنا بجراحنا

شال الهوى بينا رحنا عشمانين حط الهوى بينا

شال الهوى بينا حط الهوى تانى

معتقل للقتاطر ١٩٧٠

### عصفور وصياد

يا صياد الطيور يا خال صباعك عن زناد الموت بنا عصفور ضعيف الحال ولاً اكفيش عيالك قوت أنا العصفور أليف الخضره والميه أنا المولود على كفوف الجناينية باقول تغاريد نغمها جديد على السامعين بمعنى قريب ومعنى بعيد وتوريّه طويت الجو بجناحي

وانا حاير
وصحيت في الهوا جراحي
وأنا طاير
ورحت بعيد مع النسمه
وشفت كتير من القسمه
ولما الدنيا تبكى لي
باقول ومسيرها مبتسمه
وطرت كتير على دا الحال
وشفت الحلو والبطال

باشوف الصقر فارد فى الفضا باعه وأتباعه نشرهم ع الشجر ضاعوا طيور تانيين صغار مساكين حواعى لكين جواعى لكين دوام صاحبين ومش قادرين الأطماعه

عشان نابه ومخلابه ومنقاره باشوف الكل أحبابه وسمّاره ودنيا تخاف من القوه وجو الدنيا مش هو واشوف بلبل غريب في الدوح! بيرقص رقصة المدبوح بهفة ريح سقط عشه حيشكي لمين وفين حيروح ! وادى له سنين على دا الحال يقاسى الحلو والبطال يا صياد الطيور يا خال يا صياد الطيور حافظ على الخرطوش دا ميت عصفور كمان زيى ما يستاهلوش هناك الصقر لو تضرب على وكره تلاقى اللحم مكتوم ولا بياكلوش يا صياد الطيور فكر وشوف لك صيد

# عم السيد

عم السيد	•
سید لیه ؟	
کل ما یمشی یلاقی جنیه	-
يعمل إيه	
زى البرق يدسه ف جيبه	-
طب ما يجيبه وياخد بيه	-
ياخد إيه	-
ننقش له الورد ف منديله	•
ودا بیشم	-
نعصر له الورد ونسقى له	•
شرب السم	-
طب أحسن حاجه نغنى له	-
تُرَا لُرَا لَمْ	•
فرخة خالتى مباركه	-
مالها	-
[ ٤٩١ ]	

- فيها الخير والبركه
  - ليه
  - تزمط كل أدان
    - ايه
  - بيضه ورا اللقان
    - هیپیه
- خالتی مبارکه تاخدها
  - هيه ؟
  - وتطير ع الدكان
    - لبه ؟
- تقضى المونه و الكمونه
  - والينسونه والدخان
- نعمه جزیله یا حاجه مبارکه
  - فرخه وفيها الخير والبركه

# جوازه

شعبان البقال عقبال الأنجال اتوظف واتنظف واتعدل له الحال

من بعد الجلابيه والفوطه الدبلان فى رقبته المهريه من هبش الأكلان والدوخه الأزليّه والنوم فى الدكان بقى صاحب عربيه وعماره وسكان

تلقاه للصبحيه سهران ع الكونكان وينام للعصريه كبقيت الأعيان وسألت الخضرية وبتوع الدخان ع الحكمه الإلهيه في نظافة شعبان وعرفت ان أخانا شعبان بن بهانه إتجوز فنانه واتعين فنان !

القاهرة ١٩٦٦:

## الليل عجوز

الليل عجوز أطرش بلسوعه صوت النفير ويموت بضربة شمس عيان وفى النزع الأخير واسه بيهلوس كتير ويعيد حديث الأمس يا ليل يا عين كل الجراح يا ندب ف جبين السما الأمس فين الأمس راح الأمس كان

لكنما

نزلت كرابيج الصباح زى القضا لحظة قدر

تنقش على جبين البطاح

طريق

خلاص كل البشر

# ع المحطة

غ المحطّة ع المحطة واللى شفته ع المحطه واللى شفته ع المحطه طلعت الخفّه ام شنطه سلم الأوتوبيس بنطه حتّه مُلعب والأكاده في القوام والحسن بطه بطه

هی خشت درجهٔ اُولی والکراسی بقت منطه سابوا تانیه

و غلب تانيه والقطيع على أولى خطى اللى يهبش فى الجونله واللى يعلا واللى يوطى

بص واحد م اللى هما دمهم فلفل وشطه شاف صناعيى فى البريمو فى البريمو قال له خش هنالك يا أسطى تانية أنسب للى زيك دى الحقيقه بلاش مغالطه دى الحياه تحب المباسطه وانت شايف مش مغمض حاجه ملبن حاجه قشطه حاجه قشطه

و لا یعنی الکون ح یخرب لو فقیر یلهط له لهطه

## نویت اصلی

نویت اصلی
نویت اصلی
نویت اصلی
خویت اصلی صرصور دخل لی
هرش لی مخی
قعدت افلی
خربوش خرابش
صرصور مهابش
وفضلت اهابش ما حد دللی
من تحت باطی
ولا قدرت اطاطی
حیران یا حالی
سهران لیالی

وسنين بقي لي مربوط في ضلي وسألت قال لى شيخنا المصلى إركع تراتا أسجد تركلي يا رب يا للي يا رب يا للي زرعت عودی سارح تمللی وعدلت ضهرى علی سرج مهری وطبعت زهری علی خد خلی وحياة ما عشقى متعب ومشقى مهمن جرالي مهمن حصل لي لا وهب حياتي واوصل صلاتي [0.1]

والآتی آتی فی یوم تجلی

### على حسب وداد جلبى

على حسب وداد جلبى
ومزاح البلديات
أبعد م الشين
واتآخر
واتآخر
ملامات
على حسب وداد جلبى
على حسب وداد جلبى
أنا أبوى النيل
سوانى
ممصوص
وخشن من بره
ورى الطينه الأسوانى

والخضره ف جلبي وجلبي

دایما علی طرف اسانی ولسانی حصانی رمانی وتعبنی کتیر و أذانی یاما جابنی ویاما ودانی من جوله فی الحکایات علی حسب وداد جلبی

على بحر النيل يا جناوى ضلاله وجلة ميه وناسات ع يجولوا غناوى ع تخلى اللجمه هنيه وشطوط مزروعه غناوى وغيطان ألحان مرويه والزين يغزل مواله من كلمة عمه وخاله وإنا زى ناساتى ما جالوا على حسب وداد جلبى على حسب وداد جلبى

### الممنوعات

ممنوع من السفر ممنوع من الغنا ممنوع من الكلام ممنوع من الاشتياق ممنوع من الاستياء ممنوع من الابتسام

> وكل يوم فى حبك تزيد الممنوعات وكل يوم باحبك اكتر من اللى فات

حبیبتی یا سفینه متشوقة وسجینه مخبر فی کل عقده

عسكر في كل مينا يمنعني لو أغير عليكي أو أطير الميكي واستجير بحضنك أو أنام وقلبك الربيع أعود كما الرضيع بحرقه الفطام

حبيبتى يا مدينه متزوقه وحزينه فى كل حاره حسره وفى كل قصر زينه ممنوع من إنى أصبح بعشقك .. أو أبات ممنوع من المناقشه ممنوع من السكات

وكل يوم فى حبك نزيد الممنوعات وكل يوم باحبك لكتر من اللى فات

## صبر أيوب

عليل وصف علته قال له الحكيم هو داء الغرور في البشر خلا النفوس هوه خلا النفوس هوه طبيب وجاى يسعفه صابه الغرور هو ترك أصول حرفته وانساق ورا القوه كاد العليل ينقتل قام قال له إيه هو يا مسأسا الصبر فوق الجرح من بره الجرح يا عم الجرح يا عم

فين آخر الصبر يا شيخ أيوب ولإمتى الحر يبات مغلوب الحو ضباب الوقت غروب الباب موروب الحرب الحرب الحرب والمضرب الحرب سبيل والمضرب المضرب المضرب المضرب المنار والعار المعدو الدار والعار والعار والعار والعار والعار والعار والعار

كان جدى كبير السن وكان بيقوللى كلام زئّ القرآن الحق عجوز وقديم ويغر لكن مايموتش وله طلاب

والتار قنطار فوق كتف الحر والصبر ف وقت البلوى عذاب والعزم صديق في الوقت المر ولا غير العزم تلاقى صحاب والأرض براح و ان داسها الذل تضيق بالناس والخضره تموت ويعربد فيها البوم أجناس و لا تبقى حياه و لا بنقى نظام و لا خطوه تسير بالناس قدام و لا تعرف بكره حبيجي بايه و لا تفهم معنى لأى كلام

ونلف نلف وبرضه نقول الحرب سجال داير على طول والسكه أمل

والنيّه عمل
والجهد حياه
والراحه شلل
يا زنود الناس الشغاله
ملعونه الراحة ف خط النار
للنصر عروسه يا رجاله
لكن ممهوره بالإصرار
التار يا عروبتنا
التار فوق رقبتنا
قنطار
وخلاص الشعب الحر اختار
الحرب الحرب الحرب

# الغربة

باغربه روحي روحي لا تحطى على سطوحي وسطوحي يطلع فدان والفدان يحتاج مروى والمروى عرق الإنسان والإنسان يحتاج ثروه والثروه ف غيط الفلاح والعامل صاحب المفتاح والمفتاح يفتح جنه والجنه فيها الحنه یا حنه یا محنیه عشقوكي الجناينيه زرعوكي خضرا خضرا م البدره للقطفيه

وعجنوكى حمرا حمرا السمرا والخمرية والسمرا طرحت بستان والفستان الفس فستان المساقه طاقه الحمر أخضر يا رفاقه من كل الناس والأجناس والحنه واقفين حراس والحنه على سطوحى يا غربة روحى روحى

# كلمتين لمصر

کل عین تعشق حلیوه وانتی حلوه ف کل عین یا حبیبتی قلبی عاشق قلبی عاشق واسمحی لی بکلمتین با مصر یمکن کلمتین یا مصر یمکن هما آخر کلمتین حد ضامن حد ضامن او مآمن یمشی قبن ؟ او مآمن یمشی فین ؟

شابّه يا ام الشعر ليلى والجبين شق النهار والعيون

بحرین آمانی
والخدود
عسل ونار
واللوالی فی ابتسامتك
یحکوا أسرار المحار
یا للی ساکنه القصر عالی
امتی یهنا لی المزار
کلمینی یا صبیه
طال علی الانتظار
کلمتین یا مصر یمکن
هما آخر کلمتین
یمشی آمن
یمشی آمن

قصرك المسحور غيلانه أغبى من دود الغيطان بعد مص الغصن لاخضر ينحتوا عضم العيدان

واللى خلاً الأرض خضرا واللى خلاً الدار أمان عاش بجوعه ملو جوفه مات بخوفه م الغيلان روّح الغلبان ما قالشى عن شقا العمر اللى كان كلمتين لمصر يبقوا هما آخر كلمتين حد ضامن يمشى آمن أو مآمن يمشى فين

آدى كلمه من عذابى قلتها لك باقى كلمه من عذابى قلتها لك من حنينى صنتها لك فى الضلوع من دنيا ظالمه كنت خايف يلمحوها يقتلوها ف سكة ضلمه شقشقت والنور بشابر

زهرة الصبار يا سلمى
يا نسيم الشوق يا طاير
خد لمصر الصبح كلمه
طول ما يبقى الركب ساير
بالبصاير والعنين
يبقى ضامن
يبقى شايف
يبقى شايف

سجن شبين القناطر ١٩٧٣

### الحاوى

توت حاوی حاوی توت خش اتفرج هرج فوت زاحم لاحم عارك إضرب ناضل فاضل خطوه وتقرب الحق نفسك قبل ما يلعب وامسك نفسك جوه الملعب دانت ح تضحك لما تموت توت حاوی

> توت حاوی سبع مرات لعبه جدیده

يا حضرات ئق الفول ويا الكُرَّات هات الشطه والبهارات شخبط لخبط حضر طاسه وكُب الزيت ولَّع طَلَّع ريحه مريحه ف جو البيت

> ح تلقی عجینه عجیبه متینه لا تقول تینه و لا بروتینه کُل یا صنایعی کل یا فقیر

> ص یہ حیر کل ما ہو لسّه الفول قناطیر آہ یا سلام لو عود جرجیر تفضیل تاکل لما تموت توت حاوی

> > توت حاوی حاوی توت خش انفرج هرج فوت توریخ نام مر

قَعْده فكيهه حَتَسْمَع فيها

حاوی توت

حكاية البيضه والكتكوت يُحكى أنَّ ولازم يحكى الله وكان ياما كان قبل الجنه كان فيه بيضه وفرخه كمان كان فيه بيضه وفرخه كمان دبحوا الفرخه طبت سارخه قامت البيضه طقت شارخه طقشت فقست فرخ فصيح يدِّن ويهال ويصيح حتى ان كان على وش دبيح يفضل يدن لما يموت توت حاوى حاوى توت

سحر مفیش دا کلام تهویش نَفَّضُ مُخك یابو درویش کل ما فیها الدنیای دی فیها ناس بتبکش لجل تعیش

حابس حابس عفریت کابس ینزل قالع یطلع لابس واللی بیرقص واللی بابرہ بیفحت بیر واللی بینفخ فی المزامیر یفضل ینفخ لما یموت توت حاوی

# كلام المصطبه

بعد السلام والمرحبه
یا و لاد بلدنا یا طیبین
نفرش کلام المطبه
واضع لکل السامعین
مصر الحبیه الطیبه
أم البنیه والبنین
اشحالها فی عز الصبا
واشحال و لادها المخلصین
وسط العواصف مرکبه
بین ریح شمال
وریح یمین

جابوا الطبيب ابن الحلال كشف ما خاف

وشاف وقال أهل البصيره فى البلد جواب لكل السائلين

> قالوا البلد عايزه ولد

یاخد بتار المظلومین ولد یعوض اللی راح ویعلا فوق کل الجراح

ر. ويمد إيده في الضباب يشد أنوار الصباح

فيكم ولد يا سمعين ؟أجدع ولد

- طب هو ً فين ؟

- و هو مين - ا الد

- إبن البلد

يا بن البلد يا بن البلد

الوقت وقتك يا ولد يا قلب مصر ونبضها يا بن البلد

. . . **.** 

يسرى بطولها وعرضها يا بن البلد يا صبحها يا بن البلد يا ربحها با بن البلد يا قمحها يا بن البلد يا رمحها يا بن البلد يا نور سماها وأرضها يا بن البلد يا بن البلد الوقت وقتك يا ولد آدى كلام المصطبه يا و لاد بلدنا يا طبيين بعد السلام والمرحبه واضح لكل السامعين

## عيد الآس

في عيد الآس یا رب الناس أشوف الورد متقطّر ودايب فوق خدود الناس تشمه النسمه تتعطر بأنفاس الورود والناس يا رب الناس واشوف النيل بيتمخطر دهب سايل نغم للناس يصب الغنوه في العالى يفرَّع منها ميت موال يقول عمى يقول خالى

وينساب الكلام سلسال أنا الياسمين لناس باسمين قلوبهم فل لا نار و لا غل ما دام عايشين وفي البساتين جداول قمح بتدى الكل أنا الياسمين أنا الياسمين

ويتمد البساط سندس يشيل القمحه والنرجس ونبدر يطلع النوار وموال الكلام دوار ما بين الناس يا رب الناس

ونكتب ياما ونسطر كلام الناس لكل الناس وتسرى الكلمه وتعطر نسيم بلدى عشان الناس يشموا الورد متقطر ودايب فوق خدود الناس فى عيد الأس

1978

## الأولة بلدى

الأوله بلدى و التانيه بلدى و التالته بلدى

الأوله بلدى باسلطن جو موالى والتانية بلدى باقول الكلمة بالعالى والتالته بلدى يا كنزى وعزوتى ومالى الأوله بلدى بسلطن جو موالى ودا الموصوف والتانية بلدى بقول الكلمة بالعالى وع المكشوف والتالتة بلدى وعزوتى ومالى وملو الشوف يا كنزى وعزوتى ومالى وملو الشوف الأوله بلدى بسلطن جو موالى ودا الموصوف دوا العيان

والتانية بلدى باقول الكلمة بالعالى وع المكشوف وفى المليان والتالته بلدى يا كنزى وعزوتى ومالى وملو الشوف أوانك آن تحدى الحد يا بلدى ما بين الحق والبهتان ورايتك تعلا يا بلدى ودا الموصوف ودا الموصوف والأوله بلدى والتانيه بلدى والتانيه بلدى

# بقرة حاحا

ناح النواح والنواحه على بقرة حاحا النطاحه والبقره حلوب حاحا تحلب قنطار حاحا لكن مسلوب حاحا من أهل الدار حاحا والدار بصحاب حاحا وحداشر باب حاحا غير السراديب

وجحور الديب حاحا وبيبان الدار حاحا وقفين زنهار حاحا وف يوم معلوم حاحا عملوها الروم حاحا زقوا الترباس حاحا هربوا الحراس حاحا دخلوا الخواجات حاحا شفطوا اللبنات حاحا

حاحا

والبقره تنادى حاحا وتقول يا ولادى حاحا وولاد الشوم حاحا رايحين في النوم حاحا البقره انقهرت حاحا في القهر انصهرت حاحا وقعت في البير حاحا سألوا النواطير حاحا طب وقعت ليه حاحا وقعت م الخوف

حاحا والخوف بيجى ليه حاحا من عدم الشوف حاحا وقعت م الجوع ومن الراحه البقره السمرا النطاحه ناحت مواويل النواحه على حاحا وعلى بقرة حاحا

### القاعل

دللي الشيكاره جنب الشكياره واجعد يا حنفي ولع سيجاره فكر شويه فى العيشه ديه إيه الجضيّه إيه العباره من صنعر سنى شجيان لكنى مالَطَ سنّى غير البصاره ودخلت حاره من جوّه حاره وف كل حاره

علیت عماره وسط المعاول بنا ومناول بس المجاول کلنی بشطاره ولا خلال صره ولا لُجمة حره والعیشة مره

# الربيع

يطوف الربيع صغير بديع وينهى المطاف إذا العدل طاف وشاف الجميع

تعيش الزهور إذا الدنيا نور وتملا الخمايل وتطرح موده عدد كل ورده وتعمل عمايل

باحبك يا بلدى واحبك ربيع

وجوك بديع ونيلك موافى لحد الحوافي يسافر بوافر ويسقى العطاشي شجر تمرحنه وشجر دقن باشا وتخضر أرضك بطولك وعرضك وتعلا السنابل وتكسى الغيطان وتشدى البلابل وتملا الودان یا مصر انتی جنه ربيعك فتنا مشاتل مشاتل سنابل وحنه

شبابك مصحصح

مجرد أمانى يا قلبى يا والع ما دام انت تانى مخضر وطالع بلون الربيع يطوف الربيع

## میکی

بصراحه یا أستاذ میکی إنك رجعي وتشكيكي قاعد لا مؤاخذه تهلفط وكلامك رومانتيكي ولا ناوى تبطل تكتب بصراحه كلام بولوتيكي عن دور الحل السلمي واستعماله التكتيكي في الوقت اللي احنا صراحه دايخين دوخة البلجيكي وبلدنا لسه جريحه وبتصرخ بالأفريكي لو بات التار يا و لادي ح ببات الذل شریکی والشعب يقول با بلادي

بالروح والدم افدیکی
وحاجات بصر احه بتحصل
فی بلدنا یا أونکل میکی
بصر احه و لا انت معایا
و لا طالل من شبابیکی
وکأنك مثلا مومیا
للسلطان الانتیکی
احیاها لاستعمالها
لستعمار الامریکی
رجعت علی هیئة
میکی

القاهرة 1979

# فات الهوى

فات الهوى سلم عليّ بات السهر ساكن عنيه عاد الهوى بين يوم وليله واحنا سوا يا نور عنيه

> آه یا اسمرانی لحظة ما فات لحظك نلاانی علد الهوی قام التقانی زی الهوی

فلت الهوى

فات الھوی یا ولد یا خمری

قلبي ف إديا

سلّم
وانا سلمت أمرى
عاد الهوى بالشوق يا عمرى
يملا السهر والنوم علّى
فات الهوى
آه يا بن عمى
زى الهوا شعلل فى دمى
واما شكيت الوجد لامّى
ضحكت

معتقل القلعة ١٩٧٣

# باسهر وبنام

باسهر وبنام یا حبیبی ونا كلى غرام یا حبیبی ولا يسعدنيش یا حبیبی غير الأحلام يا حبيبي في ظلام الليل والناس نايمين والفجر بلاده بعيده بعيد والفكر شموع ودموع قايدين والصبر عذاب ولا فيش بالإيد غير إنى استنى

یا حبیبی واصبر واتمنی یا حبیبی واهرب من ناری یا حبیبی واحلم بالجنه یا حبیبی

با حلم بالنور وبنات الحور والطرحه التل وتاج الفل وانا وانت بكاس الفرحه ندور ع الناس حوالينا ونسقى الكل وعلى الأنغام يا حبيبى نصبح وننام يا حبيبى ونعيش أيام

یا حبیبی ولا فی الأحلام یا حبیبی

یا سلام ولو ان لقاك أحلام ع الفرحة از ای بتخلینی أهرب

بالشوق على فوق يا سلام والشوق على الشوق على المناس

والشوق ع الجنه يوديني والجنه هناك

یا حبیبی علی شط ہواك

عی سط یا حبیبی

م**لیانه** ز هور ایا **حبی**بی

من غير أشواك

یا حبیبی

معتقل القناطر ١٩٧١

# هوشی منه

یا دی العجب یا رجب
یا مرتب الحکایات
اسمع وشوف واندهش
واکتبها فی الکتبات
عسی الکلام ینقری
لو قلبوا الصفحات
خلی الشعوب والدول
تتعلم البطولات

الحزن طول عمرنا له من حیاتنا حیاة نقضیها فی النهنهه ونضیع الأوقات نبکی علی اللی مضی ونعیش مع اللی فات

شوف العجب یا رجب واعجب من الروایات شعب الملاحم بکی نزلت دموعه دانات ع الظالم المفتری حلفت علیه ما یبات

أول ما طار الخبر بين الجنود إشاعات دمع البارود انهمر دفعات ورا دفعات تردى العدا عشرات والتانيه من عزمها زعق الفضا زعقات والتالية تحمى السما والرابعه من بعدها والمريه والألوفات

مطر بارود وانهمر في الأرض والسموات يغسل طريق البشر وبيند الحشرات ولما ذاع الخبر واتأكد الإثبات صاح السلاح في الحرس قال هوشي منه مات الحاكم اللي زهد في الملك واللذات والزاهد اللي حكم ضد الهوى والذات مات المسيح النبي ويهوذا بالألوفات مات الصديق الوفي للخضره في الغابات مات يس

بس فات للأمل

فوق الطريق علامات لو سار عليها العمل طول الطريق بثبات تهدى الغريب سكته وتقرب المسافات

معتقل القناطر ١٩٧١

#### صرخة جيفارا

جيفارا مات جيفارا مات آخر خبر فى الراديوهات وفى الكنايس والجوامع وفى الحوارى والشوارع وع القهاوى وع البارات جيفارا مات والتعليقات

مات المناضل المثال يا ميت خساره ع الرجال مات الجدع فوق مدفعه جوّه الغابات

جسد نضاله بمصرعه ومن سكات لا طبالين يفرقعوا ولا إعلانات ما رأيكم دام عزكم يا أنتيكات يا غرقانين في المأكولات والملبوسات یا دفیانین ومولعين الدفايات يا محفلطين يا ملمعين یا جسمینات يا بتوع نضال آخر زمن في العوامات ما رأيكم دام عزكم جيفار ا مات لا طنطنه و لا شنشنه ولا إعلامات واستعلامات

عينى عليه ساعة القضا من غير رفاقه تودّعه يطلع أنينه للفضا يزعق و لا مين يسمعه يمكن صرخ من الألم من لسعه النار ف الحشا يمكن ضحك أو ابتسم أو ارتعش أو انتشى يمكن لفظ آخر نفس كلمة وداع لجل الجياع يمكن وصيه للى حاضنين القضيه في الصراع صور کتیر ملو الخيال

وألف مليون احتمال لكن أكيد أكيد أكيد ولا جدال جيفار ا مات موتة رجال

یا شغالین ومحرومین

یا مسلسلین رجلین وراس
خلاص خلاص

ما لکوش خلاص

غیر بالبنادق والرصاص

دا منطق العصر السعید
عصر الزنوج والأمریكان
الكلمه للنار والحدید
والعدل أخرس أو جبان
صرخة جیفار یا عبید
فی أی موطن أو مكان
ما فیش بدیل
ما فیش مناص

يا تجهّزوا جيش الخلاص يا تقولوا ع العالم خلاص

القاهرة ١٩٦٨

#### شجرة لو

یا أمانی یا شجره ف بستانی بتفرع ياما وتعلو وبيستناها الفكهاني ولا تطرح غير كلمة لو **لو** اغمض و أفتّح تانى ألاقيني طاير في الجو والشمس عروسه مقابلاني بالطرحة الدهبى وبالضو لاخطف طرحتها وفرحتها وانزل في اللحظه وفي التو أبدر أنوراها وأشوقى ع الأرض تنور تحلو والمس بالكف المتحنى ع الزرع يبشر ويمنى والحب يرعرع

ویغنی
والعمر یهنی
والعمر یهنی
ویقوموا الناس فی الفجریه
والصبح بیضحك ها أو
واللیل بعیونه الحرامیه
بیعیط خایف م العو
وأمانی كتیره مشاغلانی
ممكن تتحق یوم أو
علی رأی صاحبنا البستانی
لو تطرح یوم شجرة لو

القاهرة ١٩٦٧

# حرب الشعب

ما تقولليش
ما تعدليش
ما تعدليش
حرب الشعب
وغير ها ما فيش
حاس يا مصاروه
حاس يا مداين
حاس يا بلاد
حسنا يا ناسنا وداسنا الغول
عض بلدنا
عرض وطول
ما تقولليش الجيش مسئول
جيش من غير شعب
ما يمشيش

#### الثورى النووى

حلا ویلّلا یا حلا ویلّلا یا خساره یا حول اللا الثوری النّوری الکلمنجی هلاّب الدین الشفطنجی قاعد فی الصف الأکلنجی شکالاطه وکر امیللا

> يتمركس بعض الأيام يتمسلم بعض الأيام ويصاحب كل الحكام وبستاشر مله

يا حلَو لو لو شفته زمان مهموم بقضايا الإنسان

بیتکتك لا تقول بركان ولا بُوتاجاز ولا حلّه

إيش حالك يا جريبى اليوم وايش جاب التفاح للدوم وايش جاب الأوضىه ف بدروم للعربيه وفيلا

> جرانین ومسارح و إداره ومعلق طبله وزماره یسلك أهو بیزمر یعطل یجیبو له المنافیلاً

واترستق هلاب الدین بقی عاقل جداً ورزین ویا عینی علینا یا مجانین عشنا ومتنا بعله

معتقل القناطر ١٩٧٠

#### سناء الورد

إلى أجمل عروس في العرب ، الشهيدة سناء محيدلي

ورق ورق ورق أفكار ورق شُعًار ورق شعارات ورق ثوار ورق ثورات ورق أحلام ورق حكام ورق ورق ورق ورق ورق

ورق

آه يا وطن على الورق الحلم فيك على الورق والعلم فيك على الورق وخدعني فيك صوت الورق وسافرت فيك على الورق وحلمت بيك بّره الورق بستان ضليل وقله للعطشان سبيل وناس ونبل ومشربيه وحمام هديل و بنت حلو ه وواد جميل هجموا التتار كلاب ورق قتلوا الرسوم على الورق وقالولى حلمك مستحيل

وحتى لو كان ع الورق وكفنوني بالورق وضيعوني في الورق ورق ورق ورق ورق مقهور وماشى في الورق غرقان عرق حلمى انسرق شايل على قلبي الهوى من غير دوا إلا الورق وفجأتن لمع .. برق وقابلتها فوق الورق مع إنها مش في الورق ولا عمرها كتبت ورق!

اورق ورق ورق ورق شفت العروسة ع الورق الشمس ؟ لأ البدر ؟ لأ النجمة ؟ لأ البحر ؟ لأ الشعر ؟ لأ السحر ؟ لأ لأدى الحقيقه المرعبه قاسيه وبسيطه وطيبه زیک وزیی وزى بنت باحبها زى الوجود والحب والناس كلها كده الربيع كده الجني كده المسائل تنحسب كده الكلام كده الغنا

[770]

كده القصيده تنكتب آه يا سناء الجرح يا بنت الألم كل الرايات انتكست وانتى العلم ورق ورق ورق ورق آه يا وطن غرقان ورق و عملت انا مرکب ورق وسندباد ملاح ورق وسبحت فيك بحر الورق وصارعت فيك حيتان ورق وركبت فيك أمواج ورق وعشقت فيك لحظة غرق كَشَفَتْ كنوزك بيا وطن تحت الزباله و الورق

ورق ورق ورق ورق يا دي الربيع لاخضر وسط الخريف طالع يا نبعة الصحرا قلبى الحزين والع إسقيني يا شابه يمكن تطفيني وان جفت المبه ريقك يكفيني آه يا سناء القهر يا بنت الأنين يا ضربة الناس الغلابه المظلومين يام العيون المغرمين أبصر بمين يا هلتري بعد الوطن بتحبی مین ؟ ردى على الأحباب يا زهرة العناب إن كان دعاكي الهوى وان كان فتحلك باب

آه يا سناء الرعد يا بنت الحسوم با نجمه یا متحیره بين الغيوم باسأل وانا من كسفتى ف نص الهدوم قلبك صغير يا حبيبتى ع الهموم وازای قدرتی تعشقی وطن فسيح مطعون جريح الدنبا طلعت للقمر و هو متكتف كسيح يا هتاري قلبك محيط ولا انتي يا بنت .. المسيح؟ آه يا سناء الورد يا بنت الربيع يا أغلى زهره اتفتحت هذا الربيع ورق ورق ورق ورق وقعدت الوِّن في الورق عصافير ورق أشجار ورق أز هار ورق

انهار ورق قُصرُ الكلام جبت الربيع ابن الربيع ونقشت منه ع الورق طرحه وعشر فساتين ولضمت عقد الفل الجلك يا ست الكل وفردت غصن البان على قدك الفتان على قدك الفتان منباك على الجنه طليت من الشباك قابلوني ألف ملاك رافعين على الأعناق

علم الشهيدة سناء

# الشاعر الأكرة

أنا الأديب لما اتكلم ما باخليشي لأني جاهل وفاجومي ومخ مفيشي ومخ مفيشي وأي تغيير في حياتي ما يتعبنيشي وانا اللي قولي على نولي مش من بره الله الله يا بدوي مش من بره

وابدأ كلامي عن الأشعار واللي زانوها بيرم وخيري

وكل الناس اللي صانوها أما الكلاب عند الجواسيس واللي خانوها فدول كلاب وما ينذكروش هنا بالمره الله الله يا بدوي هنا بالمره يا عم بيرم وحياتك و اللي أماتك وخلا ناس مآبين على مقالاتك عايشين على مقالاتك

على مقاماتك لاجعل من الشعرا الأندال مسخه وعبره الله الله يا بدوي

وواد مباحث يتطاول

الله الله يا بدوي مسخه وعبره .

في كل مولد يا مباحث لفلفت حزام ورقصت تبع المزيكه وكنست مقام وصاحبت كل الألاتية ومشيت خدام لكل عالمه وشبشبها حسب الأجره الله على شبشبها حسب الأجره حسب الأجره

حربايه يا بن الحراميه ميه الميه ميه الميه على كل لون جاهز تركب ع التسقية أما أنت مالح ومزبط ولبن غبيه وحصانك اللي راهنت عليه يخسر بكره

الله الله يا بدوي پخسر بكره

الطبل غير الشعر يا واد ما تهبّلشي وأي شخص يكون شاعر ما يطبّشي ما يطبّشي يا تقول كلامك من جواك يا متقبلشي ملعون أبوك طالع نازل شاعر أكره

القاهرة ١٩٧٥

#### غاية

غابة كلابها ديابة نازلين في الناس هم واللي ينام في الغابة راح يتاكل هم واللي يدير وشه غمضة عين يتهم

> هم هم

واللى يغيب عن جحره لجل القوت والمم يتخان من ورا ضمهره أو يتاخد خم غابة بتاكل ميته غابة بتشرب دم

هم هم هم هم هم هم هم هم هم

A A A A AA

هم هم هم هم

غلبة كلابها ديابة ناترلين فى الناس هم غلبة وناسها غلابة خيخة لا ناب و لا فم متكلين ع الصدقة متكلين بالهم

> هم هم هم هم هم هم هم

#### هم هم هم

واحنا یا ملح الغابة هم یحرك هم ضایعین وسط دیابة مش فاضین نهتم فاهمین وبنتغابی مش راضین نتلم

> هم هم

القاهرة ١٩٨٧

#### أصل الحكايه.. ولد

منین أجیب ناس لمعناة الكلام عارفین شبه الأماری لإا حفظوا الوداد عارفین شرعت من القلم رمحی جرح قمحی جعلت عشق الغنا زادی وناس عارفین

> یا لیل یا عین یا وطن یا صحرا یا بساتین یا جرحی

یا غنوتی یا ناسی یا غایبین موالی من غربتی أخضر خضارة حزین حزین کلام الغنا والسامعین عارفین

آه يا زمان الخنا يا ماشى بالمعكوس فيك أى شئ ينشرى وكل شئ بفلوس حطيت عديم الرجا ع الخايب المتعوس خراب وحاكم أغا يا قهرة العارفين

ركيب الأغاع البلد ركب عليها الخوف خاين قليل التنا جأهل عديم الشوف خان التراب والهوى خنق الضمير في الجوف وداس بنعل الوطى عُ المحق.. والعارفين مين في البلد يا بلد کان صوته من راسه بحسب يكيد العدا ويصون وداد ناسه دار المدار بالخبل وسقانا من كاسه مين تحت حكم الأغا

[ 0 7 7 ]

ينطق يقول عارفين

ياللى قريتوا الجرايد كله كلام مغشوش ومركبين فى الصحافة بتوع وليها كروش يدوسوا زر البتاعه ينزل كلام مطروش حمضان فى حبر المطابع وكلنا عارفين

> أصل الحكايه ولد فارس ولا زيه خد من بلال ندهته ومن النبى ضيه وم الحسين وقفته

فی محنته وزیه قدم شبابه فدا

مم سبابه قدا والحق له عارفين

يابن الربيع والأمل والشمس والزينه مين يا فتى أعلمك فعل الخريف فينا وكبرت برا الزمان اللي ابتلاك بينا نايمين على ودننا مع اننا عارفين!

صاح من سكون الخرس كروان بغنيوه الملك لك يا فتى يا مصرى يا حليوه رقصت نجوم الفلك

بالضى تتعانق والشمس ويا القمر فى برجهم عارفين

شیل الغطا یا عطا عبد السلام مددین عبد الحمید یا فتی قطب الرجال یا حسین داعی المروءة دعی والعمر مش عمرین خالد یقول صحبتی واحنا الجمیع عارفین

> الله أكبر هنا ع الباغى والجبار طعن الفتى طعنته خار الأغا وانهار المجد دا ابننا

والفارس الكرار راكب على مهرنا والكدابين عارفين

مين يا فتى علمك لعب العصاع الخيل وازاى قطفت القمر من فوق شواشى الليل وطبعت نجم السما الاسم: خالد ولكن عاشق ولك هندك طبع الأسود عندك عندك عين يا فتى علمك مين يا فتى علمك عشق الملاح.. والميل عشق الملاح.. والميل

هندك يا أدهم هنا

أصلك وسلسالك والناس يا خالد هنا عمك هنا خالك هنا غنوه من قهرنا إسمك وموالك في دمنا عايشين وليه أجيب ناس لمعناة الكلام عارفين واحنا الأمارى عارفين عارفين عارفين عارفين عارفين عارفين عارفين عارفين عارفين عارفين

سجن الأستتناف القاهرة ١٩٨١

#### الفارس؟

أمشير على نجعنا والريح بتصفر صفر كل الدروب صفصفت غيرك على عدا فى الكفر على عود الزان يا عود الزان جلبى عليك انشعف وانا جلبى دا خزان فيه الرفاجه العزاز ونصل خنجر خيانه وفيه صبايا حلالك

يا واحد العيله خايفين عليك تنكسر ونجدد الأحزان

# دموع إيزيس

[ 010]

الميه قالت للبساط السندسي غنوة حنين واستأنفت نفس السفر واستأنفت نفس السفر انت ليه ساكت حزين افرح وصحصح واستحمى بالقمر والصبح ضى الشمس يبجى يجففك ويلفافك م الزمهرير يفا وعفا تضير

تسقى الطيور من فرحتك تملا الوجود بالزقزقه واسمع بقى يا زرع.. يا عمر السنين ماتقولش عنى للزهور كلام حزين الكون ماهوش ناقص غضب الكون ماهوش ناقص أنين

> صبحت إيزيس من قبل آلاف السنين حزينه مش من غير سبب اكيد اكيد كان فيه سبب

نزلت دموع الحزن أشبه بالسيول أو بالخيول الجامحه

من ضجيج دق الطبول شقت لهاع الأرض مجرى.. أو مسار من يومها صار والنيل مسافر باقتدار يكسى الشقوق في الأرض تتفجر حياه ولاحد عارف منشؤه و لا فين مداه الكل قال والكل عاد والكل ماعرفش المعاد لكن قليل اللي عرف إن الدموع مى اللى شقت للبشر بين الربو ع نهر الحياه

## الزياره

السكه مفروشه تيجان الفل والنرجس والقبه صهوة فرس عليها الخضر بيبرجس

والمشربيه عرايس بتبكى والبكا مشروع مين دا اللى نايم وساكت؟ والسكات مسموع! سيدنا الحسين؟ ولاً صلاح الدين؟ ولاً النبي؟

ولاً الإمام مستور يا حراس المقام طول ما الكلام بالشكل دا ممنوع!

على العموم

أنا مش ضليع في علوم الانضباط أبويا كان مسلم صحيح وكان غبى وكان يصلى ع النبى عند الغضب والانبساط!!

> لجویا کان فلاح تعیس فی لیله ضلمه خلفوه وف خرقه سودا لغلفوه

وف عيشه غبرا طلعو ه ولصموه وطلسموه ودجنوه وجهزوه وجوزوه على عماه! فكان محير في هواه ما بین امی وما بين الجاموسه وكان يخاف يقتل ناموسه وكان خجول خجول خجول لكنه كان دايما يقول استغفر الله العظيم من باب الاحتياط!

> أبويا طلعتوه حمار فكان طبيعى

یجیبنی جحش لا اعرف نبی من اجنبی ولا مین ماجاش ولا فین ماراحش

موسى نبى عيسى نبى محمد نبى وكل وقت وله أدان وكل عصر وله نبى

واحنا نبينا كده من ضلعنا نابت لا من سماهم وقع ولا من مرا شابت ولا انخسف له القمر ولا النجوم غابت أبوه صعيدى وفهم

قام طلعه ظابط

ظبط على قدنا وع المزاج ظابط فاجومي من جنسنا مالوش مرا سابت فلاح قليل الحيا اذا الكلاب عابت و لا يطاطيش للعدا مهما السهام صابت عمل حاجات معجزه وحاجات كتير خابت وعاش ومات وسطنا على طبعنا ثابت وان كان جرح قلبنا كل الجراح طابت ولا يطولوه العدا مهما الأمور جابت

دمشق ۱۹۸۶

# وحدك

وحدك وانا وحدى المكى ساعات ولحدى \* \*

طول السفر والليل يا غربتى وحدى \* \* \*

صحرا وانا جمال شیله وانا شیال قصه وانا قوال غربه وانا وحدی

> **يا ه**مسة النسمة **يا لم**سة الأوتار عامسة الأوتار

[ 098 ]

یا خدوك الشوی یا عیونك الأنهار طول الخریف عمرك بین الحنین والنار بتلونی الأحلام وتفتحی النوار

وانا خریفی دوم بین العطش والصوم لا لی جلد ع النوم و لا السهر و حدی

القاهرة ١٩٨٧

## عيد ميلاد

زى النهارده من زمان مِن كام سنه ولاقيش لزوم المحد أو للحسبنه عد عمرك يا جحا قال – يوم فلس وخمسه سنه عكننه فلس فلس

> زی النهارده الست هانم والدتی هزقت وقالت بالقلیل

یا دهوتی واتجمعوا نسوان حارتنا یسمعوا صرخة قدومی ویستبارکو بطلعتی خیبة عقول طبعا وحرکات نسونه

لأ والمصيبه ان الجماعه ماشاورونيش ولاحد قال لى ولاحد قال لى أو مااجيش قال ليه وليه قال ليه وليه قام شئ حصل بعد المناغشه مايتحكيش! وابن العرب فى الشئ دا أحدث مىكنه

ايلتها كان الحظ أخر نعنشه وكلمتين في ضحكتين في ضحكتين بعد العشا كان القدر جاهز خبطته خبط عبط شوفوا العجيبه المدهشه منين عذاب

القاهرة ١٩٦٤

#### مسافر

إلى روح الصديق زكى مرج

مسافر مسافر ودايما مسافر فى قلب الخطر ع الطريق الصعيب تسافر بعمرك وأمرك عجيب

> كأنك بطبع العناد سندباد وعاشق وعشقك بعيد البلاد مسافر نودى الوداد للرفاقه مسافر تجيب الحليب للولاد

> > یدور الزمان بالمکان و الوجود

و المسافر و الم

يُعمافر مسافر أيا سندباد وداير تلف الزمان والبلاد مسافر كأنك لقيت الحقيقه مسافر كأنك عرفت المعاد

وطال السفر يا صديقى الحبيب وكان الأمل فى اللقا عن قريب الشوفك

وابوس ابتسامتك واضمك واقول لك همومى وادوب جوا همك في عز النهار ويحلا الهزار واسافر طريقى وانا في انتظار القبلك مسافر في نفس المسار

وطیر یا حمام بالسلام و الوداد وترمی التحیه علی السندباد وقول له ان صاحبك فی عز انتظاره بیكتب ویحسب لیوم المعاد

وبات الأمل سندباد في الخواطر وعاش الأمل في الجوانح مسافر

مسافر مسافر وترمح خيول الزمان بالحوافر مسافر مسافر مسافر مسافر ويتعب صديق الطريق المسافر يتام ع الطريق المسافر ونوم الرفيق السندباد عن السندباد

ورم رحين **نُهاية ح**كايه عن السندباه **بدَاية ح**كايه

لناس ع الطريق

القاهرة ١٩٨٠

# الرسالة الثانية

كتابات.. على المظروف

عنوان البيت؟ من غير عنوان فى الدنيا الواسعه وف أى زمان حتلاقوا كتير

عش.. وعصافير تعشق.. وتطير فوق الأحزان

> عنوان الشارع؟ مصر .. وبس من غير أوصاف وسؤال ودليل عنوان

من فرط الشوق يتحس من ريحة الأرض وعرق النيل

سكان الشارع؟ هما .. وبس ولا غيرهم وقت الجد<sub>.</sub> بديل

> الراسل شاعر عاشق موت وشيوعى ومصرى بعلو الصوت عنوان العاشق سجن أبو زعبل

سجن ابو زعبل وأبو زعبل مصلب للعشاق عنوان الشاعر

قلب العالم والعالم عامر بالأشواق والشعر حصان رغم القضبان
بيلف العالم
كيف يشاء
عزه
الشعر كتير
والبحر غزير
والمهم جبال
والشوق شلال
والعشق حلال
واحنا العاشقين

السجن؟ مافيش في السجن زمن

الوقت؟ مالوش في السجن تمن

ح اكتب لك إيه و احكى لك إيه؟!

أيام بتمر وليل بيجر نهار ويعدى والحنا فى دوامه والأفكار بتجيب وتودى

العالم برًا بيعمل إيه؟ الناس فاكر انا؟

وساكتين ليه! للناس بيروحوا الشغل إز اى؟

الناس بيلاقوا العيش إزاى؟ الناس بيمضوا اليوم إزاى؟ الناس بيجيلهم نوم إزاى!

الناس بیجیلهم نوم ار ای الناس الناس

> الناس الناس

شغلتنا الناس

والناس ويانا ف كل وجود واحنا مع الناس وعشمنا ف بكره مالهش حدود واكتب لك إيه؟ واحكى له إيه؟

و الحدى المدام الليله قمر وانا طير مأسور وانا طير مأسور المشق عاشق وحبيبى الليله أمر والسور والسور طيران طيران طيران عليت طيران عليت طيران عليت وحدفنى الشوق ع البيت

طيران وغلبنى الشوق غنيت حتة غنيوة حب قمر يا حمام يا حمام يابو ألف جناح يامعدى الساعه في غمضة عين عشاق وبلاد العشق براح و السكه أمان طول ما احنا اتنين محبوبتي قصيده مع المداح وانا غاوى غناوى وانا ابن يومين والبحر عنيها وانا الملاح

> وهوايا الشط واروح له منين

للغربه ليالى ولينا صباح ونمد الشمس على الشطين رفرف يا حمام بالألف جناح ودينا لبكره

وصحیت من حلمی
القیتنی أنا
باحلم بك
فی الحلم هنا
فی العلم هنا
ف هزاری ف جدی
فی كل ما بادی
وباخد ویا الزملا هنا

واكتب لك إيه واحكى لك إيه؟

سجن أبو زعبل ١٩٧٧

## موال عشان الوطن

طبیب معایا ألم جواً الحشا مجهول بنا بنی لی وطن بس الأساس مجهول مجهول وانا علتی.. عزوتی ناکر جمیل وجهول

جهل الأصول يا بلد خلا المغول.. داسك وعلا ناس بالدهب ينداسوا.. بمداسك وركب البلبه والجهل

على ناسك وانا اللى ناسك فى عشقك والنصيب مجهول

## بعد العطش

الحمد لله الفنان بعد العطش طرح الرمان على صدر محبوبى الفتان الألعبان أبو كسم ظريف

ولوِّن الخدين بالراح عنب الكروم إبن التفاح وغماز ات فشرت لا قداح واملا القدح واشرب يا خفيف

وجوز عیون لا جوز عصافیر برموش ترفرف عقلی یطیر ومعششین علی بحر کبیر بغرق علی شطه الحریف

وانزل على الجيد الجبار المفترى فرع الصبار وقول له إيه آخر الأخبار بيا مرمرى في جناين الريف

جنينا من سحر البستان بعد العطش

فكر وحرمان ورجعنا نرسم بالألوان على كل شجره وليف .. ووليف

#### الغزاله

یا لیل تلالا فالبدر لالا علی ضی عینه شفت الغزاله

**قلت ل**ها .. إسمك؟ **قالت** لى لولو

قلت لها لی لی؟ قالت لی لالا

شوفوا الغزاله بنت الغزاله!

> یا لیل یالاللی یابو اللیالی ع اللی حصل لی واللی جرالی لا البدر قال لی کلام یسلی

ولاً الغزاله رقت لحالمي

قلت لها إسمك؟ قالت لى لولو قلت لها لى لى؟ قالت لى لالا

شوفوا الغزاله بنت الغزاله!

> یا لیل أمانه یرضیك دا كله أعشق حبیبی واخاف أقول له! ولما عینی تسهر یا عینی ماتشوفش نوره ولا حتى ضله

قلت لها إسمك؟ قالت لى لولو قلت لها لى لى؟ قالت لى لالا شوفوا الغزاله، بنت الغزاله!

# أمر م الصبر

أمر" م الصبر سؤ لانك لغير مو لاك يصفر لونك وقليل ان سمح وعطاك

الندل صاحب قليل البخت واتواعدوا يمشوا رفاجه بطول العمر ما يباعدوا وفى الأصيل زى الغمامه بوعده والندل غير طريجه والزمن أهو ساعده

وبعده لسه الخيانه سايره في الأفلاك

دمشق ۱۹۸٤

#### استمرار

الشله بتهيش .. باستمرار .. باستمرار والوضع ملبش والأزمه بتكبر .. باستمر ار .. باستمر ار و الخلق حتكفر .. باستمر ار ومباحث تقبض .. باستمر ار على ناس بتفضيفض .. باستمر ار و صحافه دعار ه .. باستمر ار طیله و ز مار ه .. باستمر ار وابو دقن مقشه .. باستمر ار يفتى ويتعشى .. باستمر ار يحمى الحراميه .. باستمرار ضد الشيوعيه .. باستمرار ونضيع في محاكم .. باستمر ار من صنع الحاكم .. باستمر ار فنلاقي المرسي [77.]

مجعوص ع الكرسي يسمع اقوالنا

بالخلقه الملسه

يرطن ويهلضم

والآخر يحكم

إلى المستمر المستمر المستمر المستمر المستمر المستمر المستمر المستمر الدوله .. باستمر المستمر المستمر

ويشع جواباتهم .. باستمر ار ويشوف طلباتهم .. باستمر ار ويعود للجلسه .. باستمر ار

.. باستمر ار .. باستمر ار

۰۰ باستمر ار

.. باستمر ار .. باستمر ار

سجن أبو زعبل ١٩٧٧

# أشعار وأغانى الملك هو الملك

مهداه إلى روح الصديق الرائع سعدالله ونوس شاعر المسرح العربى وفارسه النبيل ومبدع المسرحية الفاتنة الخلاة (الملك هو الملك) رحمة الله عليه

-على عليوه ياللى ضرب الزميره ياللى وضربها حربى ياللى ياللى نطت في قلبى ياللى ياللى

قلبی رقاص یاللی

فی بلاد الناس باللی

والناس مجاريح ياللي

من عکس الریح یاللی والریح حردانه

یاللی ماتبو ح بأمانه

یاللی وأمانه یا خلّی

ياللى تعشق وتقوللى

تعشق وتد یاللی

على قصعة حنه

یاللی فی جنینة حنا

[777]

ياللي حنا وزان ياللي عند السلطان ياللي سلطان هبوش ياللي أبو ذمه فاشوش ياللي والسبحه في إيده ياللي بيعد عبيده ياللي وعبيده كتار ياللي زنهآر زنهار ياللي زنهار حكام ياللي

يظلم وينام باللي وصفوف مساكين أباللي تايهين ضايعين باللي أفى الفرح ناسينا باللي وف همه داعينا باللي يسرق ضحكتنا باللي ايخنق غناوينا باللي غناوينا عذاب إباللي م الباب للباب باللي وعذابنا حنان

یاللی
مش للسلطان
یاللی
سلطان الشوم
یاللی
سرق الغیوم
یاللی
وخدوه محتار
یاللی
م الدار للنار
یاللی
نصبوله الزار
نصبوله الزار

# شرم برم

شرم برم حالی غلبان شرم برم حالی تعبان

دنیا غروره وکدابه لکن جمیله وجذابه مجاریح ونعشقها صبابه لاینا ولدی حال الإنسان

شرم برم حالی غلبان شرم برم حالی تعبان

> مجنونه خالص ترالليً بكلمه تعزل وتولى

وف لحظه تاخد ما تخلِّی أمان (أمان ياللي أمان)

شرم برم حالی غلبان شرم برم حالی تعبان

دلوعه ماشیه بنتغندر بین الإمام والشاهبندر والشاهبندر والغاوی قاعد یستنظر حب العزیز یطرح رمان

شرم برم حالی غلبان شرم برم حالی تعبان

> یا حلم یا جناح المساکین یا وعد من ورد البساتین ملایین ربیع رایحین جایین والکون حزین من غیر ألوان

شرم برم حالی غلبان شرم برم حالی تعبان

# طنوش طنوش

طنوش طنوش طنش نش طنوس آخر طناش

طنوش قال لك طناش ومتعصلجلناش تعمل لى فيها عنتر دا شئ مايخصناش پس البعيد حيتعب وحتبقى حالته أصعب خليك من حزب أشعب طنش تنح قفاك وفقم وازرع وشك أوالح ماتحطش المصالح مابين خاصم وصالح دا مفيش خصومه دايمه تفضل ع الوش عايمه ولا القيامه قايمه إلا ف لحظة طناش طنوش طنوش طنشش

غفير وخالته دايه لو مسكوه عصايه ولبسوه عبايه وحطوه ع المرايه حيشوف أجدع أمير ملعون أبو الفقير وتسأل عن أصوله

## يقول ماشفتهاش

طنوش طنوش طنشنش طنوش قالك طناش

# طفی النور یا بهیه

طفی النور با بهیه کله عساکر دوریه

جوزك راجع من سوقه راكبه الهم وبيسوقه نطو العسكر من طوقه دوريه ورا دوريه

طفی النور یا بهیه کله عساکر دوریه

> جوزك سارح على غيطه بيلضم همه ف خيطه قزحوا العسكر على حيطه يلعبوا عسكر حراميه

طفی النور یا بهیه کله عساکر دوریه

> خالك راجع من مكه بالمتجمد والفكه طلعوا العفاريت فى السكه ألف ولاد الجنيه

طفی النور یا بهیه کله عساکر دوریه

> ولدك رايح على عكا يفتح سكه على سكه طلعوا عليه سدوا السكه واتحاصر رايحه وجيه

قيدى النور يغا بهيه كل العسكر حراميه

#### عطشان یا صبایا

عطشان یا صبایا
درب الهوی صعیب
والصحرا بعیده مدیده
عطشان والمیه قریب
والخطوه عذاب ومتاهه
والحلم اخضر وعجیب
وانا کل ما اجول التوبه
ترمینی المکاتیب
یا حبیبی یا نجمه لیلی
یا منور لی السرادیب
مکتوب علی کف العاشق
روح بلدك یا غریب
دی الغربه فی الزمان دا
تتونس بالحبیب

# السبوع

حلقاتك برجالاتك حلقه دهب في وداناتك

یا حنتوسك

یا منتوسك

یجعل عمرك قد فلوسك

جنتا الشمس

وطالبه تبوسك

خجلت من ضى ابتساماتك

حلقاتك برجالاتك

حلقه دهب فى وداناتك

حصنتك ماتشوف الذل بخرتك بخدود الفل ورقيتك من عين الكل

النبی حارسك من عتراتك

حلقاتك برجالاتك حلقه دهب في وداناتك

> قلعتك حرز لبستك حرز القمطه حرير والصوف ع الشرز

\* قاعتك طاقه

لبستك طاقه

وكتبت حجابك على وبر الناقه بكفيك الشين

والعيا والدين وسكوت الناس

وكلام العين

[ 777 ]

قلعتك قبه لبستك قبه ابعد یا شیطان وتعالى يا شابه لفيه وراقيه واسهري سليه وف برد الليل ضمي ودفيه قلعتك عافيه لبستك عافيه ورميت هلاهيلك في الميه الدافيه وغسلت ذنوبك وقريت مكتوبك السعد مو اعدك والهنا محسوبك

یاربنا یاربنا یکبر ویبقی زینا

طق الودع سحر وبدع سعد السعود في قصرنا تتاتتا خطى العتب ودوس على كل العتب واللى انقرا واللى انكتب واسرح في نعمة ربنا ياربنا ياربنا يكبر ويبقى زينا خد البشاره يا حسن وافتح لنا الفال الحسن وابعت على عيونه الوسن نوم العوافي والهنا ياربنا ياربنا يكبر ويبقى زينا

نام نام نام الم والدبح الك برجين حمام والدبح الك واعمل الك طاجن وبرام واغزل الك زعبوط وحرام واخطب الك بنتين م الشام واقطف الك ورد الأحلام واكتب الك ع الورد كلام

نام نام نام وادبح لك برجين حمام

> حسادك بايتين الليل يتلووا على نار الويل سهرهم ودموعهم سيل شقتهم لوجالك ميل واتحصن منهم بالخيل وملايكه شايلينك شيل

نام نام نام وادبح لك برجين حمام

#### حادی یا بادی

یا زهری النادی فکرک ایه؟ عمک شنطح جالک ینطح تدی له ایه؟ جالک ینطح جالک ینطح جالک ینطح آدی له قطفه ایه؟ حطفة ایه؟ حظفة ایه؟ فکره وخاطفه امال قول لی

- حادی یا بادی

لو انت یا خلی عمك شنطح

جالك ينطح

تدى له ايه؟

- کان یا ما کان

- كان دلوقتى

ولا زمان؟ - ما هو دلوقتی زی زمان

كانوا جماعه ف أرض وسيعه فيها طبيعه

وناسها الصافيه تروى الصحرا بعرق العافيه

الأرض الساكته تبوح بساتين

- الله الله - قمح وياسمين

- والناس عايشين

بما يرضى الله

# - الله يا دايم

هو الدايم ولا دايم غير الله - آه يا زمان كداب یا زمان في الحدوته وفى العنوان دنيا مظاهر عايشه الظاهر والقفطان هو السلطان - الله يا دايم هو الدايم ولا دايم غير الله - حطوا الخوصه على الخوضه [727]

– الله یا دایم

فوق البوصه المفعوصه تتقمع تبقى عوسه تتمنظر على غصن البان - الله يا دايم هو الدايم ولا دايم غير الله - و احد حلي وواحد ضيف نط الحلى سأل ضيفه حزر فزر تقدر كيف تعرف عنتر من خوفه بات الضيف على حد السيف تتقلب مش عار ف كيف شغل مخه وفرشه و هرشه وفرده ولمه وشمه وقرشه قوللي يا مخي يا صنع الكيف زى مابين الشتا والصيف فين الغارق و الشتان بين الفارس والسلطان

صنفر مخه وقشره وبشره وفرده ولمه وشاله وحطه تعب الضيف من لعب السيف غنى يا عين ويالالى كمان جاله الهاتف ليلة صيف فوقه مرايه وتحته حصان ابيض ف ابيض قال له يا غافل يا غلبان عنتر هو جراب السيف والسلطان حشو القفطان

# تیکی تیکی تیك

- تیکی تیکی تیکی
 تیکی تیکی تیکی تیک
 - مین؟
 - لأ لوز علی تین
 تین علی لوز
 أو لوز علی تین
 کله مغطی بقمر الدین
 توته توته
 یا تحت التوته
 والحدوته والسامعین
 النار ما تخلی
 لطامین

کان یا ما کان فى زمان ومكان كانوا تلاته من التلاتين كاف مع سين على زين الدين عملوا مؤامره على الباقيين أصل الشيللو بيشبه يلو حتى حمار الزبالين بعد ماشالوا وحطو و غطو ناموا وغطوا ومش خايفين قامت قومه ف عز النومه لا خلت كاف و لا زين و لا سين توته توته دى الحدوته وادى التوته

والسامعين

## الكلمات المتقاطعة

بدل الكوره ولعب الفوره وشغل الغاغه والبرجاس تاكل زغده تاكلك طوبه تملا دماغك بالقلقاس

یاللا نفکر حتة لعبه زی السکر بالأناناس کلمه ومعنی رأسی و أفقی یحکو حکایه تهم الناس تيجوا نفكر ياللا يا سكر

- واحد رأسى - رأسى بتضرب تقلب تشغى بالأفكار مسرح والأفكار هوامه فى الدوامه ليل ونهار

- واحد رأسى حاكم عربى كان طرطور عاشق ضلمه يخاف النور؟ حكل ما فينا من حكام جايين من قراقوش وكافور كذبوا - أفكوا فضحوا - هتكوا

خانوا – غدروا

فتكوا – سفكوا

- اتنین رأسی \* ایر دای دری د

شاعر داعر میت حی طالع نازل

رایح جی فاتح ایدہ

مادح سیده و لا قال حاجه

و لا عادشی – کل مافینا من شعاریر

كهنه وهتيفه وخنازير نكصوا – باعوا

لمعوا - ذاعوا شبعوا - جاعوا

سرقوا - نصبوا

افلوا – غربوا

واحد أفقى أفقى بيبرح كل ما باسرح بالمشوار أشرب من أنهار الكلمه واتعلم لغة الأزهار

- واحد أفقى
شعرا تلاته
ف كلمه باروده
بيرم ناظم بابلو نيرودا
كل ما فينا من عشاق
حاموا - جاعوا
تاهوا - ضاعوا
شبوا - نشأوا
مروا فاتوا
صبحوا باتوا

## رشقوا

- اتنين أفقى شاعر واعر لازم جي يملا عيون العالم ضي - كل ما فينا من أحزان تستنظر عاشق فنان يأتى – يقبل شاعر - بلبل حرفی -- فنی يشدو - يغنى أهلى قومى جوعي صومي شغلى أملى صحوى نومى هبوا لبوا قوموا هبوا يشرق يسطع صبح مطلع

ینشد بینی نشد ونغنی نمرح نلعب نشدو نغنی واحد تالت عاشر میه نشدو نغنی نملا العالم خضره عفیه نشدو نغنی

## البتاع

یاللی فتحت البتاع فتحك علی مقفول لأن أصل البتاع واصل علی موصول فأی شئ فی البتاع الناس تشوف علی طول والناس تموت فی البتاع فیبقی مین مسئول؟

وازای حتفتح بتاع فی وسط ناس بتقول بأن هذا البتاع جاب الخراب بالطول لأن جتة بتاع جاهل غبی مخبول

أمر بفتح البتاع لأنه كان مسطول

وبعد فتح البتاع جابوا الهوا المنقول نكش عشوش البتاع وهد كل أصول وفات في غيط البتاع قام سمم المحصول وخلا لون البتاع الصفر حزين مهزول

فساد قانون البتاع ولا عله ولا معلول فالقاضى تبع البتاع فالحق ع المقتول والجهل ساد فى البتاع ولا مقرى ولا منقول والخوف سرح فى البتاع خلا الديابه تصول

يبقى البتاع فى البتاع والناس صايبها ذهول وان حد قال دا البتاع يقولوله مش معقول وناس تعيش بالبتاع وناس تموت بالفول وناس تنام ع البتاع وناس تنام كشكول

آدى اللى جابه البتاع جاب الخراب مشمول لأن حتة بتاع فحلب لراس الغول باع باع وعشان يعيش على طول عين حرس بالبتاع وبرضه مات مقتول

سجن الاستثناف ١٩٨١

## الفهرس

الإمداء	٥	الخط خطى	7 4
الشعر حرية	٧	منشور وطنى علنى رقم ١	77
الرسالة رقم ١		حالة	٧1
من معتقل طره	11	اواه	٧٣
المندباد	17	فى المعتقل	۷٥
علال العيد	11	بیان هام	٧٨
<b>ح نظی</b>	*1	نواره	9.1
بهية	77	يا فلسطينية	1 • 1
دور یا کلام	* V	باحبك	۱۰٤
سلام للأرض	۳.۰	الأخلاق	١٠٧
أثنا رحت القلعة	**	قل أعوذو	111
على الأرغول	**	سايجون	111
خليلة فوق راس الشهيد	£ Y	الشعب الزين	117
على بابك يا ست	£ 9	حسبة برما	119
الشربة العجيبة	٥٢	ديستان	177
القواد الفصيح	٥٩	محكمة	172

ع اللي حاصل	117	طهران	117
ورقه من ملف القضية	171	أول الكلام	144
نيسكون جاء	1 £ £	الفرحة	7 - 1
ساتيا جراها	1 £ 7	الرعب	7.7
قال الراوى	10.	الثورة	4.0
من فضلكم	104	الهلوسه	Y • Y
تاجر	104	الأقوال المأسوره	* 1 1
اطلع من دول	101	النداله	111
بلح أيريم	109	الخالق الناطق	717
یا بهیه	177	التضليل	111
دعا الكروان	175	آخر الكلام (الدرس)	771
الصوت المصرى	177	صندوق الدنيا	4 4 4
شوبش طرزان	174	اليويو	7 2 7
إصحى يا مصر	1 7 1	قيدوا شمعه	7 2 9
جنون لبنان	175	كلب الست	704
موال فلسطينى مصرى	١٨.	دولا مين	171
يا عرب	١٨٣	موال السمك	171
اتنظار	١٨٧	الطنبور	410
استغماية	14.	التوبه	**1

ى الليل	4 7 7	المرجيحه	771
ل الزعتر	141	عبد المنعم رياض	770
جعوا التلامذه	11.	سلام مربع	414
نقطه	797	يا مرحرح	441
لفوازير العشره	797	أغنية هزار	<b>TV</b> £
لتحالف	4.0	رسالة إلى السجن	271
سباح الخير	*11	النيل عطشان	***
نبيد قصورك	410	حارتنا	241
سلة	*17	غنوة للشباب	۳۸٦
أما أتوب عن حبك	**1	شقع بقع	444
إملالي املالي املالي	<b>47</b> £	هما مین	797
غ <b>نوة</b> سلام	***	شُرُمْ بُرُمْ	440
طقة نكر	44.	القضية	444
الجدع جدع	T .	المدرس	٤.0
سبت جس الخولجه الأمريكاتي	414	أبوك السقا مات	111
بياتات على تذكرة مسجون	710	المشوار	٤٧.
بیدی و حبیبتی بلای و حبیبتی	719	اسكندريه	£ Y £
بندی و حبیبی علی الربابه	TOV	یا نظرہ	٤٣.
على الرباب الشيخ عاشه ا	41.	حنتوب	2 4 4
التنبيح بحاليات		7.3	

الشيخ عاشور

بوتيكات	2 77	یا حبایبنا	470
صابرين	277	ساعة العصارى	177
جيل الجينز	2 4 4	هلا بالحب	474
بيرم	* * 1	عطشان	£ V .
الحمام		يا خواجه	144
يا ليل يا عين	111	نيكسون	171
عيون الكلام	tto	موسم الحرايق	177
مُر الكلام	111	الحمدالله	174
على رأى المثل	££Y	ملاح الغناوى	141
موال الفول واللحمة	119	شال الهوى	1 1 7
الشواعر	101	عصفور وصياد	144
الصمت	\$04	عم السيد	111
الليندى	100	جوازه	198
الشركسى	103	الليل عجوز	190
یا مصر	\$ 0 A	ع المحطة	144
دعوه	\$ 0 9	نویت اصلی	• • •
سبحاتك	٤٦.	على حسب وداد جلبى	. 4
عد الهوى	171	الممنوعات	• • •
عشق الصبايا	£ 7 Y	صبر ايوب	٥.٨

الغربه	017	غابه	244
كلمتين لمصر	011	اصل الحكايه ولد	٥٧٥
الحاوى	011	الفارس	٥٨٣
كلام المصطبه	0 7 7	دموع ايزيس	٥٨٥
عيد الآس	0 7 0	الزياره	٥٨٨
الأوله بلاى	0 7 1	وحدك	994
بقره حاحا	٥٣.	عيد ميلاد	090
الفاعل	048	مسافر	091
الربيع	270	الرساله الثانيه	7.7
میکی	079	موال عشان الوطن	11.
فات الهوى	0 £ 1	بعد العطش	717
بامتهر وينام	0 8 4	الغزاله	110
صرخه جيفارا		امر م الصبر	111
شجره لو	000	استمراد	77.
حرب الشعب	004	أشعار واغانى	
الثورى النووى	۸۵۵	الملك هو الملك	777
سناء الورد	٥٦.	الكلمات المتقاطعة	7 £ Å
الشاعر الأكره	٨٢٥	البتاع	305